

WANTOK

MEDIA BILONG YUMI OL PAPUA NIUGINI STRET!

32 pes

Namba 1,411

Wik stat long Fonde Julai 12, 2001

70t

Pes 30

Winim prais, painim bal resis

Pes 10

Sios na komyuniti egensim poka masin

Pes 2

Ol pipel kros long plis

Pes 3

Ol stilman pinisim pis long solwara

Pes 5

Bisnismen kotim Is Sepik Gavana



Amamasim nupela haus lotu • Ol merbilong Yunaitet Pentikostel sios i singsing na amamas long opim nupela haus lotu bilong ol long Lufa, Isten Hailans provins.

Foto: SAPE METTA.

Gavana Lak laik kotim Gavman

HILDA WAYNE i raitim

GAVANA bilong Westen Hailans Pater Robert Lak i tok em bai kisim Nesenel Gavman i go long kot bilong wanem Gavman i bagarapim tupela man long provins bilong em.

Pater Lak i tok long olgeta kantri ol Gavman i mas mekim olgeta gutpela samting long lukautim ol pipel bilong kantri gut na sapos ol i no mekim olsem bai ol pipel i kisim bagarap.

Long tupela wik i go pinis plis i bin go insait long Yunivesiti ov Papua Niugini na sutim ol sumatin na foapela yangpela man i bin dai. Tupela sumatin husat i bilong Westen Hailans i bin dai long dispela taim.

Pater Lak i askim bilong wanem na gavman i singautim ol Mobail Skwat long Hagen i go daun long Mosbi taim ol plis long Mosbi yet inap lukautim ples.

Pater Lak i tok planti kain toktok bilong politikis i wok long kamap long dai bilong tupela sumatin tasol dis-

pela ol toktok i no gutpela long kamapim gutpela sindaun long provins na kantri.

"Nau long dispela taim mi i no amamas long wanem yumi mas noken pilai politikis antap long blut bilong ol man.

"Dispela dai bilong ol man i wanpela samting Gavman i mas stretim long wanem yumi save pinis olsem ol plis i bagarapim ol sumatin," em i tok.

Em i tok Papua Niugini bai save long tok tru long olgeta samting we i bin kamap long ol protes na dai bilong tupela sumatin bilong provins bilong em.

Pater Lak i tok Gavman i save pinis long as bilong dai bilong foapela man olsem na em i mas kam aut klia na tokaut long husat i mas go long kot long dispela bikpela rong we i bin kamap.

Gavana bilong Simbu provins Pater Louis Ambane tu i tok ol sumatin i bin gat rait long kamapim protes na straik long samting ol i ting i no ron stret.

Pater Ambane i singaut long Gavman i mas hariap na stapim praivetaisesen program long wanem ol yangpela sitisen bilong kantri i bin lusim laip bilong ol taim ol i egensim dispela program.

Em i tok Gavman i mas tingting long ol arapela we long bekim ol dinau bilong Wol Beng na Intanesenel Monitari Fan (IMF) na maski long kamapim praivetaisesen.

Gavana Ambane i tok dai bilong dispela foapela yangpela man i soim Gavman olsem ol planti liklik grasrut pipel long dispela kantri i no laikim praivetaisesen program.

Kot Mejistret husat bai i go pas long harim dispela kot i tokaut olsem i no gutpela long kot bilong korona i kamap bikos olgeta ripot bilong dokta i klia tru olsem ol lain ya i dai long sotgan. Olsem na em i wok bilong plis fos yet long sekim em yet na mekim klia wanem eksen em bai mekim long ol dispela dispela hevi.

Ol yuni sumatin kisim poto long ol plisman i kam insait long skul graun - Pes 3

Wakon bai sanap yet long Lidasip Traibunel kot

YAKAM KELO i raitim


LOYA bilong Gavman i painim Plis Komisina John Wakon i brukim lo long pasin em i mekim long kisim alawens bilong ka na sem taim em i wok long yusim plis ka. Olsem na Gavman loya i wetim Sief Jastis Sir Arnold Amet long kamapim kot bilong Lidasip Traibunel long lukluk igo insait long dispela.

Pablik Prosekjuta Chronox Manek i tokaut olsem em i skelim olgeta ripot na ol pepa long alawens na ol samting we Mista Wakon inap long kisim aninit long wok bilong em olsem Plis Komisina. Na em i gat luksave yet olsem Mista Wakon i mas sanap yet long kot bilong Lidasip Traibunel long skelim dispela.

Mista Manek i mekim dispela toktok bihain long loya bilong John Wakon, Paul Paraka i askim long rausim sas long Mista Wakon bikos em i gat rait long kisim alawens bilong ka na tu yusim dipatmen ka wankain olsem Komanda bilong Difens Fos. Na tu olgeta pepa bilong em wantaim pe seksen bilong Gavman i klia na orait tasol we Seketeri bilong Pablik Sevis Peter Tsiamalili i bin raitim na mekim klia pinis long opis bilong Ombudsmen Komisnin.

Pablik Prosekjuta Chronox Manek i tokaut olsem em i skelim olgeta ripot na ol pepa long alawens na ol samting we Mista Wakon inap long kisim aninit long wok bilong em olsem Plis Komisina. Na em i gat luksave yet olsem Mista Wakon i mas sanap yet long kot bilong Lidasip Traibunel long skelim dispela.

Mista Paraka i bin raitim pas i go long Mista Manek na askim em long rausim dispela sas bikos em i ting dispela painimaut bilong Ombudsmen i no stret na i gat hait tingting o bel nogut tasol long Mista Wakon. Olsem na Mista Manek i noken yusim dispela kain karamap o hait pasin long kotim Mista Wakon.



• John Wakon.

Bos bilong investigesen wantaim Ombudsmen Komisnin em John Toguata na em i bin wanpela olpela plisman we i save go pas long olgeta kriminel investigesen na em i ekspriens plisman long dispela wok. Em i bin risain long plis fos long 1999 na nau i wok wantaim Ombudsmen Komisnin.

Pablik Prosekjuta Chronox Manek i sanap strong yet

olsem em i skelim olgeta pepa pinis na i wanbel yet long Plis Komisina John Wakon i mas sanap long kot bilong Lidasip Traibunel. Mista Wakon i lusim wok (saspen) na stap ausait long wetim dispela kot i klia. Kot bilong Lidasip Traibunel em kot we i skelim ol lida long brukim lo i banisim ol lida.

PLIS RIPOT

MOSBI:

Kefiu bai stapi go inap 25 Ogas tasol plis i surikim taim i go olsem kefiu bai stat long 12 kilok biknait i go 5 kilok moning stat las wik.

Dispela bai stap i go inap Julai 21 taim lotu bung i pinis.

PLIS i tok dispela bai stap bikos long bikipela bung bilong Seven De Sios (SDA) we i kamap nau long Sir John Guise Stadium.

Taim dispela bung i pinis, ol bai surikim gen kefiu taim i kam bek long 10 kilok nait na pinis long 5 kilok moning.

Kerema:

Raskal long Kerema i bin tromoi wanpela hen grened we inap kilim ol plisman tasol bom ya i no bruk.

Plisman i bin go traim stapiojm sampela trabel we i wok long kamap long wanpela somil kem long Vailala.

Kimbe:

Plis i holim pasim tupela man na planti haus i paia long Kimbe bihain long ol stilman sutim i dai wanpela plisman. Plisman bilong Tomaringa bareks long Is Niu Briten i kam helpim plis bilong Kimbe long kukim haus na painim ol stil man husat sutim dispela plisman.

Wewak:

Plis holim pasim faivpela man husat stil long Papindo Supamakot. Wanpela wok man wantaim mani i kisim naip long han taim em laik go long beng. Em kisim bagarap na ol stil man kisim K10,000 long kes na sek wantaim tasol plis i holim ol.

Lae:

Long Sarere Julai 7, 20001, wanpela ka i bin spit i kam long Ramu Suga we na i kam stret long 40 Mail buai maket na draiva i painim hat long stapim ka na ka i ron i go antap long tripela man.

Ripot i kam long Lae plis i tok wanpela man i dai long dispela birua na narapela tupela i kisim bagarap na stap nau long Angau haus sik.

Ripot i tok plis i wok long sekim yet na lukluk i go insait yet long dispela birua na i no inap tok-tok moa long dispela birua yet.

Lae plis i askim olgeta draiva long lukluk gut long rot taim ol i ronim ka long rot. Bikos i save gat ol sain bilong kona o krosing long rot na ol draiva i mas lukluk long rot taim ol i ron.

Long las wiken yet Lae plis i sutim wanpela raskol man na holim ol arapela 5-pela lain tu long wanpela stil pasin we i kamap long Sarere. Dispela i kamap insait long wanpela stil pasin we i kamap long Saina Taun. Ol lain i ronawe tasol plis igo kamap long Tent Siti na holim ol sampela lain moa.

Ripot i tok ol lain ya i bin yusim wanpela stil ka, waitpela kala, Toyota Landcruiser we i bin lus long las wik Fonde yet. Plis i holim ol i stap long stesin nau long tokaut moa i go insait long dispela hevi.

Plis mas tok klia long dai bilong ol sumatin

PEKU PILIMBO i raitim

PLANTI pipel i no wanbel long pasin gavman i mekim long stapim hevi bilong sumatin protes tupela wik i go pinis. Ol i ting olsem plis i asua tru long sutim ol sumatin husat i nogat wanpela samting long pait bek.



Andrew Temane, 22


Dispela yangpela man i kam long Sauten Hailans provins. Em wanpela teksli draiva. Em i ting i gat rot ol plisman inap bihainim long karim aut wok bilong ol tasol ol i no bihainim gut dispela lo.

"Lo i stap bilong olgeta manmeri long yusim. Ol plis man tu. Isi pastaim, lukim sapos i gat trabel i stap na yusim gan.

"Mi no ting ol sumatin karim wappela gan i kam na sutim i dai wanpela plisman o bagarapim sampela pablik propeti na ol plis sutim ol sumatin olsem?"

"Kot i mas mekim save long husat plisman sutim dispela ol sumatin. Husat givim em rait long kisim laip bilong narapela man olsem?"

"Yumi olgeta i wankain manmeri aninit long wankain lo. Gan i no givim rait long plisman kilim nating ol man."



Roger T Arume, 22

Roger bilong Kero viles insait long lalibu, Sauten Hailans. Em i ting olgeta man i gat rait long tokaut long wanem samting ol i no wanbel long en na nogat wanpela i mas tok nogat long dispela.

"Kantri i tanim na kilim planti gutpela lida bilong tumoro. Ol plisman inap givim sampela tok lukaut long ol sumatin pastaim.

"Mi luksave olsem ol i givim siksti nating i go insait long yunivesiti kempas na sutim ol sumatin long laik.

"Ol i mekim wanem kain rong em mipela ol pipel i no save. Mi no ting wanpela sumatin i kam aut wantaim gan na ol plisman i go insait na sutim ol olsem ol animel nabaut.

"Praitetaisesen na graun tok ol sumatin i mekim i karamapim olgeta manmeri na mi no save wanem hap ol dis-

pela plisman husat amamas long yusim gan i kam long en.

Ating ol nogat wanpela graun o meri pikinini bilong ol i stap.

"Ating ol i mas pundaun long skai i kam na stap. "Mi bilip olsem gavman i traim long kilim olgeta gutpela lida bilong tumoro.

"Sapos gavman bilong Prais Minista Sir Mekere Morauta i toktok gut wantaim ol sumatin long nambawan de, ating olgeta samting inap kamap orait."



Simon Yakumbu, 40

Em i kam long Sauten Hailans tasol i stap longpela taim tru long Pot Mosbi. Em i ting gavman i rong na mekim wanpela liklik hevi kamap bikipela tru.

"Wanem samting ol sumatin i wokim i gutpela bilong olgeta manmeri long kantri tasol mi ting ol i no klia liklik long Len Mobilaisesen. Ating i gat sampela gutpela sait. Praitetaisesen i no gutpela. Gavman mas rausim planti wok manmeri na katim kos bilong ronim bisnis na bihain ronim ol dispela bisnis olsem praitet bisnis.

"Husat plis opisa i givim oda long sutim ol sumatin husat nogat wanpela gan long pait bek.

"Bilong wanem ol plisman i sutim ol sumatin nating. Bipo taim ol sumatin protes olsem, manl planti samting i save bagarap.

Dispela yia ol sumatin i mekim wanpela gutpela mas stret. Nogat wanpela trabel.

"Bilong wanem plis i sutim sumatin? Ol pablik i no klia yet na plis dipatmen i mas tokaut.

"Yunivesiti graun tu em praitet eria na husat tok orait long plisman karim gan i go insait na sutim ol sumatin long laik?"

"Mi no ting ol sumatin i kilim wanpela man, brukim mama lo bilong dispela kantri o samting olsem? Gavman mas tokaut long pablik na peim kompensesen tu long wantok bilong ol sumatin husat i dai.



John Dowala, 54

John bilong loma insait long Oro provins. Em wanpela olpela plis ditektiv na stap 27

yia wantaim plis dipatmen, em wok wantaim ami na gavman dipatmen tu. Nau em i ritaia na stap long Pot Mosbi.

Em i tok plisman na ami i kisim skul long sutim ol man tasol ol i no givim wanpela tok orait long sutim ol manmeri husat nogat wanpela gan o samting wantaim long pait bek.

"Mi sori na krai long ol sumatin husat dai yet bikos yumi lusim sampela gutpela lida bilong dispela kantri.

"Ol i no mekim wanpela rong long dai olsem. Mi no klia wanem as tru ol plisman i sutim ol sumatin olsem.

"Husat i givim oda long sutim ol sumatin i mas kam aut na tok klia long ol pipel? Bilong wanem ol yusim gan na kisim laip bilong ol yangpela long stretim wanpela liklik hevi.

"Mi save olsem gan em bilong yusim long taim bilong bikipela hevi na mi no klia wanem as ol plisman sutim nating ol sumatin.


"Kot i mas mekim save long husat sutim ol sumatin. Rausim ol long plis fos, ol i no save long lo.

"Luk olsem ol sampela raskal i kam mekim dispela pasin. I no ol lo man wantaim sampela save.

"Mi sori long Sir Mekere Morauta olsem em i no harim singaut bilong ol pipel husat i makim em long holim wanem sia em holim nau.

"Sapos em bin kam aut long nambawan de, ating dispela kain hevi i no inap kamap. Yumi no inap lusim laip.

"Planti samting i no inap bagarap. I no inap bai dispela kros stap namel long plis wantaim gavman na ol pipel. Asua i stap wantaim praim minista na em mas risain na larim sampela gutpela man ronim kantri. Ol man husat bai inap harim krai bilong ol liklik man.



Peter Urri, 23

Peter bilong Simbu i ting olsem gavman mekim bikipela asua long ol pipel. Mama lo bilong kantri i tok ol pipel i rulum dispela kantri na gavman ol makim long en i stap tasol nau ol i yusim strong bilong gan long holim dispela pawa.

"Ol pipel i givim tok orait long gavman i ronim kantri. Taim gavman i mekim samting ol pipel i no laikim, ol pipel i gat rait long tok nogat.

"Bilong wanem na gavman kisim gan i kam aut, sutim ol sumatin na daunim bikipela tingting na laik bilong ol pipel.

"Mi ting gavman i planti rot long bihainim tasol em les na tingting long yusim pawa bilong gan.

"Sapos wanpela gavman i ausa, ol pipel i gat olgeta rait long rausim dispela pawa long yu.

"Man! Strong bilong ol plisman wantaim gan bilong ol i putim bikipela pret tru i go insait long laip bilong olgeta manmeri.

"Gavman mas peim kompensesen na rausim husat sutim ol sumatin bikos ol i wankain olsem ol pik na dok. Ol i no fit long stap plisman.

"Husat tok yu man sumatin narapela man long beksait i no man tru. Yu wanpela pipia pret plisman stret mekim dispela pasin. Yu no klia long lo tu. Yu noken ting yu mekim wanpela gutpela samting, yu wankain olsem ol raskal stret.

"Plis mas tok klia wanem as ol i sutim pipel nating.



Opu Kore, 38

Plis i no mekim gut long kilim sumatin nating. Plis mas bihain lo na ol man nating bai bihainim.

"Luk olsem nau ol plisman i ken sutim long laik wanem man ol i laik kilim. Pablik i no wanbel long dispela pasin.

"Ol plisman i tok noken brukim lo na ol yet i tanim bek na kilim man long laik. Dispela kain bai mekim ol pipel rispektim plis? Mi no ting. Toktok yu kirap tok noken smok o kaikai long narapela man na yu yet mekim ol dispela pasin.

Ol plisman i mas bihainim lo na yumi pipel bihainim tu. Ol mekim wanpela toktok na bihain ol kirap kilim ol manmeri long laik. Dispela em wanem kain pasin?"



Judy Yakumbu, 21

I no olgeta plisman i nogut olsem planti manmeri i ting. Dispela yangpela meri bilong Sauten Hailans i tok:

"Mi save long sampela gutpela plisman tasol ol dispela animel o man husat sutim ol sumatin i kam long we?"

"Mipela gat plisman long Mosbi i stap, husat givim oda na karim ol plisman bilong Maunt Hagen i kam daun?"

"Mi ting ol dispela man tasol i bin kamapim dispela birua.

Mosbi i no hailans na trabel pait pulap na yumi kisim ol dispela wel plisman na kam mekim nabaut long ol pipel.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief: Anna Solomon. Acting Advertising Manager: Jocko Oberleuter.	Papers distributed by air throughout PNG. Available by air mail subscription within Papua New Guinea and overseas Email address: word@global.net.pg
---	---

Advertising Deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Ol Yuni sumatin i bin kisim poto long birua

HILDA WAYNE i raitim

SAMPELA sumatin i bin kisim piksa long dispela taim ol plis i bin go insait long Yunivesiti ov Papua Niugini na sutim ol sumatin we i lukim foapela i dai, tupela em sumatin bilong UPNG.

Joe Kenken, wanpela bisnisman long Pot Mosbi na wantok bilong boi husat i dai Simon Noki, i tokim "Wantok olsem tupela sumatin i bin kisim piksa bilong ol plis man husat i bin go insait long skul na sutim ol sumatin.

"Tupela sumatin i kisim piksa bilong ol plis na dispela ol piksa bai ol i givim i go long helpim ol wok painimaut long holim pas husat i mekim asua," Mista Kenken i tok.

"Wanpela sumatin i redi long mekim planti kopl bilong ol piksa na givim ol lain husat i go pas long ol sekim ol ripot," em i tok.

Em i tok ol lain papamama na wantok bilong Simon i save long husat tru i bin kilim i dai tupela sumatin na ol i tok ol plis i bilong Mobail Skwat long Hagen.

Mista Kenken i tok olgeta pipel long Westen Hailans i no amamas olsem ol i lusim tupela sumatin bilong provins tasol ol i wet tasol long ol wok painimaut we i bai kamap na soim

klia husat tru i rong na kamapim dai bilong tupela sumatin.

Mista Kenken i tok yet olsem tupela sumatin i no inap dai sapos sampela politisen i no bin givim tok-tok na sutim bel bilong ol long go yet long straik.

Em i kolim nem bilong tupela politisen bilong hailans provins na em i tok tupela tasol i wok long sutim bel bilong ol sumatin long straik.

Mista Kenken i tok long Sande bipo long de ol plis i go insait long UPNG na sutim ol sumatin ol lida bilong ol sumatin i bin bung na kukim petisen tasol tupela politisen i bin tokim ol long ol mas noken lusim tasol ol i mas pait yet i go long wanem pait bilong ol i gutpela.

Em i tok gavman i bin givim gutpela ansa long kompensesen na ol askim bilong ol tasol ol i wet yet long UPNG studen lida long mekim toktok bilong ol.

Mista Kenken i tok SRC presiden Augustine Molonges i mas autim nem bilong husat lida i stap baksait long ol sumatin na sapotim ol long dispela straik bai ol dispela lida i ken go long kot," Mista Kenken i tok.

Em i tok ol politisen i wok long yusim ol sumatin long kamapim ol politiks tingting bilong ol yet olsem na ol sumatin i mas tingting gut na noken larim ol i yusim ol.

Stilman pinisim pis long solwara bilong PNG

PEKU PILIMBO i raitim

NOGAT wasman long solwara bilong PNG na planti stilman bilong narapela kantri i kam stilim pis na ol arapela risos bilong PNG.

Mani bilong kamapim patrol insait long solwara bilong PNG i sot na ol stilman i kam insait long solwara bilong yumi na stilim kankain abus long laik bilong ol.

Long wanpela lukluk raun las wik, ol PNG Difens Fos Maritaim elemen wantaim helpim bilong Australia i bin flai i go mekim wanpela patrol long Dogleg eria long Galp bilong Papua.

Ol ripot bilong dispela lukluk raun i soim 24 sip olgeta i raun insait long dispela eria. 10-pela bilong ol dispela sip i wok long kisim pis i stap tasol ol i no kisim tok orait na i luk olsem ol i stilim pis bilong PNG.

Ol i lukim tupela sip we PNG i holim pasim tupela wik i go pinis. Ol i sanap long kot na mekim fain bilong ol na go bek long hap rot i stap.

Long displa wokabout bilong ol, ol i kisim ol bikpela pablik sevan wokman long go wantaim ol na ol i ken luksave long wanem samting i wok long kamap. Pablik Prosekjuta Kronox Manek, Atoni Jenerel Fransis Damen na Deputi Hai Komisina bilong Australia Nicholas Coppel i bin stap insait long dispela lukluk raun.

Dispela Dokleg eria i wanpela hap bilong kantri tasol planti ol pisamen bilong narapela kantri i wok long stilim ol pis tasol yumi nogat patrol bot o balus bilong lukluk raun na holim pasim ol dispela man na sasim ol.

Maritaim Opisa kepten Aloysius Ur Tom i tok olsem PNG i wok long lusim planti milien kina wanwan yia. Dispela stil pasin i stap bipo, nau na bai stap i go yet sapos yumi no mekim wanpela samting long stapim ol.

Em i tok long mekim wanpela 10-de patrol, K10,000 i save sot long baset na dispela em bikpela mani. Mani bilong ol i sot pinis na foapela patrol bot bilong ol i stap nating.

Kepten Tom i tok: "Yumi nogat wanpela samting long ronim ol patrol bot olsem na yumi sindaun tasol i stap na ol stil-

man i mekim save long kisim ol abrus bilong solwara long laik."

Em i tok planti taim Australian Nevi na ol kos wasman i save lukim ol stilman na toksave long opisal bilong PNG tasol ol opisal bai mekim wanem taim ol i nogat patrol bot, balus o helikopta long mekim ol patrol na holim pasim ol stilman olsem.

Em i tok yumi sindaun tasol na ol i save stilim ol dispela pis i go olsem long Guam, Indonesia, Taiwan, Malaysia na arapela esia kantri long salim na mekim bikpela mani.

Em i ting olsem milien kina tru i lus taim yumi no was long dispela hevi na stap tasol bikos ol narapeal kantri bai luksave olsem olgeta solwara bilong PNG i nogat banis na planti moa stilman inap kam insait na kisim pis long laik.

Ol i askim Nesenel Fiseris Opis long helpim ol wantaim sampela mani bai ol i ken baim fiul na mekim patrol i go long eria na traim stapim ol stilman.

Menesa bilong Monitoring na Entosmen wantaim Nesenel Fiseris Asosiesen Lamiller Pawut i tok ol bai amamas tasol long helpim dispela patrol.

Em i tok ol opisal bilong Maritaim Elemen i mas kam lukim ol na redim ol samting bilong mekim ol dispela patrol.

Papa bilong mani i laikim ol samting i stret, Sir Rabbie i tok

ELIZABETH SASERE i raitim

OLPELA Praim Minista na mamba bilong Kokopo Sir Rabbie Namaliu i tokaut olsem Wol Beng na Intanesenel Monitori Fan (IMF) i laikim olsem wanem dinau mani beng i givim i mas go stret long wok bilong kirapim divelopmen na bringim kamap sevis insait long ol distrik.

Sir Rabbie Namaliu i mekim dispela toktok long taim ol i opim foapela rot projek insait long ilektoret bilong em long las mun.

Sir Rabbie Namaliu i mekim dispela toktok bihainim ol senis we Nesenel Gavman i mekim long las yia long mani bilong ol provins na distrik na long dispela as, planti projek i no kamap hariap bikos i nogat mani i kam hariap long kirapim

ol dispela projek.

Sir Rabbie Namaliu i tokaut olsem dispela senis i kamap taim Nesenel Gavman i bin pasim toktok wantaim Wol Beng long karimaut wanpela program ol i kolim Straksarel Ajasmen Program. Dispela bai oraitim ol arapela beng na grup olsem Intanesenel Monitari Fan (IMF), Yuropien Yunion, Esien Divelopmen Beng na ol arapela long helpim PNG long hevi bilong mani kantri i wok long bungim i kam.

Sir Rabbie Namaliu i tok ol dispela beng na grup i sanap strong olsem olgeta wok na projek i mas gat stretpela na klia ripot i kam na soim klia ol rot we mani bai i go long en na wok bai kamap bihainim.

Ol ripot we i tok long mani i paul, ol wok i no stret, pasin bilong baum ol man long mekim hait wok na planti arapela ripot nogut we i save

kamap long Gavman i mekim na ol dispela beng na grup i laikim olgeta wok i mas klia na stret, Sir Rabbie Namaliu i tok.

Em i tok ol lain ya i laik lukim ol senis stret we i ken kamap wanbel bilong ol long givim helpim mani i kam long Nesenel Gavman na ol i strong long lukim olsem dispela mani i mas go stret long stretpela rot bilong sevim pipel na ol lida i mas tokaut klia long ol pipel bai ol i ken save long amas mani ol i putim i go insait long kamapim dispela projek. Na tu ol pipel i mas save long wanem taim bai dispela projek i kamap na longwanem rot mani i go long en.

Ol dispela rot long Kokopo distrik i kisim helpim mani i kam long Sosel Rurel Divelopmen Program (SRDP) na kos bilong ol i moa long K610,000. Dispela em hap mani we i kam long K1.5 milien we i save go long wan-

wan distrik insait long Papua Niugini.

Kos bilong wanwan rot projek ya em, Bitapaka Karu Marmar Lndip rot em K132,000, Kokopo Vunamami Ramale Tobera ekstensen rot em K136,850, Raluana Waenge Malemale rot K192,887 na Duk ov Yok ring rot em K148,960.

Sir Rabbie i tok ol dispela rot i kisim tok orait pinis insait long Join Distrik Plening na Baset Praioriti Komiti (JDP&BPC) long 2000 tasol bikos long ol dispela senis, projek ya i stap inap dispela yia 2001.

Sir Rabbie Namaliu i askim ol mameri long lusim wanem kain bel nogut na kros bilong ol na wok klostu wantaim ol wokman bilong distrik na kontrak kampani long mekim kamap ol dispela rot we i ken stretim ol hevi pipel i save bungim long rot.

Madang wanbel long rausim poka masin

MADANG Provinsal Gavman i wanbel long rausim poka masin olgeta long Madang provins.

Long Fraide Julai 6, 2001, asembli i kamapim sampela lo long oraitim provins long mekim mani long givim laisens long sampela laki pilai olsem bingo na hosres. Tasol insait long dispela lo, ol i stapim poka masin long i no ken kamap long Madang provins.

Ol asembli mamba i tokaut olsem poka masin bai kamapim planti hevi na bagarap i go long ol famili na komyuniti antap long wanem hevi ol i bung m tude long pilai laki olsem bingo na hosres.

Ol arapela lo asembli i kamapim long las wik em Provinsal Lika Laisensing Bil na senis i go antap long Takis Edministresen Jenerel Ekt we i ken givim pawa long ol Distrik Edministreta long oraitim ol projek we i mak long K20,000.





NIUGINI AILAN NIUS



Pret bilong Maunt Ulavun i go daun

FRED RAKA i raitim

TOK lukaut i kam aut tupela mun i go pinis long ol manmeri long Wes Niu Briten long Ulavun volkano bai pairap i kam daun na orait gen.

Maunt Ulavun i laik pairap na ol manmeri i bin kisim tok lukaut long muv aut tasol nau olgeta samting i orait liklik.

rovinsel Disesta na Emejensl senta opisal i tok ol askim pinis ol manmeri long lusim keasenta na go bek gut long ples.

Long mun epril ol gavman opisal i kisim toksave long Rabaul olsem birua bai kamap long ol pipel na ol mas red i stap. Level bilong birua i stap long namba tri tasol nau i kam daun gen long nambawan na ol pipel i noken pret tumas.

Siaman bilong Wes Niu Briten

Disasta opis na Ekting Edministreta Paul Rame i tok dispela disisen bilong ol pipel i ken pilim orait i kam long teknikel edvais bilong ol pipel long Rabaul husat save was long birua bilong volkano i kamap.

Ol lain long Rabaul i toksave long provinsel gavman i mas siekim dispela birua toktok i kam daun na ol pipel i ken go bek long ples.

Mista Rame i tok ol pipel mas lukaut yet bikos nogut birua i kamap long ol hariap.

"Yusim tingting na save bilong ples long luksave long birua na traim abrusim sapos sampela samting i kamap," em i tok.

Long wankain taim ol Provinsel Eksekjutiv Kaunsel bai miting long dispela wik long luksave wanem samting ol inap mekim long surikim ol manmeri husat i stap klostu long volkano na inap kisim bagarap long birua sapos volkano i pairap.

Plis tasol i no inap stretim hevi long Kimbe

DEPUTI Gavana bilong Wes Nu Briten Francis Auram i bilip olsem ol raiot skwat plis gavman i salim i go long Kimbe long putim wanpela bes bilong ol i no inap stretim olgeta hevi i stap long eria.

I save gat planti hevi tru i kamap long ol oil pam setelmen tasol Deputy Gavana Auram i tok plis tasol i no inap stapim dispela ol hevi long ol setelmen na provins.

Tasol em i amamas olsem ol raiot skwat plis bai kamapim wanpela bes bilong ol long hap long wanem dispela bai i helpim plis fos long provins na bai

helpim long stapim ol planti hevi i save kamap long ol setelmen na provins.

Mista Arum i bin mekim ol dispela toktok long taim em i bin givim wanpela sek mani mak long K10,000 i go long Hoskins Oil Pam Growas Asosiesen.

Planti ol oil pam growas long Nahavio oil pam setelmen i bin kam bung long kisim dispela ol hevi long ol harim ol toktok bilong deputi gavana.

"Yupela ol pipel i save long as bilong ol problem na hevi i save kamap na yupela tasol i ken kamap wantaim sampela we long helpim long stapim ol hevi i

save kamap na painim sampela we long kamapim gutpela sindaun," em i tok.

Mista Auram i tok planti ol problem i kamap long sosol pasin namel long komyuniti olsem na ol pipel i mas yusim ol tumbuna we long helpim long stapim ol hevi o nogat ol i mas traim we bilong kokol level bipo long ol i kisim ol hevi bilong ol i go long kot.

Gavman i bai helpim long kisim bel isi na gutpela sindaun i go long ol komyuniti taim em i save putim ol plis long helpim long kamapim gutpela lo na oda long ol provins.



Arawa bai kisim gut telifon sevis

• Ol Telikom wokman i digim baret long pulim telifon waia long stretim gut telifon sevis long Arawa, Not Solomons provins.

Poto: TIMOTHY SAKETE.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA VIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Provinsel gavman helpim skol

DANMIRIK Top A] Skul insait long Susurunga Tanglamet long Namatanai i kisim wanpela staf rum na laiberi na dispela i op wanpela fotnait i go pinis.

Dispela i kamap moa long 20 yia bihain taim gavman i lus tingting olgeta long dispela skul.

Niu Ailan Gavana Paul Tohian i bin kisim tok long wanem kain hevi ol papamama na skul pikinini i gat na skul bod i traim long kirapim bek wanpela olpela skul

tru insait long provins.

Bipo long Mista Tohian i katim riben bilong opim, ol i tokim em olsem dispela em i nambawan aim provinsel gavman i lukim hevi bilong ol na helpim wantaim K10,000.

Gavman i bin helpim na baim wanpela skul trak na baim ol samting bilong sanapim ol dispela haus tu.

Tasol planti bilong olw ok em ol manmeri bilong ples yet i kamapim.

Wanpela komyuniti

lida na eksekjutiv bilong PNG Kopra Marketing Bod Roboam Silas i makim maus bilong bilong ol pipel na tok tenkyu.

Em i tok gavman i mekim gutpela samting long tingim helt, edukesen bikos dispela tupela samting bai helpim long developim ples.

Tupela mamba bilong Wod 18 na 19 i tok tenkyu long gavman sapot ol i kisim na dispela inap helpim daunim hevi long skul.

Pipel amamas long helpim bilong Nu Ailan Gavman

Nu Ailan Provinsal Gavman i givim ol pipel bilong Susurunga na Tanglamet eria moa long K120,000 i go long edukesen program bilong Lipek na Danmirik top ap skul na K70,000 em ol i givim long stretim gut Lipek Helt Senta na mekim sampela wok long wod bilong ol mama i save karim pikinini long haus sik.

Komyuniti lida Roboam Silas i tok ol pipel i bin kisim planti gutpela helpim long ol dispela projek long las

tupela yia i go pinis olsem na ol pipel i mas amamas olsem gavman i givim namba wan helpim long helt na edukesen.

Mista Silas i mekim ol dispela toktok long taim em i opim wanpela opis bilong ol tisa na laibri long Danmirik top ap skul.

Nu Ailan Gavana Paul Tohian i bin opisal spika na em i bin givim wanpela ka i go long Danmirik skul.



SEPIK NIUS



Saina helpim ol pipel bilong Wewak

HELEN REI i raitim

OL PIPEL bilong Wewak long Is Sepik Provins i stat wanpela skim ol i kolim Gutpela Haus long helpim ol pipel slip long gutpela haus.

Dispela skim em ol i bin statim tupela yia i go pinis na planti lain i bin laikim tru na i gat 30 klab ol i kamapim pinis aninit long dispela skim. Astingting bilong dispela skim em long helpim 60,000 manmeri long Wewak long kamapim ol gutpela haus bilong ol yet.

Spika bilong Palamen na Wewak Open memba Bernard Narokobi i stap bihain long ol dispela gutpela wok long helpim ol pipel bilong em.

Em i tok long dispela taim laip long viles i kamap hat tru na ino olsem bipo we ol pipel i go painim kaikai long bik bus, mekim gaden o kilim pis long solwara.

Mista Narokobi i tok long dispela taim ol wanwan memba bilong ol famili i gat

planti wok long mekim olsem na taim bilong ol i givim liklik taim tru long mekim haus.

Dispela projek bai helpim ol long mekim ol semi pement haus we i ken stap longpela taim.

Skim i gat 30 klab olgeta na i gat 15 famili long wanwan klab. 15 famili i ken memba bilong wanwan klab na i no singel manmeri. Wanwan klab i mas kamap wantaim K1,500 na ol i mas gat wanpela akaun wantaim benk. Wanwan memba mas kontributim K100 na ol lain husat i no inap kamap wantaim dispela mani i mas givim K50.

Dispela mani em ol bai yusim long baim kapa na nil bilong mekim haus. Ol narapela hap bilong haus em ol bai yusim ol bus samting bilong pinisim.

Las yia dispela skim i bin kisim bikpela sapot tru long Embasi bilong China. Pes grup i kisim K20,000 na namba tu grup i kisim K20,000 long las wik tasol em gavman bilong Saina i givim long sapotim wok bilong ol.

Ol papagraun wetim kampani long mekim timba projek

BENSTEAD TARU i raitim

TINGTING bilong ol papagraun long developim gen wanpela milien kina timba projek i no go stret taim wanpela developa i kisim bek mani bilong em.

Dispela mani i mak long K200,000 na kampani husat i kisim bek dispela mani em Konsolidet Timba Holdings (PNG) Limitet (CTHL).

Dairekta bilong papagraun kampani Pai Risos Limidet Andrew Tutu i tok kampani bilong ol lenona i bin go insait long wanpela agrimen wantaim CTHL bihain long wan-

pela kampani husat i bin laik developim projek i nogat mani na i lusim projek.

Mista Tutu i tok dispela mani em ol bin kamapim long agrimen olsem em pes hap mani bai CTHL i givim long baim ol sampela masin bilong projek long mekim timba na agrikalsa.

Em i tok ol papagraun i bin amamas tru taim CTHL i bin kamap wantaim dispela mani long developim dispela projek gen bihain long ol i bin lusim i stap inap faivpela yia olgeta. Ol i ting olsem ol plen ol i bin gat long dispela projek i bai kamap gen.

Mista Tutu i tok ol i bin kamapim sampela

agrimen long helpim long wok long projek wantaim olgeta lain husat i stap insait long kamapim dispela projek we i bin stap nating long longpela taim stret.

Tasol taim CTHL i no mekim ol samting em i tok em bai mekim long agrimen likwideta i givim bek K200,000 i go long CTHL na ol i tok dispela i no gutpela pasin.

Dispela projek em Aitape Intagreted Agro Forestri Projek em Damansara Fores Prodak bilong Malaysia i bin statim. Projek i stat long Februari 1995 na i bin gat wanpela agrimen olsem kampani bai kamapim 30,000 ekta

long oil pam plente-sen. Sapos dispela i bin kamap bai em inap long kamap wanpela bikpela plentesen tru insait long kantri.

Taim Damansara i bin mekim wok long projek em i bin katim timba long 87,000 kubik mita na salim 15 raun olgeta long ol sip i kisim timba bilong em i go long ol narapela kantri.

Amas mani dispela kampani i bin kisim long projek tasol ol papagraun kampani i kisim mak long K1.7 milien. Narapela mani moa ol papagraun i no kisim yet long dispela kampani long wok bilong ol ol i bin mekim pinis i mak long K522,000.



• Perigo Bris long Is Sepik provins em wok i go het yet. Dispela em hap bilong Stom Wata projek.

Momase forum miting i kamap

MOMASE Rijinel Developmen Forum i bin holim wanpela bung bilong em Wewak, Is Sepik Provins las wik long Kaindi Tisas Koles.

Dispela miting em Siaman bilong Konsaltativ Implimentesen na Monitoring Kaunsil Andrew Kumbakor i go pas long kamapim.

Het toktok bilong dispela bung bilong dispela forum em long Strongim Lokol Level Gavman na bai i lukluk long kainkain samting i kamap long rijen.

Sampela ol samting bai ol i toktok long em em ol wok bilong ol meri na developmen, infrastraksa, fanding bilong ol LLG, trening na kisim moa save, wok long ol bikpela servis we rijen i nidim tru na toktok long Wewak pis projek.

Forum bai lukluk long we bilong helpim long kamapim developmen long sait bilong bisnis. I bin gat planti grup toktok i kamap namel long ol memba.

Mista Kumbakor em yet i opim na pasim dispela tri de woksop.

Bisnisman kotim Is Sepik Gavman

WANPELA bisnisman long Wewak i kisim Is Sepik Provinsal Gavman i go long kot long wanem em i tok em i lusim planti mani tru.

John Simi husat i menesa bilong Kimsim Bisnis Grup i bin givim samons long las rahun na em i tok Provinsal Gavman i bin rong long rausim laisens bilong em long mun Mas 1996 long stapim em long salim bia na em i bin lusim planti milien kina long dispela samting.

Loya bilong Mista Simi, Gilbert Maki i bin givim dispela samons long June 20 long dispela yia.

Mista Maki i tok Mista Simi i bin komplem long Jun 15 olsem em i lusim bisnis bilong em long foapela yia olgeta na

em i laikim bai provinsal gavman i bekim ol mani em i bin lusim.

Mista Simi i komplem olsem laisens bilong em ol i bin rausim na olsem bia bisnis bilong em i bin lusim planti mani tru.

Tasol Is Sepik Provinsal Gavman loya, Michael Mosoro i tok gavman i bin gat rait long rausim laisens bilong Mista Simi long wanem em i no save peim ol takis i go long Provinsal Gavman na i nogat rekot i soim olsem em i bin rejistaim bisnis bilong em long kamapim bisnis bilong salim bia aninit long Laisensing Ekt.

"Gavman i rausim laisens bilong Mista Simi long wanem em i no save peim ol takis na

i wok long brukim lo long salim bia long provins. Mipela i gat planti rot long soim long kot olsem wanem samting Provinsal Gavman i bin mekim i stret na bihainim lo," Mista Mosoro i tok.

Mista Maki i bekim na tok Mista Simi i bin rejistaim em yet long 1995 long mekim bisnis na em i bin bihainim lo.

Mista Simi i tokim loya bilong em long noken mekim moa toktok na larim ol i harim long kot.

Mista Mosoro i tok em i redi tasol long go long kot long soim olsem Provinsal Gavman i no mekim rong na bai ol i no inap lusim mani long kompensesen.

Dispela samting i stap nau long Waigani Nesenel Kot.

EKSKUS MI MAI MEMBA
...YU MAS RIMEMBA...
VOTIM "YESA" LONG
AMENDIM KONSTITUSEN
LONG OL ILEKSEN RIFOMS
...IS GUT 4 PNG..AN'IS GUT
4YU... AN'ME!



Awareness on proposed changes to the electoral system



TI (PNG) Inc. and its coalition partners together with the Constitutional Development Commission and Electoral Commission bringing education and awareness on the electoral reforms to the people through the Electoral Reform Project.

For information on Preferential Voting System, Fax: 321 3716, write to: Electoral Reform Project, PO Box 601, Port Moresby NCD, PNG or email: daylor@online.net.pg

Electoral Reform Project

SUPPORTED BY THE EUROPEAN UNION



SAUTEN



RIJON



Plis abrusim hen grened

PLISMAN long wanpela somil kemp long Vailala, Galp Provins i abrusim wanpela hen grened taim ol i traim stapim sampela stilman.

Plis opisa husat i stap insait long dispela birua i tok ol i pret nogut tru taim ol lukim dispela han grened tasol em i no bruk na bagarapim ol plisman taim ol stilman i tromoi long ol.

Hen grened i olsem wanpela liklik bom na inap bagarap ol samting i stap raunim em aninit 20 mita.

Plisman las mun i bin sutim i dai tupela stilman na holim poasim faipwela narapela long

dispela somil kem i stap.

I gat bilip olsem dispela ol man wantaim hen grened i kam long raim kisim wantok bilong ol husat i stap yet long sel.

Opisa husat save go pas long bom bilong PNG Difens Fos i go rausim hen grened na tok dispela samting i wankain olsem ol stilman i bin yusim long Mileyum Roberi bilong PNGBC long 1999.

Opisa ya i tok dispela kain samting i stap long rong han. Dispela samting i save kamapim bikpela bagarap sapos ol man i yusim nabaut na ol plis i mekim wok painim aut yet long lukim husat tru i saplai ol dispela sam-

ting na tu askim ol stilman long givim bek wanem samting ol i gat pinis.

Opisa i ok dispela ol hen grened i save kam long Israel na inap kamap olsem wanpela bikpela buirua long laip bilong ol maneri long viles.

Em i askim ol man husat i save long d ispal ol man long lusim ol dispela samting bikos bagarap inap kamap long ol yet tu.

Em i tok em i stap wantaim bom skwat longpela taim na em i tok dispela hen grened i wanpela bilong nupela na ol i kamapim nau tasol.

Ela Yunaited Sios bai serim Angiken haus lotu

HELEN REI i raitim

DISPELA Sande Ela Yunaited Sios serim St Johns Angliken Sios Haus lotu long bung taim sios bilding bilong ol i bai bruk daun na kamapim senis.

Ela Yunaited Sios i raitim wanpeal pas pinis long St John Angliken peri kaunsel long kisim tok orait long yusim sios bilding long kamapim Sande sevis bilong ol.

Vika Jenerel Fr Danny Bray i tok olsem em i kisim pas pinis we i tok ol i laik serim sios bilong ol taim haus lotu bilong ol i wok long senis.

St John peris Kaunsel i bin givim tok orait pinis long Ela Yunaited Sios long

yusimol samting bilong ol long kamapim lotu.

Siameri bilong Peris Kaunsel Monica Turner sevis long St John Haus Lotu bai stat long 8 kilok moning na pinis long 9:30, 30 minit bipo long nomol taim long givim inap taim long Ela Yunaited i ken yusim sios long kamapim sevis bilong ol long 10 kilok moning.

Em i tok ol i amamas long serim dispela sios bikos tupela sios wantaim i gat ol stori bilong wok bung wantaim long bipo i kam.

Wanpela nambawan Angliken misineri long PNG Copland King i helpim long sanapim Ela Yunaited Sios long 1915 na bihain ol Angliken i sanapim sios bilong ol antap

long maunten.

Em i tok dispela pasin bilong wok bung wantaim i stap yet na serim bilong sios bai strongim tru dispela wok bung tupela sios wantaim i save amamas long en.

Fr Danny i tok dispela em gutpela taim bilong tupela sios wantaim long surikim moa dispela wokbung pasin.

Oli amamas long dispela tingting na i no long taim bai ol i pasim tok long gat bung sevis namel long tupela sios.

Logn ol stori i kam, ol Angliken i save yusim Ela Yunaited sios long bung bipo long ol sanapim sios bilong ol yet long 1990 na nau St John Haus Lotu i bekim dispela helpim bilong bipo.

Tisa kam lukim ol sumatin lastaim

PEKU PILIMBO i raitim

WANPELA 70 yia old Kristen Brata i bin kam long UPNG kempas las wik long lukim ol sumatin bilong em bipo long em i go bek long Australia.

Brata Ray Martens i bin lusim ritaiamen kris-mas bilong em pinis tasol i subim het yet long skulim ol sumatin.

Planti wankain kris-mas man olsem em yet i stap malolo tasol em nogat.

I nogat pe bilong em tasol em bin skulim ol sumatin long Fatima Hai Skul bipo na nau Fatima Sekonderi Skul inap 8-pela krismas olgeta.

Dispela man wantaim 70 krismas nau i strong yet long skulim ol sumatin tasol i laik go medikel sekap pastaim.

Tupela sumatin husat dai Steven Kil na Simon Noki i bin sumatin bilong em na planti arapela

kisim bagarap na sampela i skul long UPNG i stap.

Brata Martens i bin raun i go long haus sik taim em i kam daun. Em i harim olsem wanpela sumatin bilong em i kisim bagarap na stap long haus sik.

Planti sumatin i luk-save na bungim em taim em mekim las wok-about raun long UPNG kempas las wik.

Inap long planti sumatin tru kamap tasol wiken na ol i no stap.

Long ol yunivesiti, koles na trening senta i gat planti yangpela husat i kisim sampela save bilong dispela man husat i gat bikpela lewa long givim taim bilong em long olgeta.

Brata Martens i no save lus tingting long-palnti sumatin bilong em. Lasm wiken em tingim bek planti sumatin em skulim long gret 10 lonh 1994.

Nius ripota ya i bin wanpela sumatin bilong Brata Martens na i luk-

save long bikpela helpim em i givim long skulim English long Fatima Sekonderi Skul.

Brata Martens tis inap 49 krismas. Em i kam stap long PNG 8 yia na Australia 41 krismas olgeta.

Em i tok ol nambawan sumatin bilong em i stap long mak bilong 50 kris-mas nau. Planti bilong ol i mekim gut wok bis-nis na i no long taim i go pinis, sampela sumatin bilong em bipo i salim balus tiket na em i go lukluk raun long Malaysia.

Brata Martens i tok em bai go medikel sekap na sapos orait em bai kam bek na skulim ol sumatin yet.

Sapos medikel ripot i no gutpela em bai stap long Australia yet. Em i askim ol sumatin bilong em long rait long em. Hia em adres bilong em: St Patricks College, Edgar Street, Strathfield, P.M.B. Strathfield 2135, NSW, Australia.

Planti sumatin bai save long dispela bel isi man husat save kam wantaim poem na kain stori blong em long English.



• Olpela sumatin bilong Br Martens i bungim em long UPNG las wiken. Em kam lukim ol bipo long em i go bek long Australia. Foto: PEKU PILIMBO.

BOROKO FOODWORLD

AT GORDONS

Groseri Spesol

Butsa Shop Spesol!

Roots Rice 10kg	K13.70	
Kelloggs Corn Flakes 275gr	K4.98	
Anchor Milk 1litre	K2.15	
Big Sister Cake Rolls 250gr	K2.45	
National No.1 Tea Bag 50's	K1.98	
Heinz Tomato Sauce 600ml	K3.11	
Maggi Noodles 5 packs	K2.00	
Morobeen Lik Lik Wopa 100gr	K0.49	
Just Juice 250ml	K1.10	
Blue Globe Round 300gr	K2.25	
ETA Peanut Butter 200gr	K4.57	
Tulip Pork Luncheon 340gr	K3.20	

Ol Spesol bilong dispela Wik!

Lamb Shoulder Chops A Grade per kg	K8.99
Lamb Shoulder Chops Budget per kg	K5.99
Saveloys per kg	K5.49
Beef Sausages per kg	K6.95
Pork Sausages per kg	K6.95

Hamamas na baim kaikai long Boroko Foodworld Gordons!

Planti moa kaikai prais i go daun long en!

Ph: 325 7566, 325 7310 Fax: 325 7096



HAILANS NUIS



Yunaited Pentekostal Sios opim nupela haus lotu long Lufa distrik

LONG wik i go pinis Auno viles long Lufa distrik insait long Isten Hailans i bin paia stret taim Yunaited Pentekostal Sios (UPC) PNG i bin opim wanpela nupela haus lotu we moa long 1,000 manmeri, pikinini bilong dispela sios grup i bin kamap long witnessim.

Ol manmeri i bin kam long Maunt Hagen, Simbu, Goroka, Henganofi,

Kainantu na Lufa yet i bin kamap na kukim stret Auno viles wantaim ol kainkain sios pilai na sindaun bung wantaim na amamas long opening seremoni bilong dispela nupela haus lotu.

Pasto bilong dispela nupela haus lotu, Pasto Abraham Finde i tokim Wantok olsem haus lotu ya i no inap kamap.

Sapos ol kongrigesen i no bin wokbung long bildim na kirapim dispela nupela haus lotu.

Em i tok taim em i bin kamap olsem wanpela yangpela lokal pasto long dispela eria, em i save bungim ol liklik lain kongrigesen long ol lokal viles distrik we ol i save raun na mekim lotu aninit long ol diwai na tu long arapela hap we san na ren i

save bagarapim ol stret.

Pasto Abraham i tok dispela pasin bilong mekim lotu aninit long san na ren i mekim na em i kamap wantaim tingting long traim na bildim wanpeal haus lotu we ol i ken yusim long mekim lotu insait long en.

Tasol taim em i lukluk i go i kam, i nogat wanpela helpim i kam long sanapim haus lotu. Em i kamap

wantaim tingting bilong helpim ol yet we em i bungim ol kongrigesen bilong em long wokim ol kasava (tapiok) gaden.

Insait long 14 krismas Pasto Abraham wantaim ol kongrigesen bilong em i planim ol kasava na salim long maket we ol i bungim moa long K1,000 na kirapim dispela nupela haus lotu.

UNDP na FORD kamapim woksop long Hagen

SAPE METTA i raitim

KLOSTU long pinis bilong mun Julai, MauntHagen, biksiti bilong Westen Hailans i bin paia stret taim bikpela namba bilong ol lain manmeri na pikinini i bin kapsait i kam long lukim ol kabinet Minista na ol arapela nesanel lida i bin pulim lain i kam antap long sindaun insait long bikpela NEC miting.

Na long sem taim tu ol lida ya i bin kamapim wanpela bikpela PDM politikel rali we moa long 30,000 pipel insait long Westen Hailans i bin kamap na witnessim.

Na taim ol dispela wok bilong politiks i go het yet, long sem taim Yunaited Nesanel Developmen Program (UNDP) na Faundes bilong Rurel Developmen (FORD) Inc. i kamap wantaim ektiviti bilong ol long sait we ol i bin sindaun long wanpela woksop bilong Hailans Kapasiti Biding bilong Ogenaisesen Konsen wantaim envaronmen.

Woksop ya i bin kamap long Maunt Hagen Lokal Level Gavman Semba na i pulim 25 - patisipen, tupela long ol em meri fores opisa i kam long olgeta 5-pela Hailans provins em Isten Hailans, Simbu, Westen Hailans, Enga na Sauten Hailans.

As tingting bilong kamapim dispela woksop we ol opisa bilong UNDP, Merawe Degemba, Thomas Peka, Dairekta bilong PNG Eco-Forestri John Bisa na Alphonse Pu, Dairekta FORD Inc. i bin kamapim long strongim projek kodineta menesa wok long lukautim gut ol envaromen projek.

"Na tu long lainim na kisim moa gutpela save long pasin bilong developim ol projek na kamapim gutpela rot bilong kisim ol gutpela helpim o fanding i kam long UNDP long sapotim na go het long ronim ol projek long wan wan viles na provins bilong ol.

Bihain long dispela wan wik woksop ol woksop lain i bin kisim sans long i go aut long ol projek eria long Kindeng Diwai Neneri Projek na Fatima Okid kodinet projek long Banz insait long Waghi.

Na woksop ya i pinis wantaim tumbuna stail mumu kaikai na ol woksop lain i pinisim olgeta wok wantaim presentesen bilong awot na setifiket long Tribal Tops Lodge long Minz.

Klostu long olgeta lain i tok, woksop ya em i gutpela tru long wanem planti long ol i skul na kisim gutpela save long pasin bilong ronim: na lukautim ol projek.

Tasol ol i tok taim bilong woksop ya i sot tumas. Sapos woksop i ron i go inap long tri o foapela wik em bai orait olgeta.

Ol lain ya i tok em i orait. Insait long woksop ol i lainim planti samting, na ol i tenkim UNDP na FORD Inc. long kamapim kain woksop.

Ol i tok aut tu olsem kain woksop ya i mas kamap long olgeta yia bai planti ol lain man na meri i ken kamap na sindaun long kisim moa skul long gutpela samting em UNDP i save kamapim insait long kantri.

ENROL NAU



TOK SAVE I GO LONG OL PIPEL BILONG ENGA, SIMBU, ISTEN, SAUTEN NA WESTEN HAILANS

Ilektorol Komisin bai i kam long ples bilong yu stat long mun Julai i go inap long mun Ogus long dispela yia 2001.

Sapos yu laik vot long 2002 ileksen, nem bilong yu i mas stap insait long buk ol i kolim Komon Rol. Taim ol lain bilong Ilektorol Komisin i kam lukim yu, yu mas stretim gut toktok bilong yu long Komon Rol.

Sapos krismas bilong yu i 18 o krismas bilong yu i abrusim pinis 18 yia, yu ken putim nem bilong yu insait long Komon Rol taim yu filim Enrolmen Fom.

Ol pipel bai bilip olsem ileksen bilong Papua Niugini i fea na gutpela sapos Komon Rol i stret na i no rong.

Tingim Gut! Lo i tok Yu Mas Enrol!




**ELECTORAL
COMMISSION**
Papua New Guinea

SAPOS YU I NO KLIA GUT LONG WOK BILONG ENROLMEN, RINGIM OL DISPELA TELEFON NAMBA:
AUN HAILANS PH: 549 1378 ENGA PH: 547 1144 WESTEN HAILANS PH: 542 2349
SIMBU PH: 735 1204 ISTEN HAILANS PH: 732 1151

Toktok i kam long Papua Niugini Ilektorol Komisin

Madang Nius



Pablik sevens i no save yusim wok ka gut

Ol hetman bilong ol seksen long ol dipatmen long Madang Edministresen bai stat long givim ka bilong ol i go long pul taim wok i pinis long 4 kilok long apinun Ekting Gavana Pengau Nengo i tok.

Mista Nengo i bin mekim dispela toktok taim provinsal asembli i bin bung long miting na ol i bin sapotim

ol singaut i kam long ol meri insait long provins.

Meri husat i makim olgeta long provins na i kam em Regina Kambe na Cyrillus Lawman na tupela i tok planti ol gavman kar em ol wok lain i no save yusim gut olsem no ol i askim long sampela strongpela samting i mas kamap long stapim dispela rong pasin.

Mista Nengo i tok husat i siaman bilong miting i askim ol memba long lusim sia pastaim insait long dispela miting na em i tok em i wanbel tru long ol toktok i kam long ol meri long wanem em yet tu i save lukim planti gavman ka i save stap arasait long ol hotel o klab na ol pablik sevens i save dring stak i stap insait. Taim ol i save lukim em

ol i save tok helo long em na ol ka em ol i save kisim i kam long longwe ples olsem Saidor na Not Kos.

Em i tok strong olsem dispela kain ol pasin i soim olsem ol pablik sevens i no yusim ol kar gut long givim sevis long ol pipel bilong Madang.

"Ol ka i no bilong yupela ol pablik sevens long karim ol famili

bilong yupela o mekim ol wok bilong yupela yet, em i bilong ol opisa long yusim na givim sevis i go long ol pipel bilong Madang," Mista Nengo i tok.

Em i tok nau bai em i givim tok long provinsal edministreta long kisim olgeta gavman ka na putim ol pul bihain long 4 kilok olgeta apinun.



EVANSELIKEL LUTERAN SIOS BILONG PAPUA NIUGINI SANDE

SANDE JULAI 15, 2001

Toksave i go long ol Kristen man na meri na pikinini long Evanselikel Lutheran Sios bilong Papua Niugini. Toksave i go long olgeta pasto, hetman, yut, wokmeri, Sande skul na arapela slos wokman insait long olgeta kongrigesen, paris, seket na distrik.

Long Julai yumi i save tingim taim namba wan Lutheran misinari i kamap long graun bilong yumi na bringim Gutnius i kam. Lait i kam na kisim yumi i go insait long laip oltaim oltaim, lusim tudak, sin na dai. Yumi tingim dispela marimari bilong God na yumi i ken amamas, na insait long dispela amamas bilong yumi, yumi mas tingim wok bilong yumi long kamapim dispela Gutnius i go moa yet.

Sios bilong yumi i gat bikpela sot bilong mani long mekim wok.

Hia yu ken lukim hamas mani i bin kam long wan wan distrik long las yia em ELCPNG fainans ofis i kisim. Lista bilong olgeta liklik lain i bin salim mani em yu ken lukim long Niugini Lutheran bilong Mas na Epril.

Yabim	13,341.80	Hagen	4,429.56
Kote	4,524.22	Siassi	2,432.30
Ukata	1,070.86	Goroka	0
Simbu	110.32	Kainantu	0
Mumeng	1,432.77	Karkar	0
Niugini Ailan	3,223.30	Wokmisiin Eria	84.00
Immanuel	1,635.93	Arapela	413.47
Jiwaka	557.89		
Madang	2,863.11	Total	40,356.53
Papua	4,237.00		

Las yia planti manmeri i no bin putim, sapos ol i bin putim ating bai yumi winim dispela namba yu lukim antap. Dispela yia bai yumi winim namba bilong las yia o nogat?

Long dispela wik, Sande Julai 15 em taim bilong yumi putim ofa i go long dispela wok gen. P's yu tingim na redim sampela mani samting long bringim i kam long Sande long ofa o yu yet go putim long benk.

Putim Tenkyu ofa bilong ELCPNG Sande Julai 15 long Papua New Guinea Banking Corporation, ELCPNG Special Project, Account Number 303 621 5186. Salim risit bilong dispela mani i kam long:

The Secretary
ELC-Finance Office
P. O. Box 80
LAE, Morobe Province

Nengo kisim planti askim long asembli miting

Long pes bung bilong Madang Provinsal Gavman ol i holim bihain long ol i no holim long 9-pela mun olgeta na ekting siaman bilong provinsal asembli i tok ol i surukim miting inap nau long wanem planti samting i kamap na i stapim ol long miting.

Mista Pengau Nengo husat i ekting Gavana na siaman bilong Tibong Kanong asmebli tu i tok planti ol samting i bin kamap na i nogat taim tru long kamapim asembli miting olsem na ol i no holim hariap.

Mista Nengo i tok taim ol i laik holim pes asembli miting long Epril 26 i go 27 na Me 3 i go 4 i no gat taim long wanem Provinsal Eksekutiv Kaunsil tu i bin holim miting long dispela taim. Taim em i surukim miting i go long Me 28 Provinsal Gavman i bin sot long mani long wanem Nesanel Gavman i no bin givim ol grent mani. Long dispela taim tu em i tok em i go long Maunt Hagen long bung long Nesanel Gavanas konferens.

Tasol dispela miting long Hagen em Siaman bilong Nesanel Gavanas Kaunsil Steven Pokawin i bin stapim long dispela taim long wanem i bin gat hevi long Hagen.

Mista Nengo i tok long holim wanpela provinsal asembli miting ol i mas gat mak long K10,000 na dispela i bilong peim alauens bilong ol memba, trenspot na ples bilong slip.

Dispela ol toktok bilong em planti i no amamas na presiden bilong Ambenob Loko Gayman Kaunsil Jack Nagg i tok Mista Nengo i laik karamapim ol giaman pasin bilong em na kamapim kain toktok olsem.

Mista Nagg i tok planti hevi i kamap long provins na ekting gavana i wok long abrusim ol miting long wanem em i no laik toktok long ol hevi bilong provins. Em i tok wanpela piksa long ol hevi bilong provins em long straik ol papamama na ol tisa i bin kamapim taim ol i nogat skul subsidi na saplai bilong ol.

Em i tok Gavana i tok nogat mani tasol em i save olsem wanpela tim long provinsal delegesen i bin go raun long wanpela narapela provins na mani i no luk olsem problem na Mista Nengo i laik painim toktok long karamapim giaman pasin bilong em.

Ol LLG presiden askim long helpim

Presiden bilong Bundi Lokal Gavman Kaunsil i tokim Madang bilong ol long wanem ol i no inap holim.

Long dispela miting ekting siaman na ekting Gavana tu Pengau Nengo i soim ripot bilong em long soim aut klia.

Mista Koane i tok em i orait tasol em i laikim opis bilong Mista Nengo i mas toksave kwik long wanem planti ol memba bilong asembli i save kam longwe hap tru we ol rot i nogut na laip bilong ol tu i no save stap gut long raun bilong ol i laik kam long asembli miting.

Mista Koane i mekim dispela askim long las wik Trinde taim provinsal asembli i holim miting bilong ol bihain long 9-pela mun samting long wanem ol bin rausim 3-pela miting

Lae Nius

Plis askim ol draiva long lukluk na draiv

LONG Sarere Julai 7, 20001, wanpela ka i bin spit i kam long Ramu Suga we na i kam stret long 40 Mail buai maket na draiva i painim hat long stapim ka na ka i ron i go antap long tripela man.

Ripot i kam long Lae plis i tok wanpela man i dai long dispela birua na narapela tupela i kisim bagarap na stap nau long Angau haus sik.

Ripot i tok plis i wok long sekim yet na lukluk i go insait yet long dispela birua na i no inap toktok moa long dispela birua yet.

Lae plis i askim olgeta draiva long lukluk gut long rot taim ol i ronim ka long rot. Bikos i save gat ol sain bilong kona

o krosing long rot na ol draiva i mas lukluk long rot taim ol i ron.

Long las wiken yet Lae plis i sutim wanpela raskol man na holim ol arapela 5-pela lain tu long wanpela stil pasin we i kamap long Sarere. Dispela i kamap insait long wanpela stil pasin we i kamap long Saina Taun. Ol lain i ronawe tasol plis igo kamap long Tent Siti na holim ol sampela lain moa.

Ripot i tok ol lain ya i bin yusim wanpela stil ka, waitpela kala, Toyota Landcruiser we i bin lus long las wik Fonde yet. Plis i holim ol i stap long stesin nau long tokaut moa i go insait long dispela hevi.

Bulolo pipel i laikim distrik mani

ARI GUH DANDEE i raitim

PANGU Pati Sab Brens konvensen insait long Buang i luksave olsem Praim Minista Sir Mekere Morauta na Gavman bilong em i no givim yet ilektoret Developmen Fan mani bilong Bulolo long dispela yia we em i soim pasin nogut tru na i no bihainim tru mama lo bilong kantri.

Dispela nau i givim bikpela hevi tru long ol pipel bilong Bulolo ilektoret bikos dispela mani em bilong-pipel na Mekere Gavman i mas givim bai pipel i ken kisim ol sevis we ol i laikim long em i bihainim askim bilong ol i go long open ilektoret memba bilong ol.

Pangu Pati Sab Brens konvensen i luksave olsem i gat K2.5 milien bilong Bulolo ilektoret em Mekere Gavman i no givim i go yet na nau planti ol pipel i kisim taim nogut olgeta long sevis bilong rot, bris, haus sik, skul na ol arapela ol sevis we pipel i nidim tru tasol i nogat mani yet na pipel i sapa askim gavman long givim hariap dispela mani na maski long holim bek long pilai ol kain politiks long salensim memba bilong ol Samson Napo.

Sab Brens Pati Presiden Norman Keven i tokim Wantok, olsem, pipel bilong Bulolo i luksave long asua bilong PDM Gavman na ol i laikim hariap dispela mani, bikos em i taim klostu bilong iliksen na i no ken holim pas dispela mani na pilaim politiks gem agensim memba bilong Bulolo.

Pipel bilong Bulolo i save olsem memba bilong Bulolo Samson Napo inap long givim sevis long ol pipel bilong Bulolo tasol ilektoret developmen fan em PDM i holim yet na ol i laik tokim ol pipel bilong Bulolo olsem Samson Napo i inap mekim wok tasol em i asua bilong PDM Gavman na dispela em i pasin politiks bilong bagarapim gutpela nem na gutpela lida olsem Samson Napo.

Em i tok i gat 10-pela mun tasol na ol i no kisim dipela ilektrol developmen fan.

Buang Sab Brens Pangu Pati konvensen i askim tu tupela Pangu Pati Minista insait long PDM long i mas hariap tru na risain na lusim PDM bikos ol i mekim semim Pangu Pati olsem dok i bihanim bun bilong abus long kaikai.

Pangu Pati em i no liklik Politikel Pati o pipia pati na PDM i pulim em long rop maski nau Sir Pita Lus na Chris Haiveta yutupela i mas lusim PDM na larim PDM i ranim kantri bikos i gat 10-pela mun tasol i stap bipo long yia 2002 nesenele ilek-sen.

Pipel bilong Buang i laik bai tupela i mas lusim PDM long gutpela nem bilong Pangu Pati long soim olsem yutupela i trupela Pangu man na yutupela i laikim Pangu pati.

Pati Konvensen i pasim tingting long lukim tupela Pangu Pati Minista i mas lusim PDM Gavman bipo long namba tu Pangu Pati Nesenele Konvensen.

Japan givim K24.4 milien long stretim gut Leron na Bitija bris

YAKAM KELO i raitim

LERON na Bitija bris long Makam na Kainantu eria i kisim K24.4 milien i kam long Japan Gavman long stretim gut dispela tupela bris.

Japan Gavman i oaitim pinis dispela mani long helpim stretim tupela bris ya long haiwe na Minista bilong Foren Afeas John Pundari i makim PNG Gavman long sainim pepa na Japan Embeseda Tatsuo Tanaka i makim Japan Gavman na saitim ol wanbel

na tokorait pepa long Tunde dispela wik.


Minista John Pundari i mekim bikpela tok amamas i go long Gavman bilong Japan long dispela bikpela helpim.

Mista Pundari i tok dispela helpim i makim bikpela tingting bilong Mekere Gavman long stretim gut olgeta rot na bris insait long kantri na dispela i sapatim tru dispela wok bilong PNG Gavman.

Mista Pundari i tok em i save olsem dispela i no wanpela helpim tasol Japan Gavman i mekim long PNG. Em i save igat planti helpim tru Japan i givim long saitbilong Helt, Edukesen, rot na bris olsem long

Umi bris we i kos samting olsem K20 milien long mekim na planti arapela helpim moa. Olsem na dispela i bikpela helpim tru we i strongim yet bikpela wok na pasin poroman bilong PNG na Japan Gavman.

Japan Embeseda Tatsuo Tanaka i tok tru PNG na Japan i gat dispela poroman namel long tupela long planti wok na ol samting. Na Japan i amamas long helpim PNG long dispela kain projek bikos dispela tupela bris i sanap long haiwe i go long Hailans, dispela i ken helpim long bringim kamap gutpela ekonomik developmen bilong kantri.



MOROBE PROVINCIAL ADMINISTRATION DIVISION OF AGRICULTURE AND LIVESTOCK TOKSAVE IGO LONG OLGETA DIDIMAN NA DIDIMERI, OL FAMAS LONG MOROBE PROVINS

Divisen bilong Agrikalsa na Laifstok insait long Morobe Provins wantaim helpim i kam long Asian Development Bank (ADB) loan na sapat i kam long Nesenal Department bilong Agrikalsa na Laifstok i wok bung wantaim long kamapim nupela wei long kisim extensen sevis igo long ol fama long ples. Wanpela as tingting bilong dispela wok em long givim kontrak igo long ol manmeri. NGO na ol organaisesen long wokim ol wok bilong stretim ol extensen hevi we ol fama i bungim. Narapela as tingting em long givim nupela save long ol fama.

Support Services Contract Facility (SSCF) Divisen bilong Agrikalsa na Laifstok insait long Morobe Provins i laik tokaut long pablik long foapela wok divisen i kirapim (development).

1. Olgeta LLG na Distrik opis nau igat wanwan didiman opisa ikisim pinis trening long givim nupela kain advais long ol fama. Dispela nupela advais bai go wantaim stesen demonstrasen. Toksave igo long olgeta fama long Morobe olsem yu ken kam lukim ol LLG na Distrik didiman long mekim dispela wok demonstrasen long fam bilong yu.

2. SSCF i wok long kamapim wanpela tingting mipela kolim "Fama Saveman" Program. Long dispela program mipela luksave na givim kontrak long ol famas, husat i gat save long wok didiman. Olsem na mipela i laikim ol fama saveman go lukim ol didiman klostu long ol na bai ol iken toksave long SSCF husat igat laik na tingting long skulim ol fama wantaim save ol igat long em.

3. SSCF Toksave olsem wanpela kos bilong Luksave na Raitim **Projek Proposal (Project Identification and Proposal Writing)** bai kamap long Bundum Conference Centre long mun August. Dispela Kos bai kamap tripela taim we wanwan kos bai 20 pela manmeri istap insait long em. Mipela i laikim LLG na Distrik long makim wanpela wokman o wokmeri na toksave. Toksave tu igo long ol NGO, wanwan manmeri na ol oganaisesen o institution olsem igat 20 pela speies istap yet. Husat igat laik long istap insait long dispela kos ken salim aplikesen i kam long SSCF opis **P. O. Box 73, LAE, Fax: 479 1073 befo long nambawan dei long mun August.** Long dispela kos SSCF bai baim Kos fi, haus silip na kaikai. Man i kam long kos bai em yet baim rot bilong em kam long Bundum. Mipela toksave olsem ol meri tu mas apply.

4. SSCF i laik kamapim wanpela **didiman kalenda**. Insait long dispela kalenda mipela laik soim wok didiman na wei long kamapim gutpela sindaun. Mipela i wok long panim ol gutpela toktok long putim insait long kalenda, mas raitim long tok pisin na ol gutpela piksa bilong stori. Tokpiksa iken olsem long: Wei long wokim insecticides yusaim ol bus material o samting o samting bilong yumi as ples yet, o wei long kamapim gut gras bilong bulmakau na sipsip, ol wei long katim gut kakao diwai. Stori na piksa mas fitim wanpela A4 sais pepa wantaim border inap long 2.5cm. **Olgeta stori we mipela i laikim long putim long kalenda bai winim K50.00 bilong man/meri husat i salim stori.**

ELC-PNG bai kamapim plening woksop

EVENJELIKEL Luteran Sios bilong Papua Niugini (ELC-PNG) bai kamapim wanpela plening woksop long mun Ogas long skelim ol wok bilong en.

Aninit long het tok, Visen 2010, woksop ya bai toktok long sampela rot bilong mekim gut ol wok long ol sios bilong sios. Woksop bai tokok long sampela senis i ken kamap long rot bilong wok bai ol distrik bilong sios i ken mekim moa wok.

Olgeta dipatmen bilong sios wantaim bisnis han bilong en na ol kainkan liklik han wok bai

kamap long dispela bung. Plening komiti i bin askim ol sampela bikman i save wok insait long ol Yunivesiti na gaman dipatmen bai ol i ken sindaun tu wantaim.

Ol i singautim Dokta Musava Sinebare bilong Yunivesit bilong Goroka, Dokta Isaac Ake long Helt Dipatmen na Mista Gomi Gipey bilong PNG Yunivesiti ov Teknologi long Lae. Dispela lain bai mekim toktok long edukesen, helt na developmen.

Siaman bilong plening komiti,

Mista Beno Kameo i tok dispela woksop bai lukluk long wok-abaut bilong ELC-PNG i mekm i kam inap nau na kamapim sampela rot bilong wok sios i ken mekim wok long en igo long yia 2010 bihainim ol senis i bin kamap insait long kantri.

Dispela plening woksop i kamap namel long bikpela sot bilong mani nau sios i stap insait long en.

ELC-PNG i gat 7-pela we i save kamapim ol wok bilong en i go na i gat 15 distrik olgeta insait long kantri.

Komyuniti, sios, yut na wimens grup i egensim poka masin

YAKAM KELO i raitim

WANPELA yut grup bilong Buang Luteran Seket i kamapim wanpela bikpela pilai drama we i sut long hevi na bagarap bilong poka masin long laip na sindaun bilong ol manmeri na famili insait long ol taun na siti long Papua Niugini.

Long las wik Sarere dispela yut grup i kamapim dispela drama pilai long fran bilong ol mausman na wanwan grup we i kam bung long autim tingting bilong ol long hevi bilong poka masin insait long kantri.

Ol Katolik lida long Westen Hailans provins i bin kamapim wanpela petisen egensim poka masin na givim long Praim Minista Sir Mekere Morauta long las mun taim ol Gavman Minista i bin go holim kabinet bung long hap.

Katolik sios i sanap strong wantaim tingting olsem Gavman i mas hariap na rausim poka masin insait long Papua Niugini bikos laip na sindaun bilong planti manmeri na famili i bagarap.

Praim Minista Sir Mekere Morauta i bin wanbel olsem i tru poka masin masin i no gutpela samting na i bagarap tru laip na sindaun bilong ol manmeri long kantri. Olsem na em i tokaut long wanpela komiti bai i go pas long skelim na kamapim rot bilong Gavman i ken bihainim long rausim poka masin.

Long wiken miting bilong toktok long dispela nogut bilong poka masin, ol komyuniti grup mausman,

ol sios grup, ol yut grup, ol wimens grup na ol gavman lain tu i bung long autim tingting bilong ol. Bikpela luksave em olgeta i wanbel long wanpela bikpela tingting tasol we i sut long rausim poka masin insait long Papua Niugini.

Seketeri bilong Sosel Welfea na Dvelopmen, Joseph Sukwianomb i tokaut olsem bihain dispela komiti bilong bungim ol toktok na tingting bilong dispela hevi i bungim olgeta ripot pinis, bai ol i givim i go long Gavman bai kabinet i ken lukluk na skelim.

Bihain long dispela wanpela de woksop ol manmeri bilong woksop i wanbel olsem;

- disisen bilong Praim Minista long rausim poka masin insait long kantri,
- mani i save kamap long poka masin i no save kamapim wanpela gutpela developmen o helpim long ol pipel,
- mani i kamap long poka masin i save helpim liklik lain tasol bihainim tingting na laik bilong memba yet,
- insait long tripela krismas poka masin i kamap, ol bikman long gavman tasol i save kisim dispela mani na yusim we dispela mani i bilong kirapim ol wok na developmen insait long komyuniti,
- Praim Minista i mas singaut long Geming Kontrol Bod long soim ripot bilong ol bikos dispela i bihainim lo we i kamapim dispela bisnis,
- bai dispela bung i kamap gen long toktok moa long dispela toktok bilong rausim poka masin insait long kantri.



• Ol meri Luteran i bung long konfrens bilong ol long ELC-Ukata distrik long las mun.

Ol yut holim kem long Kep Rodni

HELEN REI i raitim

ENGLIKEN yut long Mosbi Daiosis i go long Kep Rodni insait long Sentrel provins las wik long stap insait long wanpela wik kem wantaim ol manmeri long hap.

Ol yut manmeri namba olsem 30 insait long Yunaitet Sios na Pentikostol Sios tu i redim ol yet wantaim ol samting olsem jenere-ta, projekta bilong soim piksa, sampela pepa o buk bilong ritim na ol arapela samting ol bai yusim long dispela kem.

Pot Mosbi Daiosis i gat wanpela paris tu long Kep Rodni eria. Ol yut bai go long hap na soim sampela wok na program ol i redim pinis long ol kongrigesen long hap na tu long ol manmeri bilong arapela sios husat tu i stap long hap.

Dispela grup em Deputi Siaman bilong Engliken yut Jacob Vevego i go pas long ol na ol bai autim tok bilong God long ol ples manmeri. As bilong dispela kem em long serim tok bilong God na laikim bilong Jisas Kraus wantaim ol arapela.

Long de taim bai ol i sindaun long klas na lainim o kisim save long ol wok bilong lotu na arapela wok we i sut long gutpela kristen laip na sindaun. Long apinun bai ol i holim krused na soim piksa bilong Jisas. Het tok bilong dispela program bai sut long Buk Luk i raitim. Ol bai i kam bek long pinis bilong dispela wik.



• Jeneral Seketeri bilong PNG Sios Kaunsil (PNGCC) Sophia Gegeyo i sikan long Michael Kalele long Vanimo Daiosis opis long Wara Kongkong kem.



God i mekim ol manmeri i bihainim tok bilong en

Yu wanem man o meri i save pret long Bikpela na i save bihainim tok bilong en, yu ken amamas. Olsem na bai yu kisim mani long wok bilong yu inap long baim ol samting yu sot long en. Na olgeta samting yu mekim bai i kamap gutpela. Na bai yu amamas. Meri bilong yu bai i stap olsem diwai oliv i karim planti kaikai. Na ol pikinini bilong yu bai i raunim tebol bilong yu olsem ol yangpela diwai oliv. Tru tumas, man i bihainim tok bilong Bikpela, bai i kisim kain blesing olsem.

Buk Song: 128: 1-4



Lukaut long ol, nogut ol i straik gen • Dispela em ol wok manmeri bilong PNGBC beng long las mun we ol i bin straik. Ol i tok long straik gen bikos menesmen i no stretim ol tok kros bilong ol gut.

Opis bilong memba i no amamas

OLGETA lida, manki long nesanel, provinsel o long lokal levul gavman olgeta i mas long rot bilong kisim ansa o bekim bilong ol askim bilong ol.

Dispela tu i go long ol liklik man husat i save kolim ol yet olsem ol komyuniti lida insait long wan wan komyuniti o hap we i gat pipel i stap long ol.

Opis bilong memba bilong Vanimo Grin na Vais Minista bilong Tred na Indastri long Vanimo, Micah Wes i mekim dispela toktok long klaim tingting bilong sampela komyuniti lida husat i pairap nating long Redio Sandaun las wik i salensin memba bilong Vanimo Grin long kamap ples klia na tokim ol vota bilong em na pablik, wanem ol rot em i yusim Rurel Eksen Progrem Fan mani bilong em.

Wanpela komyuniti lida bilong ol Lumi pipel husat i save sindaun long ol setelmen insait long Vanimo i tokaut olsem memba bilong Vanimo Grin i mas tokaut wanem rot tru em i yusim

mani inap long yia 2000.

Mista Peter Yemin las wik i tokaut olsem insait long wan wan yia stat long 1998 inap 2000 Mista Wes i save kisim K1.5 milien. Na em i taim Mista Wes i kamap ples klia na tokim ol vota bilong em wanem rot em i yusim dispela mani. Yemin i go het na i tok sapos Mista Wes i kamapim ol projek wantaim dispela ol mani, em i mas tokaut wanem ol dispela projek.

Opis bilong Vais Minista Wes long Vanimo i luksave olsem toktok bilong Mista Yemin i popaia nating. Na i sutim tok long Mista Yemin long yusim dispela toktok bilong em olsem gris tok bilong sampela politikel kendidet bilong Vanimo Grin long 2002 Jenerol llesken. Opis bilong Mista Wes i tokaut olsem i gat stretpela rot i stap long Mista Yemin i bihainim. Long kisim ansa bilong ol askim bilong em, na rot komyuniti lida bilong ol Lumi pipel long Vanimo i mekim. Soim tru olsem em ol gris politiks toktok tasol.

Madang bai holim 54 distrik konfrens

PAULUS TALI i raitim

EVENJELIKEL Luteran Sios (ELC-PNG) bilong Madang Distrik bai holim namba 54 distrik konfrens long Bongu Luteran seket long Lalok

NEC makim ol komisina bilong CIS

NESENEL Eksekutiv Kaunsil (NEC) i bin makim pinis sevenpela man long kisim ol posisen bilong Deputi Komisina na Asisten Komisina taim ol i bin miting long las wik.

Minista bilong Koreksnel Sevis Henry Smith i tok tenkyu long NEC long makim tupela deputi komisina na faivpela asisten komisina taim ol i kisim endosmen long Dipatmen ov Pesenel Menesmen na Ministri bilong Koreksnel Sevis.

Dispela ol man em Kelly Karella, Deputi Komisina - Operesens, Giru Bane Moihau, Deputi Komisina - Polisi na Edministresen, Godfred Niggints, Asisten Komisina - Operesens,

kongrigesen. Dispela konfrens bai stat long Ogus 13 na go pinis long 18, 2001.

Distrik seketeri bilong Madang Distrik Tommy Waila i tokaut olsem dispela namba 54 konfrens i luk olsem planti manmeri mak

Martin Baithasar, Asisten Komisina - Pesenel Menesmen na Trening, Oda Vagi Toua, Asisten Komisina - Sapot Sevises, Solomon Kal, Asisten Komisina - Welfe na Rihabilitesen na Dominic Tomar, Asisten Komisina - Eksekutiv Sapot.

Ol dispela posisen i bin stap nating inap tripela yia i go pinis na ol man i wok long eking long posisen tasol inap NEC i makim ol.

Mista Smith i amamas long ol dispela apoinmen na em i tok planti tingting hevi i bin kamap long wok bilong ol opisa husat kontrak bilong ol long wok wantaim gavman i bin pinis long 1999 olsem na ol disisen long menesim Koreksnel Sevis long las tupela yia i no bin

olsem 500 olgeta bai kamap long stap insait.

Em i tok 8-pela Luteran seket long Madang olsem Bungu yet, Biliau, Ranara, taun, Amele, Begesin, Kabak na Wanuma bai olgeta i kamap long sindaun

go gut.

"Bikpela problem Koreksnel Sevis i bin lukim em long gutpela sinia Eksekutiv Menesmen long darektimol progrem na projek developmen long ol sel long PNG," Mista Smith i tok.

Em i tok ol komisina nau bai kirapim ol wok i go het long olgeta sevis ol Koreksnel Sevis.

Mista Smith i tok ol opisa em ol i makim i save wok hat tru na ol i long taim opisa bilong Sevis.

"Mi gat bilip olsem ol nupela komisina bai kari-maut wok bilong ol gut na nogat hevi bai i kamap long wanem ol i save long wok bilong ol," em i tok.

"Gavman bilong mi i amamas long wok wantaim wanem komyuniti i traim long helim ol yet na wok strong long kisim dispela projek."

long kisim dispela projek," em i tok planti manmeri na skul pikinini husat i sindaun long bikpela ren long kisim dispela mani.

Ofafina komyuniti i bin statim dispela projek ol yet wantaim mani ol i kamapim, ol disainim projek tu na bihain ol i askim provinsel gavman long helpim.

Dispela wara saplai projek bai helpim moa long 8,000 pipel insait long eria.

Gavana Lafanama i givim tu K50,000 i go long Okapa Praimeri Skul long ol i ken sanapim wanpela dabol klasrum.

Wara saplai bilong Ofafina pipel

PIPEL bilong Ofafina insait long Okapa distrik i ken amamas olsem wara saplai projek bilong ol bai pinis bihain long Isten Hailans Gavana Peti Lafanama i givim K30,000 bilong ol i ken pinisim dispela projek.

Em i givim dispela sek mani long Ofafina pipel taim em i mekim wanpela lukluk raun i go long Okapa distrik wantaim provinsel eksekutiv kaunsel na sinia pablik sevan bilong provins.

Dispela em hap bilong K60,000 we gavman bilong em i promis long givim dispela komyuniti bilong kamapim dispela wara saplai bilong komyuniti.

Mista Lafanama i tok em i amamas long sanapim wanpela projek ol pipel yet i helpim long sanapim ol yet.

"Gavman bilong mi i amamas long wok wantaim wanem komyuniti i traim long helim ol yet na wok strong

long dispela konfrens.

Sios seketeri tu i tokaut moa olsem ol kristen deliget bai i kam i mas redim konfrens fi we i mak long K10. long wanwan deligesen.

Olgeta wok bilong redi long holim dispela distrik konfrens i go orait tasol, konfrens siaman Sor Waga i tok.

Long dispela taim bilong konfrens tu bai ol i opim nupela haus lotu bilong Lalok Luteran sios.

Ol toktok insait long dispela konfrens bai sut long wok bilong sios long distrik level, seket, kongrigesen, ol gutpela wok we i kamap na ol hevi we i kamap.

Ol arapela Luteran visitas tu bai i kam olsem long Luteran het opis long Ampo, Lae na ovasis lain wantaim tu ol arapela sios institusen long kantri.

Distrik Seketeri Mista Wailo i tokaut olsem wanem seket o kongrigesen i laik kisim ol deliget i kam i mas redim ol rot na trenspot bilong ol yet long kamap long Madang.

JULAI TYRE SPESOLS

HANKOOK & MICHELIN TYRES

PLANTI STAIL LONG OL KWALITI HANKOOK NA MICHELIN TYRES LONG FITIM OL KAIN KAIN KAR NA TRAK.

Hariap...No Ken Miss Aut. Dispela Mux Tasol!

Ela Motors TYRES

KISIM OL LONG ELA MOTORS PATS DIPATMEN NA OL TYRE SENTA LONG OL GETA HAP.




20% OFF

LONG RETAIL PRIAS

Quality System
Quality Endorsed Company
LIC. No. 02C1998
Quality Assurance Services (QAS)

VISIT OUR WEBSITE - <http://www.elamotors.com.pg>

PORT MORESBY PH 3229400 LAE 4722322 KOKOPO 9829100 MADANG 8522188 GOROKA 7321844 MT HAGEN 5421888 WEWAK 8562255 KAVIENG 9842788 KIMBE 9835155 TABUBIL 5489060 VANIMO 8571254 PORGERA 5479367 BUJA 9739915 LIHIR 9864099 ALOTAU 6410100

Taun atoriti i mas oraitim ol liklik maket bisnis, Ledi Kidu i tok

NAMBA bilong ol manmeri i go long taun na ol siti bai i wok long go antap yet olgeta taim olsem na wok i stap nau long ol taun na siti menesa long stat kamapim .rot bilong mekim ol pipel i ken mekim ol liklik wok bisnis we i ken helpim developmen bilong ol komyuniti ol i stap long en.

Memba bilong Mosbi Saut Ledi Carol Kidu i mekim dispela toktok long bikpela bung bilong ol Eben Lokol Level Gavman mensa long Madang long las mun.

Ledi Kidu i tok ol lo bilong ol taun na siti tude i no wok gut na i no stret long mekim ol manmeri i mekim sampela kain liklik wok bisnis we ol iken pulim mani long ol liklik sevis we ol bikpela stua i no save givim.

Ol manmeri i kam long ol taun na siti bai ol i kam yet na nogat wanpela samting bai stapim olsem na wok bilong taun na siti atoriti long wok klostu wantaim ol dispela lain long kamapim sampela kain rul o lo bilong mekim ol dispela lain manmeri i go pas long sampela kain wok we ol yet i ken mekim na stap long taun na ol siti, Ledi Kidu i tok.

Ledi Kidu i tok long ol kain liklik wok olsem maket, ol

liklik maket na ol liklik maket arere long rot em ol sampela samting we atoriti i mas wok klostu wantaim pipel na ste-tim bai ol pipel i ken go pas long en ol yet we ol i ken stap isi na go het long dispela kain liklik wok bisnis bilong ol yet.

Em i tok insait long Papua Niugini, olgeta manmeri bai i no inap kisim ol bikpela wok long opis bilong gavman o kampani. Olsem na ol manmeri i mas lukluk nau long ol arapela rot we ol i ken mekim long pulim mani taim ol i stap insait long ol taun na siti. Ol pipel bilong Papua Niugini i save long salim kaikai na ol samting long mekim mani, ol i save long painim abus na planim strong na save, ol i ken mekim sampela kain wok we i ken kamapim helpim na senis long sindaun na laip bilong ol long ol taun.

Ledi Kidu i tok bikos prais bilong ol kaikai na ol samting long stua i go antap na tu ol skul fi i go antap, ol manmeri i traim long mekim ol kain kain liklik wok long pulim sampela mani moa long baim ol dispela samting.

Gavana tok gavman noken kamapim praivetaisesen

GAVANA bilong Simbu Pater Louis Ambane i tok em i sapotim tingting bilong ol yunivesiti sumatin na ol pablik long Pot Mosbi husat i bin egensim dispela praivetaisesen prgram.

Pater Ambane i tok planti i bin ting olsem dispela prgram i bilong pravetsaisim Air Niugini na PNGBC tasol i luk olsem gavman i hariap tru long salim olgeta samting we i bilong gavman.

Em i singaut long gavman i hariap long stapim pravetaisesen prgram long wanem ol yangpela sitisen bilong kantri i bin

lusim laip bilong ol taim ol i egensim dispela prgram.

Pater Ambane i tok gavman i ken tingting long ol narapela we long bekim ol dinau we kantri i gat long ol Wol Benk na Intanesenel Monitari Fan na maski long salim ol samting bilong gavman.

Em i tok ol dispela bisnis em ol i bin kamap long sevis i ken go long ol pipel long givim sevis na benefit i go long ol rural lain tasol i gat bikpela pret tru olsem taim ol bisnis lain i kisim bai ol i tingting long mekim profit tasol na ol liklik sevis we i

stap long ol longwe rural eria long kantri em ol bai pasim na ol pipel bai i no inap kisim sevis. Ol benk na ol liklik ples balus hai i no inap kisim sevis.

Pater Ambane i tok i no gutpela long senisim sistem tasol i gutpela long strongim menesmen bilong ol dispela bisnis.

Em i tok planti PNG husat i ken ranim dispela ol bisnis i stap tasol gavman i no save trastim ol lain sitisen bilong kantri yet na i wok long kisim ol konsalten long ol narapela kantri.

Pater Ambane i tok neseneel gavman i mas

tingting gut na kisim ol edvais long ol man bilong narapela kantri na as tingting bilong ol prgram bilong ol em ol pipel i mas save gut pastaim.

Em i tok bikpela sori tru long ol lain na papama-ma bilong ol sumatin husat i bin dai long han bilong ol plis tupela wik i go pinis taim ol sumatin i bin pait egensim praivetaisesen.

Pater Ambane i tok dai bilong ol dispela yangpela man i mas soim gavman olsem ol planti liklik grasrut pipel long dispela kantri i no laikim dispela praivetaisesen prgram.

Simbu Kaunsil singaut long LLG grent mani

SIMBU Provinsal Eksekutyutiv Kaunsil (PEC) i tok strong long Neseneel Gavman i mas lusim ol Lokol Level Gavman grents i kam long provins long ol pipel i mas kisim sevis.

Long wanpela miting bilong PEC las wik ol i toktok planti long ol mani bilong ol we i no bin kam long taim ol i mas kisim. Ol i bin kisim LLG gran mani long mun Me tasol na ol i wet yet long ol narapela hap mani i mas kam long

provins. Narapela warena nogat kes mani em ol i givim bilong Jun na dispela i stap yet long Provinsal Tresari long ol i ken kisim.

PEC i tok olgeta LLG em ol gavman long lokol level na ol pipel i mas lukim olsem ol i givim sevis long ol tasol Neseneel Gavman i no tingting gut na i wok long holim pas mani bilong ol pipel na ol LLG i no mekim ol wok bilong ol long givim sevis i go

long ol pipel. Long wanpela bung agrimen ol i singaut long gavman long hariap long lusim ol fan bilong Jenuari i go long Epril 2001 na ol i mas givim ol gren mani long taim we Praim Minista i bin makim long em.

Ol i askim Dipatmen bilong Fainens long harip long stretim ol mani na tingim ol nid bilong ol pipel long ol rural eria olsem bai ol pipel i ken kisim ol sevis bilong ol gut.

NHP statim gen 2001 apil

NATIONAL Heart Foundation of Papua New Guinea Inc i statim gen apil bilong em long pulim mani long helpim wok bilong karimaut awenes long skulim ol manmeri long ol sik na bagarap we i save kamap long lewa o hat bilong yumi ol manmeri taim yumi i no lukautim gut bodi.

Dispela apil long singaut long helpim i kam long pablik na wanem kain grup i save kamap olgeta yia. Dispela grup i save mekim bikpela wok we i sut long sevim laip bilong ol manmeri.



**NATIONAL HEART FOUNDATION
OF PAPUA NEW GUINEA INC.**

**WANKAIN TAIM LONG OLGETA
YIA MIPELA ASKIM LONG YU
LONG HALIVIM MIPELA I
STAT NAU
LONG YIA
2001...**



**HELPIM MIPELA LONG KISIM
TAGET MAK BILONG
MIPELA!**

PLIS SALIM OL DONESIN BILONG YU IGO LONG ADRES DAUNBILO

P.O. BOX 158
M.T HAGEN, W.H.P

TELEPHONE: 542 2199
FACSIMILE: 542 2384



2001 ANNUAL APPEAL

Name:.....

Company:.....
(IF APPLICABLE)

Address:.....

My/Our donation to the foundation is:

K10..... K25..... K50.....

K100..... K250 K500.....

K1000..... Others.....

NB: Donations in excess of K50.00 are Tax Deductable



Ol pas pinis! • Ol sampela sumatin bilong teknikal trening divisen husat i greduate las wik long wanpela program long Mosbi. Sekretari bilong Sosol Welfea na Dvelopmen Joseph Sukwianomb i sanap long lephan. Foto: Helen Rei

Wok long stapim misels long siti

LONG las tupela wik i go pinis, Nesenel Kapitel Distrik (NCD) i bin mekim wanpela bikpela plen long karimaut ol imunaisesen program long siti tasol ol hevi long siti i bin stapim dispela wok.

Asisten Seketeri bilong NCD Helt Sam Kove i tok i bin gat sampela plen long stapim misels we i bin raun insait long siti na kilim sampela pikinini tasol ol hevi i bin kamap long dai bilong tupela yunivesiti sumatin i bin stapim dispela program.

Seketeri bilong Helt Dipatmen Dokta Puka Temu i bin tokim olgeta wok lain insait long siti long ol i noken kam long wok olsem na i nogat lain long karimaut ol gupela program.

Olgeta klinik long siti i bin pas inap las wik Mande we ol i op long givim sevis long ol lain.

Mista Kove i bin tok ol helt wokus na wok kar bilong dipatmen em ol i pret olsem bai i bagarap na planti i bin harim tok-save bilong Dokta Temu olsem na ol i no bin go long wok tupela wik i go pinis.

Mista Kove i tok planti klinik bilong ol bebi, famili plening, na ol

narapela seksen i pas tupela wik i go pinis.

Dispela hevi i bin kamap long ol plis i sutim toapela wanpela man i mekim na planti haus sik i bin pas na ol pipel i kisim taim tru.

Taim ol klinik i pas ol sik man-meri i kamap planti tru na las wik ol i pulap nogut tru long haus sik.

Em i tok ol i bin plen long putim wanpela plen i go long Dipatmen ov Helt long traim ol stapim na kontrolim dispela sik insait long siti tasol ol holim tasol i stap.

Ol plen nabaut i bin stap pinis tasol taim ol protes i go nogut ol i wet tasol na ol plen em ol i lusim i stap inap nau.

Mista Kove i tok tu olsem ol bai salim ol pas i go long askim ol dona egensi long helpim ol long karimaut wok bilong ol insait long siti.

Plen long karimaut wanpela bikpela imunaisesen long ol pikinini mak long tripela mun i go faivpela yia long ol eria we sik i wok long bagarap nogut tru. Ol ples we sik i bagarapim ol pikinini nogut tru em Siks Mail, Tokarara na St Theresa na Hohola.

Sios strongim helt program long Hailans

NAZARIN Sios long Westen Hailans i kamapim wanpela gutpela helt program long komyniti na ol i bilip olsem ol narapela provins long kantri tu i ken kisim save na bihainim.

Dairekta bilong dispela program Bernard Dunn i tok sapos olgeta eria bilong dispela program em ol i bihainim gut bai ol liklik sik long kantri bai ol pipel i ken pinisim nating wantaim ol isi we tru.

Mista Dunn i bin mekim dispela toktok long wanpela bikpela helt komiti bung long Goroka na em i tok program i wok gut tru long Westen Hailans na ol narapela provins long narapela provins long kantri tu i ken kisim save long dispela samting na yusim.

Em i tok ol LLG long kantri i mas kisim dispela program i go insait long ol wod komiti na ol i mas kamap wantaim

ol gutpela trening long kamapim dispela program long ol komyniti level na dispela bai helpim ol gavman rifom i go gut.

Mista Dunn i tok program em ol i kamapim long we bilong PNG yet na i save lukluk long nid bilong olgeta lain na i no inap kauntim man o meri.

Em i tok olgeta man-meri i gat planti ol nid long helpim ol long stap laip olsem na ol i mas kisim dispela program long helpim ol.

Mista Dunn i tok dispela program em ol i raitim gut tru na ol i bin yusim long tripela yia olgeta na ol wok painimaut i soim olsem dispela program bilong yusim ol isi we bilong stapim sik i gutpela tru long kamapim gutpela helt na developmen long kantri.

Em i tok program i gat sampela liklik problem tasol ol lain husat i

stap insait long program i ken wok long stretim dispela.

Mista Dunn i tok planti LLG i save givim mani long kamapim ol projek long ol provins tasol ol i no save givim sapot olgeta taim. Planti bilong ol i save stapim sapot bilong ol na ol projek i no save go gut.

Program i go pinis long 23 komyniti long Westen Hailans, Sauten Hailans na Enga provins.

Planti trening tru ol i bin mekim wantaim ol menesa na i gat moa askim long dispela program long planti hap long hailans.

Mista Dunn i tok dipatmen bilong Helt i gat bikpela plen long kamapim gutpela stendet bilong helt long kantri na em i tok dispela program i go wantaim ol plen bilong Nesenel Helt plen bilong kantri.

Gutpela developmen kamap long UOG

OL plen bilong mekim wanpela nupela 200 rum haus slip bilong ol meri sumatin bilong Yunivesiti ov Gorok (UOG) i stat pinis.

Pro Vais Sensela Edministresen Dokta Musawe Sinebare i dispela em wanpela hap tasol bilong planti plen yunivesiti i gat long developim skol.

Long ol dispela developmen plen bilong em em long bildim wanpela laibri bilong skol we bai inap moa long K9 milien na tu ol i plen long mekim wanpela lekta rum bai sindaunim mak long 500 sumatin bai i stap klostu long laibri.

Dokta Sinebare husat i bin kam long Mosbi long sainim ol pepa wok bilong ol dispela wok i tok domitri bilong ol meri nau i no inap na planti meri sumatin tumas olsem na ol i laik mekim nupela.

Em i tok long las taim ol bin gat wanpela plen long mekim ol developim ol haus nabaut em ol i mekim ol ekstensen wok na Yuropien Yunion i bin mekim taim UOG i stap aninit long UPNG.

Wok long lekta tiata bai stat bihain tru long wok long laibri i stat na lekta tiata bai gutpela samting tru bilong yunivesiti.

Dokta Sinebare i tok i gutpela long UOG mas i gat kain developmen long wanem em i kamap yunivesiti pinis na i no stap ananit long UPNG moa.

Em i tok i gat bikpela nid long mekim ol haus bilong ol wok lain bilong UOG na i gat planti graun i stap bai ol i mekim ol dispela wok.

Em i tok yet olsem ol toktok bilong len kompesesen nabaut bai i no inap stapim ol developmen we ol i tingting long kamapim long UOG.

Dokta Sinebare i tok ol toktok long graun i stap wantim ol atoriti long gavman na tupela lenona grup na toktok i wok long kamap yet namel long ol.

Sensela bilong UOG Sir Ebia Olewale husat i bin stap long sainim bilong ol wok tu i tok laibri em i wanpela bikpela samting tru long yunivesiti na bai i helpim ol sumatin gut tru.

SP mekim aweanes long Alotau

WANPELA woksop em SP Brewery i mekim long Alotau long kamapim sosol alkohol edukesen aweanes.

Dispela woksop bai kisim tripela de na i kamap long wanpela program ol i kolim sosol alkohol program em ol i bin developim wantaim ol plis, Red Cross, Sios, NGO, Tred Yunion, Edukesen Dipatmen na NCD.

Milne Be Gavana Titus Philemon i tok dispela aweanes i bai kamapim gutpela pasin na ol lain husat i save dring i ken rispektim lo na ol narapela husat i no save dring na rait bilong wanwan lain long komyniti.

Mista Philemon i tok dispela program i ken senisim ol pasin nogut we i save kamap long PNG na i ken stapim ol lo na oda problem long komyniti. Em i tok yet olsem dispela program i gutpela na bai helpim gut ol lain long komyniti taim ol i gat gut ol save bilong we bilong dring.

Dispela aweanes em Human Risos menesa bilong SP Giau Duruba na sinia opisa Nancy Jerome i go pas long mekim.

Kampani i bin kamapim planti woksop long ol narapela provins na dispela em namba tu taim em i kamap long Alotau.

Provinsal Eksekutiv Kaunsil long provins i bin mekim wanpela tok orait long makim ol taim bilong baim na salim bia i go longpela na ol pipel long Alotau i bin protes na tok nogat long dispela olsem na em i laikim dispela aweanes long kamap.

Dispela woksop bai i kamap long taim bilong Provinsal Asempli i bung na i gutpela tu long ol memba i ken kisim save tu long dispela aweanes na dring bia gut na noken bagarapim gutpela sindaun long komyniti.

SP i gat tingting olsem taim ol lidaman long komyniti i kisim save long dispela bai ol i ken go bek long ples bilong ol na kamapim ol wankain aweanes bilong ol yet.

GENERATOR SET		ESKI KULAS	
<small>LAKI NAMBA TICKET</small>			
5021607		5172009	5197251
		0156358	0856359
		5252031	5278013
		0304652	0806228
		5294201	5222345
		0455249	0754611
		5276111	5241443
		0558364	0855013
		5256798	5264322
		0904670	5285235
			5286500

WINNERS CONTACT GFI OFFICES:

PORT MORESBY PH: 320 2260 - LAE PH: 475 7066
 MT. HAGEN PH: 545 1570 - GOROKA PH: 732 3213
 RABAUL PH: 982 9209 - BUKA PH: 973 9141
 MADANG PH: 852 1622 - WEWAK PH: 856 1708
 ALOTAU PH: 641 0472 - KIMBE PH: 983 4907
 POPONDETTA PH: 329 7366

Taun menesa mas kamapim wok, Ledi Kidu

PLANT manmeri bilong ples i save kam long taun na ol taun menesa i mas lukluk long traim kamapim wok bilong ol dispela lain.

Memba bilong Pot Mosbi saut Ledi Carol Kidu i mekim dispela toktok long wanpela bung long Madang las wik.

Kainkain lo na rul bilong taun i no gutpela na i no save helpim ol manmeri bilong taun long givim sampela sevis we ol bikpela stua na sevis dipatmen i no save givim long ol manmeri.

Ol manmeri bilong strit na ples i kam i stap na bai hat long ol i go na ol taun menesa i mas luksave long dispela na traim kamapim sampela rot bilong helpim ol i ken stap insait long ol liklik wok bisnis.

Ledi Kidu i tok ol samting olsem rot sait maket na liklik maket nabaut i mas stap long han bilong ol pipel tasol atoriti i mas kamapim sampela lo long helpim ol manmeri lukautim ol dispela samting.

Em i tok gavman na praiwet bisnis i noiinap kamapim wok bilong olgeta manmeri na ol i mas traim kamapim sampela rot bilong helpim ol dispela kain lain na noken putim hevi bilong lo na oda antap long ol na larim ol karim hevi.

Em i tok ol manmeri wantaim nogat bai i stap yet na yumi no inap senisim wanpela samting olsem na kamapim sampela rot bai ol i ken yusim bilong helpim ol yet.

Kainkain lo na rul bilong taun i no gutpela na i no save helpim ol manmeri bilong taun long givim sampela sevis we ol bikpela stua na sevis dipatmen i no save givim long ol manmeri.

Ledi Kidu i tok prais bilong ol samting i go antap na kainkain hevi i mekim na olgeta manmeri nau i lukluk moa long wok na painim mani bilong peim skul fi, baim kaikai na stretim gut sindaun bilong ol insait long hat laip bilong tude.

Em i tokaut olsem wanpela stadi i kamap long painim rot bilong helpim ol manmeri olsem na dispela stadi bai redi long Ogas dispela yia.

Em i tok dispela stadi bai soim sampela rot we ol pipel i ken helpim narapela wantaim helpim bilong ol siti menesa long kamapim mani na bringim developmen i go insait long sosaiti na komyniti ol i stap long en.



Helpim i kam long Jemeni .

Praim Minista Sir Mekere Morauta i kisim wanpela helpim sek mani i kam long Sir Hugo Berghuser long makim helpim bilong Jemeni long PNG.

Jimi pipel kisim bagarap long raskal pasin

MEMBA bilong Jimi dsitrik insait long Wetsen Hailans i askim ol plisman long givim laisens long ol liklik bisnis man bilong Jimi i ken karim na raun.

Dispela toktok i kam bihain long ol raskal i bungim na kilim i dai wanpela man bilong Jimi long wanpela rot blok.

"Mi save olsem dispela birau i no las. Planti kain birua olsem bai kamap bihain na ol atoriti i mas givim laisens long ol PMV opereta na liklik bisnis man long karim wokabaut na ating dispela bai slekim dai liklik stil paisn we i bikpela nau.

Man husat i dai em Jospeh Pinak na em wanpeal pis opisa bilong Jimi eria. Em bin kam bek long Hagen

wantaim sampela arapela pasindia long wanpela daina trak taim ol raskal i bungim ol.

Mista Pinak i bin salim sampela kopi bilong em nakarim olsem K1,600 na em i traim ronawe tasol ol stilman i bihainim em na sutim em.

Wanpela i dai na planti arapela i kisim bagarap long dispela birua na lusim wanem samting ol i kisim wantaim ol i kam long Mt Hagen.

Mista Tambi i tok: "Planti taim mipela save kisim dispela kain hevi na nau ol i kilim dispela man.

Em i tok olsem Jimi em wanpela bus ples tru na nogat wanpela bikpela bisnis long dispela eria na bilong wanem o stilman i luk-

luk long dispela pipel na traim kisim wanem liklik samting ol i gat.

Tenpela man i bin stap insait long dispela rot blok long boda bilong Jimi na Waghi boda long las wik Trinde apinun.

Provinsel Plis Komanda i tok plis holim pasim pinis tripela man wantaim bos bilong ol long sem nait na ol i bilip olsem ol stilman i kam long Banz eria.

Plis i stil mekim wok painimaut i go isnait long dispela hevi bilong man i dai na bai traim holim pasim husat i stap insait.

Mista tambi i tok em i wanpeal pipia pasin tru long til long ol turangu pipel na gen kilim man wantaim.

Highlands Pacific painim patna long Ramu Nickel Main

OL Bikpela maining kampani bilong wol husat inap mekim patna wantaim Highlands Pacific long kamapim Ramu Nickel projek i les bikos ol i ting olsem Papua Niugini i nogat gutpela politik na ol i pret long kam.

Tasol tupela liklik kampani, wanpela bilong Amerika na narapela bilong Saina i tingting long kam insait na wok wantaim Highlands Pacific.

Ed Anderson, Highlands Pacific projek menesa long Madang i toksave long dispela samting long Basamak we rifaineri o fektorii bai stap long en.

Em i tok ol i bin salim tupela tim, wanpela long Yurop na narapela long Amerika long traim painim ol maining kampani husat i gat laik long kam na stap olsem wanpela patna bilong developim dispela nikel projek tasol planti bikpela kampani i les.

Mista Anderson i tok dispela projek inap kisim olsem K3 bilien na ol kampani i no inap hariap long kam insait na putim dispela kain mani.

Em i tok projek gutpela bilong mekim mani tasol em i tok taim bai tokaut bikos nau yet nogat wanpela i gat laik.

Sia bilong Highlands Pacific nau i stap long Highlands Pacific em (68.5% o pesen) na Orogen Minerals (31.5). 5% bilong ol papagraun.

Ol dispela man i bin askim wanpela bikpela beng long Inglan long painim wanpela kampani husat i laik stap olsem patna na kamapim main wok. Bekim i no kamap yet na ol i wet tasol i stap.

Narapela kampani, Nord Risos i bin lusim las yia na gavman i tok long baim sampela moa sia aninit long Orogen tasol em i no mekim yet.

Nogat mani bilong patrol long solwara

PEKU PILIMBO i raitim

MAUS bilong Flai Riva insait long Westen Provins i gat sampela haus sel na ol timba i stap klostu na ausait long bikpela solwara i gat ol bikpela sip i stap.

Dispela i min olsem ating ol i mas stilim timba na wok long salim i go long ovasis tasol yumi i no save.

Dispela luksave i kam bihain long wanpela lukluk raun bilong PNG Difens Fos Maritaim Elemen wantaim helpim bilong Australia long wanpela balus las wik.

Ol i traim long painimaut wanem samting i wok long kamap long solwara bilong yumi bihain long sampela ripot olsem planti stilman i wok long stilim

pis long solwara bilong PNG.

Ol opisal husat stap insait long dispela lukluk raun i ting olsem i mas i gat paul pasin i stap insait long wok bilong katim diwai na salim long sip tasol ol i no inap sekim gut long graun olsem na i hat long ol i tok ol man i brukim lo na stil o mekim bisnis stret.

Ol piksa ol i kisim long balus i soim olsem planti diwai tru wantaim ol liklik bot i stap arere long graun na bikpela mama sip i stap aut long bikpela solwara.

Sampela i tok em Rimbunan Hinjau, husat i gat wok opere-sen bilong katim timba long hap i mekim ol dispela wok tasol sampela i ting ol man i ken stilim dispela ol timba tu.

PNG Maritaim-Elemen Kepten Aloysius Ur Tom i tok i hat long ol i go mekim graun na solwara patrol long sekim sapos ol dis-

pela ripot i tru.

Em i tok ol i nogat mani na hat long yusim dispela foapela patrol bot bilong ol. Wanwan patrol i save kaikaim bikpela mani bilong baset na i hat long ol i mekim patrol long dispela kain eria bilong sekim sapos i tru o giaman.

Ol i askim pinis Nesenel Fores Atoriti na Nesenel Fiseris Atoriti long helpim wantaim mani bai ol i ken mekim patrol na lukluk raun long dispela kain hevi.

Em i ting olsem sapos ol i mekim planti patrol i go na sekim, ol inap holim pasim ol na mekim save long ol bai ol i mal-olo liklik long kam insait long PNG.

Nau em i tok patrol bilong ol i slek tru na bikpela stil pasin i wok long kamap long solwara na nambis bilong yumi.



• Lukluk long balus i soim ol haus sel bilong slip i stap long maus bilong Flai Riva. I gat bilip olsem ol i katim timba tasol i gat tok orait o nogat em hat long sekim bikos nogat mani bilong kamapim patrol.

Putim was long solwara

WANTOK

NIUSPEPA BILONG YUMI OL PAPUA NIUGINI STRET

PLANT stil pasin i kamap insait long ol solwara bilong yumi tasol yumi no mekim wanpela samting long stapim.

Wanwan yia planti milien kina i wok long lus. Ol stilman wantaim bikpela mama bilong sip i kisim ol si animel long laik na karim i go bek long kantri bilong ol na salim.

Wanpela wik i go pinis PNG Difens Fos Martitaim Elemen (PNGDFME) i kisim wanpela balus bilong Australia na mekim wanpela lukluk raun i go long Dogleg eria. Dispela em boda namel long Australia, Indonesia na PNG long Galf bilong Papua. Ol i bin lukim 24 mama sip i stap insait long solwara bilong PNG. Ol i kirap luksave olsem 10-pela bilong ol dispela i sip bilong kisim pis wantaim ol bikpela umben.

Sapos wanpela sip i kisim pis mak bilong K100,000 long wanpela lod na go salim, amas tausen kina i lus taim 10-pela sip olgeta i kisim wankain namba bilong pis na mani? Sapos insait long wanpela mun i gat tupela lod, ating wanpela sip i mas kisim K200,000. Na yu ting amas long 10-pela sip olgeta? Sapos moa long 10-pela sip olsem

15, 20 o 25 sip olgeta i kam stil, yu stil yumi wok long lusim amas mani insait long wanpela yia? Insait long wanpela yia ating planti bilien kina i save lus long dispela kain stil pasin.

Sapos yumi no mekim wanpela samting long putim was na holim pasim dispela ol stilman, yu ting pis bilong solwara bai stap?

PNGDFME i gat foapela patrol bot tasol. Bikpela solwara bilong yumi na hat long lukautim olgeta hap. Ating ol i gat tupela balus samting bai orait. Ol pailot i ken flai raun na lukim wanem hap stil pasin i wok long kamap na hariap tokim ol patrol bot long holim pasim ol stilman.

Dispela kain bai hat tru. PNGDFME i nogat mani bilong baim fiul long ol patrol bot. Ol i nogat wanpela balus bilong flai na lukim wanem hap stil pasin i kamap. Ol i sindaun tasol na lukim i stap na ol ausait man i kam stil long

laik.

Dispela 10-pela sip we kisim opis em long Galf bilogn Papua sait tasol. Olsem wanem long solwara bilong Manus, Niu Ailan, Is na Wes Sepik, Buka, Is na Wes Niu Briten, Madang, Morobe, Oro na Milen Be? Husat lukautim ol dispela eria? Ol i stap tasol na kain kain stilman i kam insait long kantri long laik.

Taim wanpela stilman mekim wanpela isi stil pasin na em save olsem nogat gutpela wasman i stap, em save go bek na toksave long wantok bilong ol olsem "em isi tru long stil long solwara bilong PNG bikos nogat wasman i stap"

Em tru, PNG sot tru o ating mani stap long baset bilong dispela kain wok i mas lus. Sapos nogat, ating gavman i no tingting taim ol i sindaun long mekim baset.

Solwara bilong yumi i bikpela tru na yumi ris tru. Ol narapela kantri i kisim wanem samting insait long solwara bilong ol pinis. Ol painim ples i stap na PNG i givim gutpela sans tru long ol. Yumi no putim was. Taim nogat sekyuriti was i stap, stilman i save stil long laik. Dispela kain pasin i kamap long

solwara bilong yumi.

Ating gavman mas lukluk tumas long developim ol mineral i stap long graun tasol. Em mas lus tingting olgeta long bikpela risos yumi gat long solwara.

Yumi laki na gat graun na solwara risos wantaim. Sampela kantri i save kisim strong bilong ol long solwara tasol. Ol nogat gol, kopa, oil na wanem risos bilong graun olsem yumi.

Planti tausen pis i lus. Taim ol bikpela umben i go daun, kainkain animel bilong solwara na plent tu save kamaut na pas long umben. Ol kisim wanem samting ol i laikim.

Dispela kain pasin i go longpela taim tru. Gavman mas putim planti mani nau i go insait bilong patrolim dispela ol solwara eria bilong yumi. Nogut yumi sindaun tasol na lukluk long graun i stap.

Yes, gavman i ken tok ol manmeri i stap long graun, i no solwara tasol olsem wanem long ol solwara animel na wanem samting i stap insait God i givim yumi? Yumi bai lusim na ol stil man kam kisim long laik o bai yumi banisim na was olsem wanpela nupela gaden wantaim kaikai i mau na redi?

Wanpela gutpela tingting em long baim sampela moa patrol bot. Baim wanpela o tupela balus na kamapim patrol olgeta taim. Givim mani bilong helpim na larim ol mekim wok olgeta taim bilong lukautim dispela eria. Ol memba save yusim mani nabaut long kain samting tasol ol i no save tingim solwara bilong yumi. Olgeta taim yumi wok lon glukluk long sait bilong graun na ol memba mekim nabaut long ol mai na i no lukluk long solwara tu.

I no long taim i go pinis Nesanel Fiseris Atoriti i bin holim pasim na sasim tupela sip K1.5 milien fain tasol dispela i no inap stapim moa sip long kam.

Nesanel Fiseris Atoriti i tok long givim sampela helpim mani tasol dispela i no inap. Noken kamapim wanpela patrol na lusim. Givim mani na larim ol man slip kirap long solwara na was gut long wanem samting God i givim yumi fri. Noken larim ol stil man kisim. Yumi mas painim rot bilong lukautim na yusim ol long kamapim gutpela sindaun bilong olgeta manmeri.

Sapos yumi sindaun tasol, yu ting ol stilman bai lusim sampela bilong yumi?

Bikpela SDA reli kamap long PNG

• WANPELA bikpela bung tru bilong Seven De Edventis (SDA) i kamap long PNG na planti manmeri bilong graun i lukim dispela long televisen bilong ol.

Wanpela biknem SDA pasto Mark Finley i kamap long kantri tupela wik i go pinis an wok long mekim bung lotu long Sir John Guise Stadium we olgeta pipel bilong wol i lukim wanwan dei.

Dispela lotu i stat las wik na bai pinis long Jun 24. Planti tausen manmeri i pulap olgeta nait long dispela lotu bung long harim toktok bilong pasto ya.

Long Sande nait bikpela pawa blek aut i kamap tasol nogat wanpela manmeri i kisim bagarap long dispela taim.

Planti pipel bilong kainkain sios i pulap long dispela bung long harim wanem toktok pasto i mekim.

Dispela bung em ol i kolim Acts 2000.

•Pawa blekaut insait long siti bilong Pot Mosbi na narapela hap long Sentrel provins bai kamap moa long ol wik i kam.

Dispela blekaut i wok long kamap bikos ol mesin bilong kamapim pawa i lapun pinis na planti i wok long bruk daun.

Ekting Sif Eksekyutiv Joe Bariamu i tok ol bisnis manmeri i mas lukaut. Em i no tingting bilong

OL HAPHAP NIUS LOGO

Elcom long kamapim ol dispela blek aut tasol em yet i kamap.

Em i tok las wik blek i kamap bikos bikos wanpela jenereta long Moitaka bruk daun.

Em i tok tingting bilong kisim nupela pat bilong ol mesin i stap tasol i hat bikos Elcom i no mekim wanpela mani na inap yusim ol dispela bilong baim pat.

• Planti haus sik na helt senta i kisim taim bihain long gavman i no helpim wanaim mani.

Planti wok mamneri bilong ol sios ronim haus i save kisim pe bilong ol long gavman na tu narapela samting olsem marasin tasol nau yet planti mani bilong sios gavman inap givim bilong ol i ronim ol haus sik insait long kantri i no go stret long ol na planti manmeri i kisim taim.

Dispela hevi i save mekim na planti mameri i no kisim helt sevis olsem ol inap kisim bikos ol provinsel na gavman opisal i no givim aut o holim pasim yet.

I mas i gat sampela lo bilong lukluk long dispela kain hevi na mani i mas go stret long hap we ol pipel inap kisim sevis."

• Plisiman i mas tokaut klia na hariap husat i sutim



Wina bilong painim bal resis • Dispela yangpela man i wina bilong Painim Bal Resis Wantok Niuspela i ronim. Dapsy Y Mingka bilong 3 Mile, Lae siti i bin winim K300. Mista Dapsy i bin kam raun long Pot Mosbi wantaim dispela win mani bilong em. Em i sanap hia long nius rum wantaim Edita bilong Wantok Yakam Kelo, ripota Hilda Wayne na Peku Pilimbo. Em bin lukim raun insait long ples bilong wok. Ol wokman i soim em rot niuspepa i save kamap. Em i tok olsem em save ritim Wantok Niuspepa bikos papa bilong em i lainim em. Long haus bilong em i gat planti Wantok Niuspepa i pulap na olgeta taim em save baim wantok tasol. Foto: Ivan Bayagau.

ol dispela tripela sumatin wantaim wanpela ausait man long protes tupela wik i go pinis.

Dispela bai hariapim wok painim aut long dispela biru.

Korona Minty Mae i tok ol plisman yet i no laik painim na tokaut long husat sutim ol sumatin olsem na ol i givim kes long korona na dispela inap kisim longpela taim.

Em i tok opis bilong em i save traim painim aut bilong wanem man i dai na

i no bilong painim aut husat kilim man. Dispela em wok, bilong plis na ol i mas kam aut na toksave long publik husat sutim ol sumatin.

•Praitetaisesen siaman Ben Micah i tok ol i rong na i no lukluk long dinau sait we PNGBC na narapela gavman bisnis i gat na ol bai lukluk long dispela samting long ol wik i kam.

Taim ol i laik salim PNGBC long pravitet bismanmeri, ol manmeri wantaim dinau long beng i kom-

plen na wanpeal man i winim moa long wan milien kina long wanpela kot kes i no long taim go pinis. Kot i tok dinau bilong olgeta bisnis bilong gavman i kam aninit long Praitetaisesen Komisn na ol i mas bekim.

Mista Micah i tok kabinet sindaun long Julai 23 bai lukluk long dispela na painim sampela rot bilong stretim dinau ol man na kampani gat.

•Tokpait namel long PNGBC menesmen na ol

Nesanel Staf Asosiesen (NSA) i go het yet. Ol wok manmeri i laik stap wok na menesmen i no klia wanem as. NSA i tok menesmen i brukim wanpela MOU tupela wik i go pinis.

Menesmen i laikim ol wok man long pasim tok gut wantaim ol bikos sapos ol i no mekim olsem PNGBC bai i no moa operet bikos dispela hevi inap kisim K100 milien na PNGBC nogat dispela kain mani bilong stap long bisnis yet.

Plis sekim yet dai bilong Fiji Red Cross opisa

Suva, Fiji: Wanpela plis seif long Fiji i tok las wik olsem plis i wok long toktok yet wantaim tupela pren na tripela yangpela boi long dai bilong Fiji Red Cross Dairekta John Scott na pren bilong em Gregory Scrivener.

Ol lain husat i bin kilim tupela man i bin bagarapim bodi bilong tupela nogut tru.

Plis Komisina Isikia Savua i tok Mista Scott husat i gat 53 krismas em plis i bin go na sekim haus bilong em bipo na ol i bin painim sampela mekesin nogut i bin stap.

Mista Scott na Mista Scrivener em tupela i save stap olsem marit manmeri long 22 yia olgeta na ol i bin brukim haus bilong tupela na go insait long betrum na katim nek bilong tupela taim tupela i bin silip i stap long Sande morning. Tupela i bin putim sem klos tupela i bin putim i go long wanpela pati long Fraide.

Plis i no mekim wanpela ares yet tasol ol i wok long askim tupela pren bilong tupela man we wanpela bilong tupela em wanpela foma plis man.

Tripela yangpela boi husat i bin stap wantaim tupela man long Sarere apinun taim ol i bin go raun wantaim tupela long wanpela muvi em plis i askim ol i stap tu.

Planti i bilip olsem dai bilong tupela waitman long Fiji i no bikos long ol politiks long ailan kantri we George Speight i talk senism gav-

man las yia tasol ol i bilip olsem ol i kilim tupela long pasin bilong tupela i stap olsem marit lain.

Mista Savua i tok olgeta lain i save olsem Mista Scott i wanpela gei o man husat i save gat laik long silip wantaim man tasol, na em i tok bipo ol i bin lukim kain dai bilong ol man long Fiji husat i gat dispela kain gei pasin.

Plis ripot long haus sik i tok olsem tupela man i dai long mak bilong naif long bodi bilong tupela na het bilong tupela i hangamap i stap long wanem nek i bruk.

Mista Scrivener rait han bilong em ol i katim i go na wanpela pinga bilong Mista Scott ol i katim.

Sampela i tok ol i kilim tupela long wanem tupela i save stap olsem man na meri na ol i belhat nogut tru long dispela pasin bilong tupela.

Tasol susa bilong Mista Scrivener Janice Giles i tok ol i kilim brata bilong em long ol pasin politiks bilong ol long Fiji yet.

Ol komyuniti long Fiji i sori nogut tru long tupela long wanem pasin bilong tupela long helpim ol narapela i gutpela tru na planti i askim bilong wanem ol i kilim tupela gutpela man.

I gat planti toktok i stap long dai bilong tupela man na ol plis long Fiji i wok yet long kamap wantaim sampela nem na holimpas ol man husat i bin bagarapim tupela man.

Wok painimaut bai i go yet.



• Mista Scott (namel) i putim Red Cross mak na i mekim wok long kamapim gutpela sindaun long taim George Speight i bin holim pas palamen haus long Suva las yia.

Piksa i kam long Weekend Australian niuspepa

Planti meri i no wanbel long werim sotpela sket

PLANTI meri long Nu Silan i no bin wanbel long wanpela singaut i bin kam long olgeta meri i mas putim sotpela sket las wik long soim sapot bilong ol long ol meri i ken putim wanem kain klos ol i laikim.

Planti i bin kolim dispela de bilong protes Christine Rankin Day bihaim nem bilong seif eksekutiv opisa bilong

welfe ejensi Dipatmen ov Wok na Inkam husat kontrak bilong em i bin pinis long las wik Fonde.

Mis Rankin i kisim Nu Silan gavman i go long kot long wanem em i tok ol i bin rausim em long wok long wanem em i save putim ol sotpela sket tru na putim ol bikpela iau ring i go long wok ples. Em i askim gavman long kompensesen long mak long \$NZ 818,000 na i askim ol long givim wok bilong em bek gen long em.

Planti toksave i go long olgeta meri long kantri long soim sapot long Mis Rankin na ol i mas putim sotpela sket i go long wok tasol planti moa i no laik mekim olsem long wanem ol les.

Wanpela kamapani long Wellington i tok olsem long las wik planti meri tru i no bin putim sotpela sket long soim sapot bilong ol long Mis Rankin.

Sampela narapela i givim ripot olsem planti meri long NZ i no save putim sotpela sket na sapos sampela i gat dispela kain klos bai ol i no save putim long pablik ples long wanem ol i save sem nogut tru long soim lek bilong ol.

Oposisen lida Jenny Shipley husat i bin pes meri Prait Minista bilong Nu Silan na nau em i lida bilong Oposisen i wanpela bilong ol dispela meri husat i soim sapot na putim sotpela sket na bikpela iau ring las wik.

"Mi rispektim Christine Rankin na rait bilong em long putim wanem kain klos em i laik na mi putim dispela kain klos tude long soim sapot olsem mi gat rait tu long putim wanem kain klos mi laik putim.

Ol wok lain long opis bilong meri Prait Minista Helen Clark i tok em i no joinim dispela protes na i putim longpela trausis na

yunifom set bilong em i go long wok.


Long Nu Silan ol meri i save mekim planti samting ol man i save mekim long ol narapela kantri long sait bilong politiks na long wok.

Long emploimen kot hetman bilong Dipatmen bilong Prait Minista na Kabinet, Mark Prebble, i tokim kot olsem em i save pilim sem na les tru long kain klos Mis Rankin i save putim.

Mista Prebble i tok taim em i save sindaun long sait bilong Mis Rankin em i save lukim ol planti hap susu bilong em na lek bilong em i save stap nating na em i save pilim sem long pasin meri i save mekim.

Em i tok long las wik Trinde wanpela man long narapela kantri i bin kam long mekim wanpela wok tasol em i tingting gut taim em i lukluk i go na lukim lek bilong Mis Rankin i stap nating.

Gut taim bilong Masta na Misis Kohl



• Meri antap nem bilong em Hanelore Kohl na em i gat 68 krismas. Hia em i stap wantaim man bilong em Dokta Helmut Kohl husat i bin sensela na lida man bilong Jemeni long 16 yia olgeta inap em i bin lus long 1998. Long Jemeni sensela i mak wankain olsem Prait Minista o presiden bilong wanpela kantri. Misis Kohl i bin dai long wanpela sik nogut las wik. Foto i kam long Weekend Australian niuspepa.

MISIS Kohl i bin kisim wanpela narakain sik we em i no inap stap long lait o lukim san. Taim em i go arasait na lukim san bai sik bilong em i givim bikpela pen tru long bodi bilong em. Las wik tasol Misis Kohl i bin kisim laip bilong em yet long wanem em i les long ol pen sik i wok long givim em.

Em i bin kisim dispela sik 15 mun olgeta. Long

mun Me long dispela yia yangpela pikinini man bilong em i bin marit tasol em i no bin go lukim long wanem em i kisim planti pen long bodi.

Sampela toktok i kam long opis bilong man bilong em Dokta Kohl i tokaut klia olsem pen long bodi bilong Misis Kohl i wok long go bikpela tru long dispela yia na em i les pinis.

Misis Kohl i raitim sampela pas i go long man bilong em, tupela pikinini man na ol pren bilong em na em i tok gudbai long ol bipo long em i pinisim laip bilong em yet an dai long Jemeni las wik.

Tupela manmeri i bin marit long 1960 na man i kamap bikman bilong Jemeni na tupela stap wantaim inap Misis Kohl i dai.

• Long lephan em Mis Jenny Shipley, bipo Prait Minista bilong Nu Silan husat i Oposisen lida nau i putim sotpela siket long soim sapot bilong em long Mis Rankin long raitan.



Dokta sekim sik na wari bilong ol animol Australia na Is Timor pasim bisnis

LIZ Hinde wanpela nes bilong ol animol i tok olsem ol lain husat i gat ol animol ol i save lukautim i ken toktok wantaim ol animol long wanem kain pen ol animol i save kisim long bodi bilong ol.

Meri ya i no save yusim marasin olgeta taim long givim ol animol husat i gat sik, tasol em i save gat sampela kain pawa long helpim ol taim em i save yusim ol marasin bilong tumbuna. Klinik we em i save wok long em i narakain olgeta long wanem i no gat kain klinik olsem long Australia.

"Ol animol i gat planti samting long toktok long wol bilong ol yet na ol i olsem pikinini husat i save senisim pasin o belhevi taim papamama bilong ol i no mekim gutpela pasin long ol," Mis Hinde i tok.

Em i tok planti we i stap tasol we bilong yusim planti enegi long givim helpim long ol animol o gutpela moa.

Mis Hinde i save wok long East Fremantle Veterinary klinik bilong Clare Middle na long dispela klinik ol i save givim kain tritmen long stretim tingting bilong ol animol, ol i save yusim ol marasin i kam long ol plens na ol flaua na planti moa we.

Bosmeri bilong klinik Dokta Middle i tok pes samting ol wok



• Clare Middle, lephan, na Liz Hinde i mekim wok long pusiket nem bilong em Roger long klinik bilong ol animol long Perth.

lain bilong em i save mekim em long givim ol animol ol marasin tru tasol ol i ken traim ol we bilong ol yet sapos em bai i stretim sik bilong ol animol.

Em i tok ol neseral marasin i wok long mekim ol gutpela wok moa long ol marsin bilong bipo na em i sapotim wok bilong Mis Hinde.

"Planti papamama i wok long givim ol neseral marasin long ol pikinini bilong ol olsem na ol i bai mekim wankain long ol animol

bilong ol," Dokta Middle i tok. Em i tok sampela taim ol papa bilong ol animol i save kisim marasin tu long klinik bilong em long wankain sik ol animol bilong ol i kam long stapim.

Dokta Middle i tok planti we ol i save traim long yusim long traim long stapim sik long ol animol tasol em i no min olsem olgeta we i gutpela na ol i save traim nating nating. Em i tok ol i save tingting na stadi gut pastaim bipo long ol traim ol nupela we.



• Foren Minista bilong Australia Alexander Downer na Xanana Gusmao i sainim wanpela pepa long Dili. Pikinini bilong Gusmao Alexandre Sword i sindaun na lukluk i stap

Is Timor, Dili:

Planti toktok tru i wok long kamap long wanpela dil we bai i lukim Australia na Is Timor i skelim ol ekonomik benefit we bai i kam long tupela long ol wok long maining insait long Is Timor. Dispela dil bai givim nupela kantri Ripablik ov Is Timor sampela benefit long helpim ekonomi bilong em. Benefit i mak long \$7 bilien o moa stat long nau i go 20 yia.

Planti i no laikim dispela dil na ol i tok Australia tasol bai i kisim planti benefit moa.

Man husat i wok long pait long Is Timor mas kisim independens Xanana Gusmao i bin tingting planti long dispela samting na wok bung namel long tupela kantri i wok long

go kol long sampela mun i go pinis.

Long taim bilong sainim dispela dil long Dili las wik Mista Gusmao i no laikim ol wok lain bilong Australia i harim olgeta toktok em i mekim wantaim ol man bilong em na planti toktok i kamap long ol i mas senisim ol kontrak bipo long Gusmao i sainim.

Is Timor i gat planti gutpela maining samting i stap na em i bai kamap nupela kantri klostu na Australia i wok long stretim ol toktok long mekim ol wok namel long Indonesia na Is Timor na em yet i go gut.

Ol pipel bilong Is Timor i bin vot long kisim independens long Indonesia long 1999 na taim olgeta samting i go stret long ol sait bilong ol bai ol i kolim ol yet Republik ov Is Timor.

Kot salim Souths long go bek pilai ragbi lig



• Ol sapota bilong South Sydney ragbi lig klub i amamas nogut tru long wanpela disisen kot i mekim long klub i ken joinim ken NRL na pilai.

SOUTH Sydney bai go bek na pilai long NRL ragbi lig resis bihain long Federal Kot long Australia i bin painimaut olsem Nius Limited, NRL na Australian Ragbi Lig i bin rong long sotim 22 klub i go 14 long NRL dispela yia we i lukim ol i rausim South Sydney.

Ol wok painimaut bilong ol loya i soim olsem i tru ol dispela lain i brukim lo long rausim klub.

Ol menesa bilong South Sydney i no wet

tasol ol i bin kisim dispela disisen long rausim klub i go long kot na ol i wok long pait long dispela samting long kot inap 18 mun olgeta i kam inap nau.

Planti ol sapota long South Sydney i amamas nogut tru long disisen kot i bin mekim long wanem ol i bin wet longpela taim tru long lukim klub bilong ol i mas go bek long NRL na pilai.

Planti sapota i tok ol i no save lukim NRL gem taim ol i bin rausim tim

bilong ol na dispela disisen em ol i wet longpela taim na ol i amamas tru.

Tripela jas i bin vot long mekim disisen na tupela i tok yes na wanpela nogat olsem na South Sydney i winim kot.

Souths bai kamapim wanpela miting wantaim NRL neks wik long givim bisnis plen bilong ol long ol i ken go bek.

Long 2002 NRL kompetisen i luk olsem bai namba bilong ol ragbi klub i go antap long 15.

Williams i winim gen taitel

Dispela meri nem bilong em Venus Williams na em i bilong Amerika. Em i gat planti strong na i save pilai tenis gut tru.


Long wanpela bikpela tenis gem ol i kolim Wimbledon planti ol sempien pilai long olgeta hap long wol i save kam bung na traim stail bilong ol na winim traipela mani prais tru.

Williams i bin winim dispela taitel long las yia na em i pilai gen long difenim nem bilong em gen.

Em i pilaim Justine Henin bilong Begium husat i no bin gat planti ekspiriens long pilai tenis long ol bikpela bung we i save bung ol bikpela plea long wol na Williams i winim em.

Williams i tok em i amamas tru long pilai i kam long dispela mak na winim gem bilong egensim Justine.

Em i tok em i save les long go bek long Amerika taim em i no save winim wanpela samting olsem na em i pilai strong tru long kamap namba wan long ol meri long wol na winim prais.



Ol piksa i kam long Weekend Australian niuspapa

LAI PSTAIL

Gutpela na nogut sait bilong PMV sevis

PEKU PILIMBO i raitim

PLANTI manmeri long kantri nogat ka na ol i save kisim PMB bas long mekim wok bilong ol. Sevis bilong bas i gutpela na nogut long sait bilong em yet. Ol manmeri husat kisim PMV olgeta moning long go wok bai tok PMV sevis em i nogut tasol ol i mas luksave olsem sapos ol dispela bas i no ron bai ol i painim hat taim stret. Ol papa bilong bas tu i kisim taim long ronim PMV wanwan de.

Ol papa bilong bisnis i laik mekim profit na ol manmeri i laik go wok. Tupela sait wantaim i mekim na ol samting i wok wantaim.

Helpim bilong PMV

Insait long kantri, olgeta manmeri i save wet tasol long PMV. Wanwan manmeri i gat gat i save draiv i go mekim wok bilong ol

tasol planti i nogat ka na save lukluk long PMV olsem wanpela rot bilong ol i ekn go mekim wok bilong ol.

Long ol distrik i kam long taun, ol manmeri i save wetim bas o daina trak bilong kam. Taim PMV nogat ol manmeri i save painim hat taim na i no save mekim wok bilong ol. Ol manmeri long taun tu i save yusim PMV bas olsem rot bilong stap long wanpela kona bilong taun na go kamap long narapela hap long mekim wanem bisnis ol i gat. Papa bilong bas i save sasim mani na dispela mani em i save yusim bilong stretim ka, baim nupela pat, peim draiva na boskru na kisim liklik hap tru olsem win mani.

Sapos i nogat PMV, ating planti man i no inap muv raun. Ating planti inap taitim bun long wokabaut raun, tuhat wantaim long bikpela san o ren. Tasol PMV i save givim bikpela helpim stret.

Papa bilong PMV

Tingting bilong papa bilong bas em long mekim sampela win moni. Tasol nau prais bilong olgeta samting i go antapp na ol manmeri i no save peim bas fi bilong ol gut. Yumi no inap sutim tok long wanpela sait. I no ol pasindia i asua. I no ol papa bilong bas o dainatrak i asua. Sapos prais bilong olgeta samting i go antap, moabeta sapos prais bilong bas fi tu i mas go antap.

Tasol planti hap ol manmeri i no laikim dispela. Ol i laik peim wankain prais olsem bipo. Ol papa bilong bas i save painim hat long ronim ol bas. Planti man i save lusim bikos ol i save olsem i nogat wanpela win mani i stap insait long dispela kain bisnis we yu lusim mani olgeta taim na nogat wanpela bekim.

Planti bisnis man long sait bilong givim pablik trenspot sevis i les o lusim nabaut. Insait long siti olsem Pot Mosbi, i

nogat wanpela man i baim nupela PMV bas bilong ronim. Olgeta bas we i ron nau i stap i olpela bas tasol. Prais bilong ka long olgeta moto kampani insait long kantri i go antap tru. Sapos yu go askim prais bilong wanpela nupela Toyota kosta bas long Ela Motors, prais bilong em i stap nau long K120,000. Dispela em bikpela mani tru. Taim yu laik traim bekim dispela mani long beng lon, ating em bai kisim longpela taim stret long yu bekim dispela kain mani. Planti man i les long kisim faiv o ten yia long bekim dispela kain mani bilong beng na ol fainens kampani. Taim ol lukluk long rot bilong kisim PMV fi, ol i save olsem mani ol pasindia i peim i no nap long bekim dispela dinau.

Planti papa bilong bas i save ol bas tasol husat narapela man bai i baim. Olgeta i save long hevi bilong ronim dispela kain bisnis. Ol i les long westim mani nating na

ol papa bilong bas bai mekim wanem, ol i tok em orait. Yumi ronim displa olpela bas i go na wanem taim em i bruk daun olgeta bai yumi lusim. Dispela kain tingting i stap na ol i wok long ronim ol dispela bisnis i stap.

Bas sevis inap stop

Olgeta PMV sevis i wok long kamap olpela na i no gutpela moa. Wanwan ka we papa bilong ol i lukautim gut tasol i save stap gut. Nau yet ol bas sevis insait long Pot Mosbi na narapela senta olsem Hagen, Lae, Goroka, Madang, Mendi na arapela hap senta i wankain tasol. Ol bas o ka we i wok long ron nau i lapun pinis. Planti sit bilong ol bas i bruk daun pinis na i doti nogut tru. Dua, glas na sit kapa i bruk nabaut. Ol bas boskru i save taitim displa wantaim rop waiya na plastik nabaut long mekim isi bai ol manmeri i ken sindaun na ol i ken kisim sampela liklik bas fi.

Planti bas we inap stap long woksop i stap nau long ples. Ol dispela bas inap kisim sevis sapos papa bilong bas i gat inap mani tasol nau yet nogat.

Sapos dispela ol wanwan bas we i ron nau i bruk daun na hat long fiksik, ating ol manmeri bai nogat PMV sevis moa. Husat manmeri yu save raun PMV i wok wanwan de bai yu kisim taim stret.

Insait long siti, PMV bas fi mak i stap long 50t tasol planti manmeri i wok long peim 30t o 40t. Dispela mani taim ol i bungim i save liklik tumas. Prais bilong fiul i go antap tru tasol fi bilong bas i no go antap. Dispela i mekim na wanwan de ol PMV bas (bikpela) i save yusim K80 o K90 long baim fiul tasol. Tasol yu lukim smok buai bilong ol bas boskru, lans bilong ol, mani i save pinis nating na ol papa bilong bas bai kisim wanem? Mani bilong baim nupela spea pat bai kam long we? Mani bilong peim bas draiva bai kam long we? Win mani bilong papa bilong bas bai kam long wanem rot?

Long Pot Mosbi, ol manmeri i save pulim lain na resis olgeta moning long kalap long ol bas. Long ples olsem Gerehu, Waigani, 4 Mail, 7 Mail, Erima, Gordons na Tokarara bai yu lukim ol manmeri i ras tru long kalap long bas. Husat i strong i

save kalap long bas na husat i no fit i stap inap san i kam antap. Ating dispela hevi bilong bas i no inap stap sapos yu peim bas fi gut na man husat givim sevis i go pinisim olgeta rot bilong em.

Ol pasindia

Bikpela tingting bilong ol pasindia i bilong go kamap long wanem hap ples ol i laik i go. Sampela i laik go long opis o arapela ples bilong wok. Sampela i laik go long haus sik. Sampela i laik go lukim wantok o pilai graun. Kainkain man i gat kain risen bilong olv long kisim PMV.

Bikpela tingting bilong ol em long go kamap long ples ol i tingting long go long em. Planti taim ol bas nau i wok long tanim namel long rot. Ol i no pinisim ol rot i mas go long en. Ol i tanim tasol long hap rot na givim siksti i kam bek.

Planti bas boskru nau i wok long tok "4 Mail 4 Mail" o Kokil Kokil tasol na taim ol i kamap long dispela ol ples, ol i save tanim na kam bek long sem rot gen. Ol manmeri husat i laik go longwe liklik i mas kam daun na wetim gen narapela bas i ken kam. Dispela hevi i mekim planti manmeri go let long wok. Ol i save westim taim na mani wantaim. Sampela i save tok ol bas i no inap kisim mipela i go stret long ples bilong wok. Dispela tingting i mekim na ol i no save peim 50t stret. Ol i holim bek 20t o 10 bilong kisim narapela bas gen. Ol i les long westim 50t olgeta na gen rausim narapela 50t gen.

Sapos ol PMV bas i pinisim olgeta rot em bai go, ating bas inap mekim sampela mani. Pasindia husat kalap long bas inap kisim gutpela sevis na bas inap lusim em long wanem hap kona em i laik go daun.

Olpela ekting siti menesa Jamie Maxthone-Graham i bin tok olsem Nesenel Kapitel Distrik Komisn bai ronim PMV sevis. Ating dispela tingting inap wok gut tasol olsem wanem long sait bilong kisim mani. Olgeta manmeri bai kisim mani olsem wanem? Ol wanwan papa bilong PMV bas nau bai larim NCD i ronim? Dispela tingting i gutpela tasol em bai hat long kantri.

-Ol manmeri i mas traim bes long peim gut. Ol plisman i mas luk-

save olsem husat man i laik go wok i mas kalap long ka gut na ol mas go daun stret long wanem kona em laik go daun. Noken larim ol bas boskru i rausim ol pasindia nating long hap rot nabaut.

Sapos yu pasindia husat peim bas gut na ol i laik rausim yu i go daun long hap rot, yu mas komplem long plisman hariap tasol ol plisman i no save helpim ol manmeri wantaim dispela kain hevi.

Pasindia na PMV i helpim arapela

Sapos pasindia nogat, PMV bas i nogat mani. Sapos PMV nogat, pasindia bai yu kisim taim stret. I moa gutpela sapos tupela grup wantaim i kamap long wanpela tingting. Tupela grup wantaim i mas luksave olsem narapela i stap na olgeta samting i go orait.

Sapos yu manmeri i kalap, givim 50t stret olsem fi bilong yu. Sapos wanpela man o meri tasol i sindaun long bas, noken rausim em long ka. Larim em i stap na go dropim em long wanem hap kona em i laik go. Noken tok: 'mipela tanim long hia na yu go daun.'


Wok bung wantaim

Tupela grup wantaim mas tingting long hevi na gutpela sait. Nogut wanpela sait i kros na narapela sait i kisim bagarap.

Sapos yumi lusim hevi long wansait tasol, ating planti-samting i no inap kamap gut. Noken ol manmeri ting olsem PMV bas em bilong narapela. Em ka bilong pablik. Yu husat laik yusim ol dispela sevis i mas helpim ol papa bilong bas na larim ol i ken mekim wok bilong givim gutpela sevis long yu.


Bai moa gutpela sapos yumi salim ol 50t tiket bilong bas long wanpela kona. Larim ol manmeri i kam na baim ol dispela tiket. Bihain ol papa bilong bas i ken go na salim bas tiket long husat man bungim tiket na ol i ken kisim mani bilong bas long hap. Dispela kain, ating ol bas bai kisim gutpela mani. Na tokim bas olsem em mas pinisim rot ol i makim. Noken kapsaitim ol manmeri long hap. Nau yet em yu brukim lo tasol ol plisman i no mekim wok bilong ol gut olsem na yu i go fri.

Wok bung na olgeta samting bai orait tasol.



HITS & MEMORIES

FM 100.3



The Station with

the best music mix!

"SOUNDS BEAUTIFUL ONE DAY, PERFECT THE NEXT"

Mekere i bin wanbel bipo long rausim poka

...Nau em
i tok gen

YAKAM KELO i raitim



ONG Julai Palamen kibung las yia, memba bilong Mosbi Saut Ledi Carol Kidu i bin bikmaus long Gavman i mas hariap na rausim poka masin insait long Mosbi siti na olgeta taun insait long Papua Niugini. Ledi Kidu i tokaut klia na stret tru long planti bikpela hevl na bagarap we dispela masin i kamapim long laip na sindaun bilong planti manmeri na famili long siti.

Dispela toktok o singaut bilong Ledi Carol Kidu em olgeta lida bilong Palamen i harim na ol i tok yesa long dispela tingting bilong bikmeri ya.

Praim Minista bilong Papua Niugini Sir Mekere Morauta yet i sindaun na harim na tokaut olsem em i tru, poka masin em wanpela sin o pekato pasin bilong pulim mani long kantri. Olsem na em bai makim wanpela komiti bilong mekim plen na kamapim rot bilong rausim poka masin insait long kantri.

Aninit em nius we Wantok i bin raitim long ol toktok Ledi Carol Kidu i bin-mekim long Palamen haus long Julai las yia.

Ledi Carol Kidu i tokim Palamen las yia

Wok painimaut i soim olsem Gavman i mas rausim poka masin long kantri, memba bilong Mosbi Saut Ledi Carol Kidu i tokim palamen long Julai las yia.

Ledi Kidu i tok em i kamapim wanpela wok painimaut we i soim olsem planti lain i save pilai poka masin i laikim dispela masin i mas stop.

Em i askim Gavman tu long i no ken sanapim ATM masin bilong kisim mani insait long ol klap na ples bilong pilai poka masin. Dispela em wanpela bikpela hevi we ol manmeri i save lusim mani long pilai na yusim kat long kisim mani gen na pilai yet. Na olgeta mani i save pinis.

Ledi Kidu i tok poka masin i kamapim planti hevi long sindaun bilong famili na komyuniti na planti hevi na trabel i kamap pinis. Olsem na Gavman i mas skelim na stapim dispela masin.

Praim Minista Sir Mekere Morauta i tokaut olsem gutpela wok painimaut bilong Ledi Kidu i kamapim tru ol bagarap na nogut bilong dispela samting.

Sir Mekere i sapotim toktok olsem dispela masin i no helpim ol manmeri na i no kamapim wanpela gutpela samting long kantri.

Em i tok bai Gavman i sindaun na glasim ol toktok na kamap wantaim wanpela komiti bilong lukluk insait long dispela hevi na stapim poka masin sapos ol i ken.

Nau em i laik yusim ol mani poka masin i save pulim long kamapim ol kos na program bilong helpim tingting bilong ol manmeri husat i save pilai dispela gem olgeta taim long ol i ken stat lusim.

Em i sapotim na tok bai gavman i wok strong insait long dispela toktok bilong Ledi Carol Kidu.

Nau Praim Minista laik rausim poka masin

(Wantok ripot long mun Mei)

Gavman i sanap strong nau long rausim poka masin insait long Papua Niugini bihainim toksave bilong Praim Minista Sir Mekere Morauta long Hagen tupela mun i go plinis taim NEC i go holim bung long hap.

Long karimaut dispela wok bilong rausim poka masin, Praim Minista i tokaut olsem em bai makim wanpela-liklik komiti grup bilong kamap wantaim ol rot bilong pasim ol dispela masin.

I gat bikpela bisnis insait long dispela wok we Papua Niugini lain yet i go pas long en na tu i ken kamapim planti wok, Sir Mekere i tok.

Mi laik toksave long ol investa na ol papa bilong poka bisnis olsem taim ol i pasim poka masin bai liklik hevi tasol ol i ken kisim long bisnis na sit bilong wok. Bikpela samting em long makim rait taim we ol bisnis ya i ken redim ol yet gut pastaim long Gavman i pasim dispela bisnis, Sir Mekere i tokaut.

Ol non gavman grup (NGO), sios na welfea grup olgeta i amamas na welkam long dispela disisen bilong Praim Minista.

Mausman bilong Karitas PNG (Katolik Sios) Bruda Graeme Frawley i tok taim poka masin i bin kamap long 1995 em i as bilong planti manmeri i sot long mani na kaikai, famili na wanwan manmeri i bungim hat laip.

Dispela kain pilai i kamap olsem posin na i save bagarapim ol manmeri husat i save pilaim. Dispela gem i save bagarapim ol manmeri long kisim ol gutpela samting ol i sot long en olsem kaikai na kolos na i ken mekim mani i kamap kalabus long pilaim em.

Bai i gutpela tru long luksave long husat memba bilong palamen inap sanap strong long sapotim Praim Minista long rausim poka masin, Bruda Frawley i tok.

Ol mama grup long Goroka tu i sapotim disisen bilong Praim Minista long rausim poka masin na ol i askim em long hariap na rausim ol masin ya. Ol meri i tok planti lain i save tromoi olgeta mani ol i wok hat long en long traime winim bikpela mani moa. Tasol taim ol i lus, ol meri pikinini i hangre na planti pasin nogut i kamap we pasin pamuk tu i kamap.

Taim ol meri i bin straik long 1996 long rausim poka masin long dispela taim, Gavana Aita Ivarato i bin egensim bikos poka masin i bin pulim bikpela mani tru i kam long provins.

Seketeri bilong Sosel Welfea

na Developmen (Hom Afeas) Joseph Sukianomb tu i sapotim dispela tingting bilong rausim poka masin long PNG. Mista Sukianomb i tok long lukluk bilong dipatmen bilong em, poka masin i as bilong planti pikinini i sot long skul fi na famili i bruk: Bikpela wari bilong dipatmen em long ol mama na ol pikinini, Mista Sukianomb i tokaut.

Mista Sukianomb i tko dipatmen i sanap wantaim tingting bilong ol mama, ol NGO na sios grup. Em i tok ol manmeri i save laikim long ron bihainim lek bilong renbo na ol i piiim nais tru long bihainim yet.

Tasol lida bilong Edvens PNG Patl (APP) Bonny Igime i askim Praim Minista long wanem as tru na em i no laik rausim poka masin long 1999 taim em i kisim gavman we long dispela taim planti toktok kros i bin kamap long poka masin?

Em (Sir Mekere) i no bin harim na rausim ol poka masin bikos mani bilong poka masin bai i go long lukautim ol memba long strongim namba bilong em long gavman long dispela taim i kam, Mista Igime i tok.

Ol pipel bilong dispela kantri i mas save olsem ol palamen

memba yet i save kisim dispela blut mani we ol mama i save kisim pes solap, ol pikinini i save hangre, nogat skul fi na planti famili i bruk bikos mani i go long poka masin we ol lida i kisim, em i tok.

Papua Niugini Tred Yunion Kongres (PNGTUC) i tokaut olsem dispela disisen bilong Praim Minista long rausim poka masin em politiks gris tasol bilong PDM long yusim long winim ilek-sen long 2002.

Vais Presiden bilong PNGTUC Andrew Kandakasi i tok Praim Minista i mas tokaut stret wanem as na em i no laik stapim poka masin long namba wan taim ol i oraitim poka masin insait long kantri. Nau ol hevi i kamap pinis long laip na sindaun bilong ol pipel na ol i laik rausim nau.

Memba bilong Makam Andrew Baing i tok sampela memba bilong palamen i stap nau long wok painimaut bilong Ombudsmen Komisn long mani bilong poka masin. Olsem na em bai i no stret yet long pasim poka masin nau.

Pipel i sapot long rausim poka masin

Long las wiken ol manmeri i makim wanwan komyuniti grup na wok i bin bung long tokaut na autim ol tingting bilong ol long dispela hevi bilong poka masin insait long kantri. Na planti i sapot tru long gavman i mas rausim poka masin long kantri.

Olgeta dispela tingting em seketeri bilong Hom Afeas na Welfea Sevis Joseph Sukuianomb i tokaut long komiti bilong em bai bungim na kamapim wanpela ripot bilong givim i go long kabinet long skelim na toktok long en long rausim o lusim poka masin i stap long kantri.

Planti manmeri i tok poka masin em i nogut na i bagarap gutpela laip na sindaun bilong ol manmeri na ol famili. Olsem na yumi lukluk, wanem taim bai gavman i rausim poka masin. Gavman i mas sut stret long hevi bilong pipel na mekim eksem bilong em. Na em i noken pilim na tanim tanim na skelim skelim bikos 2002 nesenele iesken i kamap klostu long neks yia. Dispela kain pasin na tingting em gavman i mas lusim na mekim eksem stret bihainim laik na hevi bilong pipel.

89.9 93 96 98 100



**Yumi sanap
strong long
tok ples bilong
yumi yet!**

Laikim yu nating tru!

Yumi FM your community service station

PNG FM LTD Trading as NAU FM, YUMI FM & TOTAL EVENT MARKETING
P.O. Box 774, Port Moresby Papua New Guinea
Ph: (675) 320 1996 Fax: (675) 320 1995 <http://www.naufm.com.pg>

Robit statim kau projek wantaim K200

YAKAM KELO i raitim

I GAT kainkain rot na gutpela tingting bilong mekim ol gutpela samting long laip we yu yet i ken kisim gutpela sevis na helpim long en bihain taim. Planti manmeri i sot long painim gutpela tingting bikos ol yet i no save sindaun gut na glasm o askim na kisim tingting bilong ol arapela svelain o famili bilong ol yet. Olsem na ol i ting graun i sot, nogat mani, nogut bai tingting bilong ol i no wok na planti kain kain salens tingting i daunim tingting na save bilong ol. Dispela em sampela kain hevi we i save stapim ol manmeri long kamapim wok tru we i ken stretim gut sindaun na laip bilong ol bihain.

Planti yangpela i save laikim laip na pasin bilong taun na ol siti. Olsem na ol i laik go long siti na stap wantaim ol kandre susa na kisim ol dispela amamas na sevis we i stap isi na ples klia lorŕ taun. Planti yangpela i pinisim gret 10 na stap long taun wantaim papamama o famili lain bilong ol na i no go bek moa long ples.

Wanpela yangpela man bilong Kabwum long Morobe provins i no kain man olsem. Em i skelim samting i lukim olsem em i gat sampela samting traim mekim long graun bilong em. Olsem na em i bin namba wan man long statim banis kau projek insait long ples bilong em long Waran, long Seko Lokol Level Gavman eria. Yangpela man ya em Robit Kepua.

Robit i nogat bikipela mani o wanpela bikipela pepa na plen bilong mekim dispela kau projek. Em i statim isi tasol wantaim K200 em i gat long poket long 1998. Em i kirapim samting pinis tasol tingting bilong i strong long painim sampela moa samting we i ken opim kau banis bilong em i go bikipela liklik. Olsem na em i askim memba bilong Kabwum Ginson Saonu long liklik helpim wantaim mani. Mista Saonu i givim em K1,000 na em i baim wanpela bul na wanpela meri kau na ol waia na ol samting bilong sanapim gut banis. Distrik


Laivstok opisa Ken Elonaga na famili i helpim Robit tu long sampela samting bilong go het wantaim dispela kau projek. Seko Lokol Level Gavman tu i lukim dispela projek bilong yangpela man ya na ol i amamas na givim sampela helpim tu long em. Olsem na nau em i kamapim pinis 21 kau insait long banis na em i tingting long apim namba bilong kau i go planti long bihain.

Long Jun 28, 2001, ol i opim dispela projek bilong Robit Kepua. Kau projek ya em ol i kolim Makati Cattle Project. Ol bikman bilong Gavman olsem memba bilong Kabwum Ginson Saonu, presiden bilong Seko LLGC Mista Geokta Nakalip, Wod Kaunsila bilong Seko LLGC eria, ol pablik sevans woka bilong Distrik Sevises na Seko LLGC na Provinsel Divisen bilong Agrikalsa na Laivstok i bin kamap long dispela taim long lukim na witnessim opim bilong Makati grup na na ol i tok strong na strongim dispela grup wantaim olarapela liklik fama grup long wok hat long graun bilong ol na kamapim inap bilong salim na mekim mani na bilong ol yet tu long kaikai long ples.

Olgeta bikman ya i amamas long lukim dispela kain projek i kamap long ples bikos em i projek we i kamap stret bihainim laik na tingting bilong man bilong ples na i sut stret long laipstail na sindaun bilong ples. Em i olsem viles projek we i stret tasol long man bilong ples.

Memba bilong Kabwum Mista Saonu i mekim bikipela tok amamas i go long ol lain na memba bilong Makati Cattle Project na i tok dispela em projek tru bilong ol pipel bilong ples. Olsem na ol i mas wok bung wantaim yet na strongim long i ken groa gut na bikipela long bihain taim long sevim ol yet long famili, ol pipel bilong Kabwum na provins tu sapos projek i ken helpim long givim abrus long ol arapela distrik bilong provins na taun tu wantaim.

Em i tokaut olsem dispela projek, Makati Cattle Project i kamap olsem wanpela distrik projet. Olsem na nem bilong em i stap insait nau



• Mista Soanu snap wantaim ol lida bilong Waran ples na ol Makati Ketel projek lida na holim wanpela yangpela bulmakau.

long rot bilong kisim helpim mani taim Join Distrik Plening na Baset Praioriti Komiti i sindaun long brukim mani long ol projek insait long Kabwum distrik long neks yia 2002.

Memba i tokim ol manmeri long noken skelim dispela kau projek olsem wanpela politiks projek na stat mekim kainkain politiks long en. Dispela projek i mas stap fri na ron gut long em yet long wanem laik na tingting na plen ol man bilong ronim projek i ron long en.


Mista Saonu i mekim bikipela tok amamas long Robit Kepua wantaim famili na ol lain bilong em long gutpela wok ol i mekim long mekim dispela projek i kamap olsem nau.

Robit Kepua em piksa bilong ol yangpela manmeri husat i laik raun na stap nabaut long lukim na bihainim Ol yangpela i ken stat

long tingim graun na ol samting ol i gat i stap na stat long kamap wantaim ol plen na tingting bilong ol kain liklik projek olsem. Ol manmeri i no ken ting ol bai sindaun nating na bai Gavman i sori long ol na mekim olgeta wok na stretim olgeta samting i kamap gut long ol i ken kisim na yusim. Ol pipel i mas stat long go pas long sampela wok tu na Gavman i ken kam bihain na helpim ol wantaim ol bikipela sevis we wanem kain liklik projek o wok bilong yumi i ken painim isi long go aut na mekim mani bikos gavman i opim sevis pinis na i opim rot bilong ol wok na projek long kamap gut.

Olgeta opisa na ol lida bilong gavman i bin amamas tru long dispela kau projek na ol i tok long wok bung wantaim long sapatim kau projek ya long neks yia i go.

Ol manmeri na ol lida i kam long olgeta hap bilong Seko Lokol Level Gavman Kaunsil eria long lukim dispela kau projek we ol i opim.



• Memba bilong Kabwum Ginson Soanu wantaim ol opisa bilong em i kamap long Waran long lonsim Makati Ketel projek. (Aninit lephan) Pasto Hongke i lotu na blesim Makati Ketel projek. Aninit: Ol tok ples skul sumatin bilong Waran i welkamim ol opisa wantaim Memba Ginson Soanu.





• Dairekta bilong FORD Inc, Alphonse Pu i skulim ol lain stap long dispela woksop we i bin kamap long Hagen las mun. (Raithan) Tupela sumatin bilong woksop i toktok wantaim okid growa Robert Tun (lephan) long taim ol patispin i lukluk raun long Mt Fatima Okid fam long Banz, WHP.



• Woksop i pinis nau na em i taim bilog kaikai. Benradette Moses na Belinda Pu husat i bin stap insait long dispela woksop i sanap long lain na kisim kaikai bihain long presentesen seremoni long Tribal Tops Lodge long Minz. (Lephan) Tupela yangpela meri ya i welkamim ol bikman ya em Alphonse Pu, Simon Pasingan, Thomas Paka na Merawe Degemba long lukluk raun long Mt Fuka Okid fam long Banz. (Aninit raithan) Alphonse Pu i go pas long ol woksop lain long lukluk raun long wanpela okid fam long Mid-Waghi.

Ol poto: SAPE METTA.



• Wanpela patispin i kisim setifiket bilong em long Nesenel kodinata bilong UNDP Merawe Degemba long Tribal Tops Lodge long Minz.





1035. Boroko, NCD.

Save laikim: kuk, singsing, ritim buk, mekim pani na go lotu.

Nem: Janeth Dar

Krismas: 16 (meri)

Adres: Notre Dame High School, P O Box 169, Mt Hagen, WHP.

Save laikim: pilai volibal, stadi long skul, lukim TV, musik, kalapim maunten na wara.

Nem: Noks Thonny

Krismas: 20 (man)

Adres: San Yang Trading, P O Box 3045, Busu Road, Lae, MP.

Save laikim: go lotu, harim tok bilong God, harim gospel musik, pilai soka na rait i go long narapela provins.

Nem: Damien Rifi

Krismas: 21 (man)

Adres: P O Box 2160, Lae, MP.

Save laikim: tok pilai, mekim fani, serim samting, mekim stadi na go lotu.

Nem: Benny Itai

Krismas: 20 (man)

Adres: P O Box 2733, Boroko, NCD

Save laikim: lainim nupela lotu song, go lotu, raitim pas na mi stap redi tasol long bekim olgeta pas.

Nem: Dennis Ukamia

Krismas: 22 (man)

Adres: Wara Ston SDA sios, P O Box 332, Vanimo, Sandaun Provins.

Save laikim: Singsing lotu, raun wantaim pasto na yut grup na autim gutnius bilong God.

Nem: Eugene Margene

Krismas: 22

Adres: Vanimo CIS, P O Box 124, Vanimo, Sandaun provins.

Save laikim: pilai ol bal gem, serim tingting, harim musik, raitim pas, mekim poren na planti moa. Promis long bekim olgeta pas.

Nem: Joshua David

Krismas: 14 (man)

Adres: Wangbin Community School, P O Box 635, Tabubil, WP.

Save laikim: Ritim niuspepa, raitim pas na senisim poto.

Nem: David K

Krismas: 20 (man)

Adres: P O Box 822, Bagbag Island, Mdang provins.

Save laikim: go lotu, ritim baibel, harim gospel musik, raitim pas long narapela provins na bihain marit.

Nem: Justine Qoreka

Krismas: 16 (man)

Adres: Markham Valley High School, P O Box 879, Lae MP

Save laikim: ron resis na prenim wanpela meri bilong marit bihain.

Nem: mathias Maiks

Krismas: 18 (man)

Adres: Hornbrook NGI, Malaita Street, P O Box 1812, Lae, MP.

Save laikim: wokim gaden, waswas, ritim buk harim gospel musik, raun lukim narapela ples na senisim poto i go i kam.

Nem: Martin S Kelos

Krismas: 19 (man)

Adres: Jaroch Trade Store, P O Box 39312, Kaiapit distrik, Lae MP.

Save laikim: singsing kowaiya, go lotu, wokim gaden, pilai soka na ritim buk.

Nem: Jose Aen

Krismas: 17 (man)

Adres: Mt Tawa, SDA Church, P.O. Box 220, Mendi, SHP.

Save laikim: Pilai soka volibal, basketbal, harim tok bilong Idia, helpim papa na mama, raitim pas long pen pren.

Nem: Gapex N. yanga

Krismas: 22 (man)

Adres: San Yanb Trading, P.O. Box 3045, Lae, Morobe Province.

Save laikim: Go long lotu na harim tok bilong God, harim gospel musik, pilai soka na save amamas na laikim tru long raitim pen pren i go i kam wantaim ol arapela provins manmeri.

Nem: Robin Sakuya

Krismas: 18 (man)

Adres: Mendi Provincial High School, P.O. Box 72, Mendi, SHP.

Save laikim: Go long lotu long SDA, go long skul and wokim stadi, pilai ragbi tas, basketbal na soka, amamas long mekim pren.

Nem: Wan Waka

Krismas: 20 (man)

Adres: Tabubil Engineering, P.O. Box 431, Tabubil, Western Province.

Save laikim: Mekim pen pren na salim presen.

Nem: Pamela Pake

Krismas: 16 (meri)

Adres: Notre Dame High School, P.O. Box 164, WHP, PNG.

Save laikim: Mekim pren, laik risivim pas, laikim intanesenel top ten musik, stading sains na Inglis, laik pilai keybot.

Nem: Noel Kata

Krismas: 16 (man)

Adres: Kapiura Plantation, Bilomi Division II, P.O. Box 451, Kimbe, WNPB.

Save laikim: Pilai soka, basketbal, volibal, watchim EMTV, harim gospel musik, go lotu, ritim ol buks, wokim ol wok. Mi promis long bekim olgeta pas. Na senisim ol presens i go kam wantaim ol poro.

Nem: Gally Niqaut

Krismas: 17 (man)

Adres: Vanimo Provincial High School, P.O. Box 122, Vanimo, Sandaun Province, PNG.

Save laikim: Watchim TV, pilai soka, go long sios.

Nem: Ellis Umba

Krismas: 20 (meri)


Adres: Dauli Teachers College, c/o EL PNG Church, POM Representative P O Box 1035. Boroko, NCD.

Save laikim: Mekim fani, pilai voli bal, sofbal, ritim buk, raitim pas na raun lukim narapela ples.

Nem: Dorothy Torea

Krismas: 23 (meri)

Adres: Adres: Dauli Teachers College, c/o EL PNG Church, POM Representative P O Box



LONG bipo tru i gat wanpela meri wantaim pikinini meri bilong em i stap na long wanpela nait mama bilong yangpela meri ya i askim pikinini bilong em long tupela igo raun long wara na painim rokrok. Em nau yangpela meri i wanbel na redim ol samting samting bilong karim i go long wara.

Mama i askim pikinini long em bai i stap olsem na pikinini meri i mas go askim meri kandre na tupela i ken go. Orait yangpela meri i hariap i go long tokim kandre meri. Tasol long dispela nait, wanpela tewel meri i harim pinis na senisim pes bilong em olsem kandre meri ya i bungim yanpela meri ya long rot. Taim meri ya i tokim em olsem mama i laikim tupela igo na painim rokrok long wara, tewel meri ya i tok orait. Em i giaman go bek long haus na redim ol samting na kam bek bungim yangpela meri ya na mama bilong em. Ol i redim ol mambu bilong laitim bombom na ol bilum bilong pulapim rokrok long em. Nau tupela i stat long wokabaut i go long bikpela wara long painim rokrok.

Taim tupela i kamap long wara, yangpela meri i askim giaman meri ya long tupela i mas bruk na painim rokrok i go. Em i tok long giaman kandre bilong em long go long narapela sait na em bai wokabaut long narapela sait bilong wara na tupela i ken wokabaut bihainim wara i go antap na kisim ol rokrok i go. Tasol tewel anti ya i strong long tupela i mas wokabaut wantaim. Em i strong-olsem na yangpela meri i tok orait long em na tupela i stat long wokabaut bihainim wara i go antap na wok

Yangpela meri trikim tewel meri na ronawe



long kisim ol rokrok.

Taim yangpela meri ya i holim ol rokrok, em i save pulapim long bilum. Tasol tewel meri ya nogat. Taim em holim ol rokrok, bai em i kaikaim lek bilong ol na tromoi het i go daun long graun. Em i wok long mekim olsem na tupela i go antap yet bihainim wara i go.

Em nau meri tru ya i askim tewel meri ya long amas rokrok em i kisim pinis. Tasol tewel meri ya i tok em i no kisim wanpela rokrok. Tasol samting tru em yangpela meri ya i bin lukstil pinis na lukim olsem meri ya i wok long kaikai ol rokrok tupela i kisim. Olsem na em i kisim tingting olsem meri ya i no kandre tru bilong em. Em i mas tewel meri ya.

Orait tewel meri ya i tok long tupela stop na go redim wanpela hap ples bilong slip na tulait orait tupela i ken go bek long ples. Olsem na tupela i go

long wanpela hap kona arere long wara na redim ol ples bilong slip na wokim paia. Taim ol samting i redi pinis, giaman meri ya i tokim yangpela meri ya olsem em bai i go dring sampela wara pastaim. Olsem na em i tekov. Tasol yangpela meri ya i kisim tingting na bihainim em i go na luk stil i stap. Na em i lukim olsem meri ya i go na wok long daunim ol ston i go insait long bodi bilong em. Dispela em long mekim em i strong bai em i ken pait wantaim yangpela meri ya na kilim em na kaikai.

Tasol yangpela meri ya i lukim pinis na ron i go bek long kam bilong tupela. Em i kisim bilum bilong em na mekim ol mejik singsing na wanpela bikpela palai i kamap. Orait em i putim dispela palai long sait na tokim em, sapos meri ya i kam bek na askim mi, tokim em olsem yu no save. Orait meri ya i mekim

mejik singsing gen na bihainim wara i go antap na painim wanpela longpela limbun tru na em i go antap na sindaun long het bilong em.

Bihain dispela tewel meri ya i kam bek na painim olsem meri ya i no stap na em bel hat na bikmaus nabaut nau. Em tok, aiyo, mi no laik kaikai em hariap long wara yet ya. Bilong wanem na mi westim taim ya. Em kros toktok i stap na em lukim dispela grin palai na askim em, yu lukim meri ya tu o nogat?. Tasol palai i tok, nogat, em i bihainim yu go daun long wara ya.

Tewel meri ya i bel hat moa yet na em dring wara long bikpela wara long testim sapos wara i swit em olsem meri ya i bihainim wara i go antap. Em dring wara ya tasol wara i no swit olsem na em tanim na tokim palai, mi save olsem yu giaman mi ya. Em nau em holim

dispela grin palai na daunim em i go daun long bel bilong em na kaikaim em olgeta. Em mekim olsem pinis na bihainim wara i go antap.

Taim em i go kamap, em i kamap long dispela limbun na em rabim tang long en na limbun ya i swit. Olsem na em i lap na amamas nogut tru na lukluk i go antap na lukim meri ya i sindaun antap i stap. Orait em i amamas na kalap kalap na i laik go antap. Tasol limbun i wel tumas olsem na em i wel kam daun gen.

Orait tewel meri ya i singautim olgeta tewel bilong bus i kam na ol i sindaun antap long narapela narapela i go antap tru. Long het bilong ol, wanpela bikpela tewel man tru i stap na em i kamap klostu long meri ya. Tasol meri ya i save na em i pekpek na tromoi antap long het bilong dispela lapun tewel ya. Tewel man ya i holim pekpek ya na pundaun antap i kam daun. Taim olgeta tewel i smelim olsem, ol i tok, aiyo abus bilong mipela i pundaun ya. Na olgeta i kam kurakum long bodi bilong papa tewel ya na kaikai em. Klostu long tulait nau, olgeta tewel ya i tanim i go olsem ol palai na rokrok nabaut na slip i stap arere long wara na diwai nabaut. Em nau meri ya i isi tasol kam daun na ron i go long ples.

Taim em i kamap long ples, mama i askim em bilong wanem na em westim taim na kam long morning olsem. Na yangpela meri i stori olsem meri tupela i go i no kandre meri. Em tewel meri na klostu tewel meri ya i kilim em na kaikai pinis. Tasol em i strong na kam bek.

Em tasol stori bilong mi.

Bonny Valel
Kupuom Village
Lumi, Sandaun Provins

KANAGE



anage em bilong Waa viles long Mendi, Sauten Hailans provins. Wampela taim em i samapim su stap long fran long Best Buy Stua. Na taim em samapim su i stap em i lukim wampela (16) stret na yu save manki ya em i wok long putim ai long ya. Em i samapim sampela su pinis na i bin baim em long K5. Na em go insait long stua long bihainim meri ya meri laik baim wampela redio na em i askim stuakipa, "Hamas long redio?" Na stuakipa i tok K292.90 nau meri tok, "Givim mi na mi lukim pastaim." Na stuakipa kisim na givim em. Taim em i sekim redio i stap Kanage kalap na tok. "Dispela Kina redio i no gutpela. Yu gat sharp redio o no gat? "Meri ya laik baim long en em wampela sharp redio." Taim paps tok olsem taim meri ya lukluk strong na tok. "Wanem kain sap redio yu tok long en?" Na Kanage kirap na tok, "Nogat mi tok pilai." Taim ol manmeri ol harim ol i lap nogut tru stret na tok, "yu mas paul ya Kanage kirap na tok na yu askim ya. Meri sem na em i no baim redio.

Peter Roster Blue
Mendi


anage i bilong drai wara insait long Baiyer distrik na em i wampela kopi bai. Wampela taim em i go baim kopi long Baiyer Lumusa wantaim ol wokman bilong em. Taim ol go kamap long kopi maket, ol i lukim kopi baias insait. Kanage kirap na tokim ol wokman bilong em olsem, "Yupela stap isi bai mi wokim long sait dil bilong mi." Taim Kanage baim kopi long K350 i no longtaim ka bilong em i pulap. Man ol kopi baias kirap na singaut, "paitim dispela man ya." Ol kopi baias kam tasol na paitim Kanage i no isi isi long ai bilong ol manmeri. Kanage kirap na tok, olsem "You mans are beks mans." "Wampela taim yupela bai kisim long buai maket na mi kam long kopi maket na paitim mi."

Wesley T. Wall
Mt Hagen

anage em bilong Is Nu Briten provins. Liklik ples bilong em Hudzo long Kokopo sait. Em wampela man bilong giaman. Wampela taim em i tokim ol brata bilong em long go painim mumut long nait. Nait nau Kanage i singautim ol dok na ol i go. Ol i go antap klostu long maunten Vunakokor. Kanage tokim ol dok bilong em, "Kis, kis, kis." Ol dok i stat long ronim wampela mumut. Kanage wantaim ol brata bilong em ol i ran bihain long ol dok. Taim ol i wok long ran. Kanage i save singaut, "Kis, kis, kis." Dispela mumut i ran long ol baret bilong wara i kam daun olgeta long solwara. Ol i kam kamap long Davaon nambis. Kanage tokim ol brata bilong em na ol dok bilong em, "Yumi sindaun wantaim, mumut i go waswas long solwara pastaim." Kanage katim kokonas na givim long ol dok na ol i kaikai. Mumut i waswas pinis na em kam bek. Kanage kirap tok, "Kis, kis." Ol dok stat ranim mumut i go bek gen long bus, bihainim baret bilong wara i go antap gen klostu long maunten Vunakokor.

Alfred Pidik
Kokopo

anage em manki Porolo long Iowa Mendi. Olgeta de em i save ran i go long skul long baisikel. Wampela taim skul pinis na baga kukim i kam raun long maunten. Em i lukim ol meri pulap long wara so baga pinisim spit stret. Em laik



kusai long ol meri. Baga spit yet na sen lus na baisikel flai long narapela hap na Kanage het sut stret long wara Mendi. Olgeta meri ting em i dai pinis tasol baga nogut stap insait long wara yet na pilim long poket na hap sop long moning stap yet long poket. Baga nogut rapim sop long het wantaim na kam aut long wara. Ol meri ting olsem Kanage i dai pinis ya nogat em waswas i stap long wara. Baga nogut ya kirap na i tok, "Hey ol meri, baisikel bilong mi bihainim mi kam long wara o stap antap yet? Ol meri tok em stap yet antap.

Peawi Porolo
Mendi

anage em wampela manki long Tente, na em save dai stret long wampela meri long blak soil stret. Wampela taim Kanage wokim wampela plen long kisim dispela meri olgeta. Em tokim wantok bilong em long go sindaun antap long nek bilong diwai na tanim olsem tambaran. Kanage grisim meri blak soil na em save olsem meri ya bai potpaia stret. Em kisim em i go arere long diwai we nogat manmeri long en. Na em tokim em, dispela em ples bilong tambaran, na no ken toktok, wanem samting tambaran tok em mitupela bai bihainim toktok bilong em." Kanage na meri stori stap long as bilong diwai." Wantok sindaun long nek bilong diwai na tok, "Mi tambaran dispela ples, yutupela mas harim

tok bilong mi tasol." Kanage kirap na tok sapos yumi no harim tok em bai yumi dai so em yumi harim tok bilong em tasol. Wantok sindaun long nek bilong diwai kirap na tok, "Yu dispela man lusim dispela meri na kam i go." Taim Kanage ran i go wantok kisim meri bilong Kanage na tekov long Lavelley na lus olgeta. Turangu Kanage i no save lukim pes bilong meri wantaim wantok gen.

Pem Semix '2'
Mendi

anage bilong Gogiok ples insait long Raikos Madang provins. Olgeta taim ol manmeri bilong Papua Niugini save kolim Raikos las ples. Ankol Kanage ya belhat tasol na em i tingting olsem em bai mekim wanem na brukim rekot bilong las ples Raikos. Nau em i kam wok olsem wampela edministretiv opisa bilong Morobe. Wampela taim em i sindaun tingting i go na tingting i sot na i tingim wai na ol kolim las lain na yet wok leba bilong Morobe. Ankol Kanage kirap tasol kisim Lenkruisa Toyota bilong Edukesen Dipatmen na kukim. Em i senisim gia klostu klostu na hitim Makam Veli Destinesen ka go long Goroka. Ankol ya putim go antap kam daun mekim save senisim gia i go i kam kamap pinis long Kasampas. I no long taim ol plis long Lae ringim plis long Hagen na ol blokim em kam daun bungim em stret long Kasampas. Yu save dispela hap em hat tru long tanim ka

bikos em ples nogut. Ankol ya kirap tasol rivesim ka long Kasampas ova tek long ol traipela traipela mek na Kenwot haiwe na kamap long Nadzab.

Plis long Nadzab holim em na em i giaman na tok, "Ol Papua Niugini save tok laslain olsem na mi giaman long brukim rekot na traime long putim Raikos kam pestlain."

Dopen Sapenu
Lae

anage em wampela lapun man bilong Sepik na em i no save long tok "Inggris." Olsem na long wampela Sande apinun, ol Jeheva Witnes i go serim tok bilong Bikipela long wan wan femili i go na kamap long haus bilong lapun Kanage. Na lapun Kanage i sindaun arere long paia i stap na lukim wampela waitman Jeheva i kam na tok Inggris olsem, "Hellow old man." Tasol lapun Kanage i paul na ting, waitman askim long pikinini meri bilong em na em bekim, "Halro kisim Panka Huk na go long wara." Tarangu waitman paul na askim gen. "What did you say." Lapun Kanage paul olgeta na em belhat na singaut strong olsem. "Whatut? Bihainim Halro kisim Pankar Huk na go Rong Wa-ara." Tarangu waitman Jeheva pret long lapun Kanage na tekov.

Freddy Mason
Wewak

Ol memba mas bekim pas

Dia Edita,

Mi laik autim wanpela bikpela wari bilong mi go inap yu printim long *Wantok Niuspepa* bai ol manmeri long Papua Niugini ken ritim.

Wantok Niuspepa em bun tru tru mipela ol grasrut manmeri bilong dispela kantri bilong yumi husat i no save rit na rait long tok Inglis, tokples bilong ol waitman. Hamas mun o yia i go pinis mi spendim mani long baim *Wantok Niuspepa* na ridim isi isi i go inap narapela wik mi baim nupela *Wantok*.

Tasol taim mi ritim ol pas bilong ol manmeri i go long edita ol i save autim kain kain wari na belhevi bilong ol. Mi save ritim planti man i komplem na autim wari bilong ol long ol memba i no save bringim sevis i go long ilek-toret bilong ol.

Bioo yet i kam inap nau mi no save ridim pas bilong wanpela memba bilong palamen i bekim ol dispela pas. Mi laik askim mipela ol memba olsem, yupela save baim *Wantok* na ritim tu o nogat? Planti man tru save autim wari bilong ol long *Wantok* tasol mi no save ritim wanpela gutpela bekim i kam long yupela ol memba.

Ating Inglis em i tokples tru bilong yupela olsem na olgeta taim yupela save baim Pos Kororia na Nesenel tasol na ritim. Bikpela mani bilong yupela bilong givim ol meri dring bia, na kaikai kakaruk, 70t tasol yupela mas baim *Wantok Niuspepa* na ritim na bekim pas bilong mipela ol grasruts.

Mi laik askim edita tu olsem sampela man save go salim *Wantok Niuspepa* long haus

palamen long olgeta wik long Fonde o nogat?

Bikos mi laikim ol memba tu mas baim *Wantok* na ritim na bekim ol pas bilong mipela.

Narapela askim bilong mi i go long yupela ol rida bilong *Wantok* olsem sapos yumi no lukim wanpela gutpela ansa i kam long ol memba long pas bilong yumi orait, yumi no ken Westim taim na salim pas i go long edita.

Long wanem, ol memba i no save baim *Wantok Niuspepa* na ritim ol wari bilong yumi. Yu gat wanem kain belhevi long memba bilong yu haitim stap na westim taim bilong vot tasol.

John James Kera Badili, Pot Mosbi.

Watpo ol plisman sutim ol sumatin

Dia Edita,

Mi wanpela asples Pukutau insait long Erave distrik long Sauten Hailans provins na nau mi laik autim belhevi bilong mi i go long Praim Minista bilong Papua Niugini olsem.

Bilong wanem as tru yupela i pasim tok na haiarim ol plis i go long Pot Mosbi na sutim dai ol Yunivesiti skul sumatin.

Dispela kain pasin i no gutpela i kam aut klia olsem yupela gavman yet brukim mama lo bilong kantri pinis na husat manmeri bai inap long bhainim na mekim nabaut long laik bilong ol yet na bai sindaun bilong yumi bai i no inap gutpela long bhainim.

Olsem na nau yet mi laik tok olsem dispela hevi em i bikpela tumas na gavman mas stretim hariap.

Sapos yupela gavman i no stretim hariap bai ol pipel bilong Papua Niugini bai i no inap sindaun gut na wok kopret wantaim yupela ol gavman bikos nau yet yupela save pinis.

Planti pipel bilong Papua Niugini i wok long ful sapotim ol Yunivesiti skul sumatin na yupela ol gavman i no gat sapota bilong yupela na i luk olsem dispela birua bai i stap yet na kantri bilong yumi bai bungim hevi yet.

Em tasol long liklik wari bilong mi.

Stanley Kawa Pukatau Erave, Sauten Hailans provins.

Asua long kisim mani

Dia Edita,

Mi laik rait na sapotim pas bilong brata ya BFK long Westen Hailans provins pas bilong em bin kamap long Mas 8, 2001.

Mi laik tok olsem long Januari 6-1, 2001 mi bin kam raun long Lae siti na mi lukim dispela kain pasin ol plis i wokim em i no gutpela tumas long ai bilong mi.

Mi kisim balus long Japan i go long Mosbi

na kisim balus i go pun-daun long Nadzab na mi kisim bas na ron i go long Lae na mi lukim ol plis long 9 Mail bin wokim rabis pasin tru. Man mipela ron i go na plis stopim bas na askim draiva long givim buai, smok long em o em bai askim em long givim em K40 o K50 o K60 long em.

Mi lukim dispela kain pasin i no stret long ai bilong mi. Nau mi laik

tok olsem yu husat plis man i wokim dispela kain pasin gen long bas mi ron long em, yu mas tingting gut bai mi kaikai buai na spet antap long pes bilong yu.

Mi tokm yu stret olsem yu plisman ya yu tru wanpela raskol man na yu stilim nating mani bilong narapela man.

P. K. Wewak, Is Sepik Provins

Wantok sistem i nogut

Dia Edita,

Komplem bilong mi i olsem, planti plentesen mi raun mi save lukim kain kain tokples i pulap stap long wanpela divisen.

Tasol long Bebere mi lukim olgeta Sepik tasol. Olsem na taim ol narapela provins go askim wok, ol i tok nogat spes.

Neks de sapos wanpela wantok go, em ol i kisim em pinis long wok.

Plis mi laik tok olsem, yumi olgeta lusim ples na kam long painim mani tasol na no ken wanpela asisten o menesa yusim dispela kain teknik.

Traim na kisim miks man bai wok i ran gut na bai yupela kisim biknem.

Pem Kupa Mendi, Sauten Hailans provins.

Rot mas go long Kovon

Dia Edita,

Mi wanpela wokman bilong God na nau mi mekim wok bilong Bikpela hia long Rabaul.

Mi laik autim wari bilong mi long lain bilong mi yet long Simbai insait long Midel Ramu distrik.

Mi wari tru long kopi bilong yumi insait long Wes Kovon. Mipela Kovon pipel mipela save lusim bikpela mani long MAF balus save karim kopi bilong yumi i go salim long Hagen. Long dispela as tasol gavman i sori long yumi na wokim rot i go kamap long Kairank na ol man long Kairank ol i pasim dispela rot.

Ating yu no laikim

gavman sevis i kam long hap bilong yu, a? Na tu yu no sori long mipela Kovon pipel. Mipela Kovon pipel i nidim gavman sevis na rot em bikpela samting long wanem mi wari long kopi bilong mipela Kovon.

Olsem na mi raitim dispela komplem pas.

Mi laikim kaunsil John Kias, kaunsil Amban, kaunsil Stiven, kaunsil Jacob Ingen, kaunsil Laube na kaunsil Joe Kalkale i mas tok strong na larim rot i go olgeta long Kovon.

Ating em tasol liklik wari bilong mi.

Pr. D. Una Baien Rabaul, Is Nu Briten provins.

Pindiu rot i slip sore

Dia Edita,

Mi wanpela manki long Pindiu distrik insait long Finsafen, Morobe provins. Ating kaunsil bilong Pindiu i dai pinis. Mi save i kam long Pindiu na harim planti komplem.

Tru tumas kaunsil long Pindiu i no save tingim ol pipel long ples.

Em i no gat han mak long Pindiu na Pindiu tu Finsch rot i bagarap olgeta. Em i wok bilong kaunsil long lukim na strongim tasol Pindiu tu Finsch rot bus i karampin pinis.

Yaoo Nanang Yadar Finsafen, Morobe provins.

Sapos yu laik salim ol pas bilong yu i kam long dispela nuispepa. Salim i kam long dispela adres:

THE EDITOR
WANTOK NEWSPAPER
PO BOX 1982, BOROKO, NCD.

Noken komplem long Hailans

Dia Edita,

Mi save ritim *Wantok Niuspepa* long olgeta Fraide na mi save lukim planti ol Sepik i komplem long ol Hailans.

Sori tru yu husat yu save komplem long ol Hailans. Yu harim yu no God na yu sapotim man God wanpela tasol

bai sapotim manmeri. Yumi man long graun bai i no inap long sapotim man. Las de em de bilong yumi ol manmeri so no ken komplem long ol Hailans.

Yaosk Merac Finsafen, Morobe provins.

Werim trausis bilong ol man

Dia Edita,

Mi save lukim ol meri i werim ol trausis bilong ol man. Olsem na long mi yet, mi skelim olsem ol meri i wokim dispela kain pasin we em i no gutpela tumas.

Yah! Bikos mi save laik balm trausis long stua. Tasol prals

bilong trausis i go moa long K100.

Sapos mi wanpela grasrut bai mi kisim kain mani long we na balm trausis. Olsem na mi laik tok strong long ol meri.

Plis no ken baim o werim trausis bilong ol man.

Clements Mashon Wewak, Is Sepik provins.

Ripot i kam long Eksekutiv Opisa bilong Eddy Saweni, Erick Wermei

Dia Edita,

OPIS bilong Eddy Saweni i givim ripot long wanem ol sevis na ol arapela projek we bai kisim fanding long 2001 na 2002 wantaim ol narapela ripot.

- Aitape/Lumi rot i stap long tenda, em i stap long 4 o 5 steij na konstraksen bilong dispela rot bai stat long Aitape sait long Damansara bes kem Lupai o long Wauningi Lupai;
- Aitape Is Kos rot apgred na mentenens;
- Aitape taun (kolta long rot) Kumu maket i go long Raihu Haus sik na Raihu bris i go long Tadjji ples balus;
- Aitape (Vokesenel) Poro rot apgred. Dispela rot bai i kisim apgred (na bai putim kolta sapos i gat inap fan).
- Aitape/Vanimo (Sra) rot. Dispela rot bai i kisim bikpela helpim long traime na pinisim dispela hariap long bringim ol samting bilong ekspot i go long gutpela ripot long Vanimo. Memba i bin givim tok orait long Aitape LLG Wes edvaisa, Paskal Urain, long yusim K10,000.00 bilong LLG Wes long wokim pilot trek long Rome i go long Sumo. Dispela bai i join wantaim rot i kam long Scra long pinisim Aitape/Vanimo rot. Wok bilong apgredim rot bai i stat long

Matapau long Aitape Is Kos i go inap long Sera Aitape Wes Kos long 2002, tasol bikpela wok bai i stap long apgredim wes kos inlen rot i go.

Memba bilong Nuku, Andrew Kumbakor na Aitape/Lumi, Eddy Saweni i laik joinim Nuku, Lumi na Aitape i go long gutpela sipot o wof long Vanimo long ekspotim ol samting tupela distrik i produsim ong helpim Sandaun Provinsel Gavman long kamapim revenue bilong provins. Nau yet planti ol bisnis bilong Nuku, Lumi na Aitape i save go long Wewak, Is Sepik provins bikos i nogat gutpela sipot long Aitape.

Wara Sikau (Nuku)/Karaiten (Misin Stesin-Lumi) rot - Wok bilong dispela rot bai i kamapim mentenens, apgreding na putim kolta. Wok bai i stat long tupela sais wantaim, Wara Sikau na Kraitem, na wok bilong putim kolta bai i stap long ol hap we i gat planti ol pipel i stap long en long katim kos bilong apgredim dispela rot. Wok bai i stat long 2002.

Long 1999 Madang LLG Teknikol Sevises Divisen i bin karim aut wanpela wara saplai fisibiliti stadi long Miwaute long Lumi na i bin pinisim dispels stadi namel long Septemba na Oktoba 2000.

Bihan long sevei, Opis bilong memba i bin mekim fanding sabmisen i go long Japan Intensenel Koporesen Asisten (JICA) aninit long Japan Gavman long fandim kos bilong dispela projek bai i stap long en, na skelim na bringim ripot i go long Opis bilong memba. JICA bai helpim liklik long fandim ful kos bilong dispela projek.

Distrik Sapot Grent em K1.25 milien, long dispela K150,000 em i stap long diskresen bilong memba na K1 milien em i stap long disisen bilong DJBPC long wanem ol projek ol i tok orait long en.

Humen Risos Developmen Memba i givim K10,000 long diskresen fan bilong em i go long helpim ol tisa i stap insait long wanpela kos long rereim ol long Top Ap skul long nupela reform. Opis bilong memba bai i amamas long fandim ol kain developmen olsem.

Aplikesen i go long memba long ol liklik projek aninit long diskresen bilong em:

Memba i bin kisim edvais long saspending ol liklik projek aplikesen na putim ol fan i go isnait long ol bikpela projek pastaim olsem ol rot projek. Long rereim wok bilong

Aitape/Lumi rot em i kos K108,000 i karamapim sevei, edvetisimen, trenspot haya, leba na akomodesen.

Long kirapim na strongim ikonmik bes bilong Aitape/Lumi distrik, lukluk i mas go long ol projek em inap kamapim na strongim dispela ikonmik bes. Olsem na wanem ol liklik fan i stap i mas i go pastaim long ol dispela projek olsem rot, we i ken helpim olgeta insait long distrik long kamapim dispela ikonmik bes. Dispela nau i min olsem ol liklik projek aplikesen i sanap long mak bilong K80,000 bai i no inap kisim helpim pastaim long ol projek bilong strongim fandesen bilong developmen bilong provins.

Dispela ol samting em rot netwok, telekomunikesen na ol arapela projek. Nambawan projek bilong distrik nau em Aitape/Lumi rot.

Planti long ol infrastraksa projek i stap pinis long edvetisimen long ol niuspepa long dispela yia, na opis bilong memba i wet tasol long kisim toksave long risal bilong ol dispela projek i kam long Sentrel Saplai na Tendas Bod (CSTB). Ol pipel bai i kisim toksave taim opis bilong memba i kisim ripot i kam long CSTB.

Pasim fektori bilong wokim smok

Dia edita

Mi laik joinim hap tok bilong Tommy Tomscoll, Minista bilong Helt, i bin kamap long Wantok Niuspepa no 1406, long Fonde Jun 7.

Yes Mista Tomscoll, amamas tru long tok bilong yu long sik bilong smok na siti laip. Olgeta toktok minista yu bin tok em i tru tumas. Ol pipel save smok insait long ol PMV ka nabaut. Ol i no save rispek long narapela.

Nau long dispela taim ol manki krismas bilong ol inap long ten na i go antap em ol stat long smok na kaikai buai.

I no inap wasim o brasim tit bilong ol na bai kamap blek olgeta olsem as blong sospen.

Minista bilong Helt, yu singaut long olgeta kampani na gavman opis long tambuim smok long ples bilong wok. Em gutpela tok bilong yu, tasol mi laik tok olsem, Mista Tomscoll yu minista bilong helt, inap yu pasim olgeta fektori

bilong smok. Em wanpela sotkat rot bilong we ol pipel bai lusim smok o stopim. Fektori wok yet olsem na ol pipel smok yet.

Antap long ol sigaret paket ol i save raitim olsem. Government warning smoking is dangerous to health. So wai na gavman i no pasim faktori bilong smok?

Minista i tokaut olsem olgeta gavman atoriti long olgeta provins i mas ino kem strong na tambuim ol pipel long smok long ol bas na PMV.

Gavman atoriti bai hat tru long tokim ol pipel long stopim smok. Tasol sotkat rot bilong ol pipel

stopim smok ya em mi-tok ya pasim fektori bilong smok na ol pipel bai stopim o lusim smok. Em tasol i no gat sampela wei.

**Kingsford. A. Tauno
Popondetta, Oro provins.**

Sapos yu laik salim ol pas bilong yu i kam long dispela nuispepa, Salim i kam long dispela adres:

THE EDITOR
WANTOK
NEWSPAPER
PO BOX 1982, BOROKO, NCD.

Wantoat i mas gat memba bilong em yet

Dia Edita,

Mi wanpela manki bilong Wantoat. Tasol nau mi stap long Wau.

Komplen bilong mi i go olsem, long 2002 iieksen yumi mas brukim Makam distrik i go tupela hap.

Mipela long maunten pipel, olsem mipela Wantoat bai kisim distrik bilong mipela yet, na ol lain long Kunai mas kisim bilong ol yet.

Em bai mipela long maunten bai sanapim wanpela bilong mipela yet na ol Kunai bai putim bilong ol yet.

Wai na mi putim dispela pas, em i olsem:

(1) taim Nesenel Gavman i brukim baset bilong Kaiapit distrik kam ol lain long distrik i save putim mipela ol maunten pipel i go las tru,

(2) Yumi gat wanpela memba long Nesenel

palamen olsem na em i save givim sevis long wanpela sait tasol.

Na mipela long sait sait, mipela kisim bagarap yet olsem ol bipo tumbuna i bin stap long en.

Long Wantoat rot bilong mipela i bagarap pinis longpela taim tru na mipela i no save.

Ating mipela i gat nem insait long komon rol buk o nogat.

**Giwa Daniel
Wau, Morobe
provins.**

Makim gutpela lida bilong Oksiland

Dia Edita

Mi wanpela gras rut bilong bik bus kol ples long Oksiland insait long Telefomin distrik long Wes Sepik tasol nau mi i kam stap long Westen provins.

Plis inap mi laik putim, autim dispela wari i go aut long Wantok niuspepa na nau ol pipel bilong mi long Oksiland na Telefomin i ken lukim na yupela i ken skelim long ting ting bilong yupela.

Mi save olsem yumi ol pipel bilong Telefomin distrik i longlong o ino kilia long makim gut lida long palamen haus. Yumi gat sotpela tingting tasol. Long yumi save tingim long nau tasol na yumi ino save tingim bihain taim bilong yumi. So neks yia iieksen mi laikim ol saveman i mas i go pas

na klisim tingting bilong ol manmeri long ples. Mi ino laikim ol man meri ples i makim ol lida. Bipo ol save bagarapim sindaun bilong yumi. I no gat tenis kamap long Telefomin na Oksie. Tingim gut olgeta hap long Papua Niugini i tenis pinis tasol Telefomin na Oksiland i stap yet long taim bilong ol Australia. Olsem na ol saveman i mas go pas long neks yia iieksen. Na makim raitman mas i go kisim ol servis kam long distrik. Yupela save, mi wanpela mangi long ples mi save safe long developmen tasol mi save olsem yupela ol manmeri bilong Telefomin na Oksiland i no save wari long developmen.

**Andrew Iliin.
West Sepik.**

Painim wantok

Dia Edita,

Mi wanpela kastoma i save baim na ritim planti pas long Wantok niuspepa. Tasol mi nogat mak o toktok bilong mi antap long pepa yet.

Dispela namba wantaim na pas bilong mi i kam long yu. Bai mi amamas tru long lukim dispela wari bilong mi i kamap long Wantok niuspepa. Magdelyn Kunum Doinga plis rait long mi, M. Masi Kome, P.O. Box 1052, Rabaul.

**Michael Masi
Rabaul, Is Nu Briten provins.**

Watpo sutim ol studen

Dia Edita,

Mi laik autim hevi na wari bilong mi i go long ol plisman husat i bin pairapim gan long ol yunivesiti studen.

Yupela i go ranim ol olsem o' enimol na sutim ol nating nating.

Yupela mas save. Samting yupela i mekim long em i go wansait olgeta. Yupela ol plisman i holim gan bilong yupela na ol Uni

studen ol i nogat gan. Ol i stap han nating.

Em wanem kain pasin stret yupela ol plisman i mekim! Sem bilong yupela stret.

Yupela i mekim rabis pasin na bagarapim ol Uni studen.

Protes ol i wokim ol i gat rait na ol i wokim bilong helpim pipel bilong Papua Niugini.

Yupela ol plisman i gat ol meri pikinini o

nogat? Nau long dispela taim.

Yupela ol plisman i no ken putim ol pikinini bilong yupela long skul.

Ol bai i go na kisim wanem kain save.

Maski long putim ol long skul. Larim ol i stap kanaka.

**Timo Namaewa Moyu
Goroka, Isten Hailans
provins.**

Ol pipel i paul

Dia Edita,

Mi wanpela manki Okapa, liklik ples bilong mi Ofafina.

Long stat bilong dispela yia o pinis bilong las yia - "00" mipela i bin i gat nupela DA (Distrik Edministreta) long Okapa distrik we long het opis Goroka i bin salim em i kam.

Em yet Solomon Tato, em pikinini Okapa stret i no nabaut nabaut man. Mipela pipel bilong Okapa i bin amamas long em.

I no long taim na mi harim olsem memba bilong Okapa, Casten Maibawa i bin kisim nupela man i kam kamap olsem DA gen long laik bilong em (membra) yet. Casten Maibawa i no laikim Mista Tato, bilong wanem.

So nau em kisim Abel Perinde kam olsem DA. Olsem na mi paul olgeta. Husat em Distrik Edministreta bilong Okapa stret?

Inap yu Casten Maibawa tok stret long ol pipel bilong yu long Okapa husat em DA nau.

Kam aut ples klia na toktok long ol pipel bilong yu, Bikos 2002 i kam klostu pinis, nogut yu paia wantaim ol kendidet bilong wantaim Okay!

**J. Kondo. W.
Okapa, Isten Hailans provins.**

No gat tenis long taun

Dia Edita

Mi bilong Pangia tasol nau mi stap long Goroka na mi lukim sampela wok ol eria atoroti o taun kaunsil i wok long en.

Ol wokman ya em ol lapun tasol nau i no wok strong tumas.

Ol man i save kaikai buai na spetim nating na ol i lukluk tasol.

Ol i no inap komplem o askim wai na yupela i mekim olsem na arestim ol man.

Long dispela risen mi laik komplem na mi tok olsem, i no gutpela tumas long ol lapun bai wok.

Rausim ol lapun na kisim ol yangpela strongpela man na taun bai i tenis na olgeta samting bai orait.

Sapos yupela i no mekim olsem Goroka Taun bai no gat tenis, em bai stap olsem yet.

Na narapela pasin em ol asples tu i no save rispektim taun bilong ol.

Sapos i nogat tenis, mi tok ya Goroka taun bai stap olsem yet.

Bai no gat tenis long taun.

**Tua Pewa
Goroka, EHP.**

Politiks i stapim ol project

Dia Edita

Mi laik autim wari na belhevi bilong mi i go long Wantok nius na pablik i ken ritim. PDM i pilai politiks na ol dispela wok or projek inap kamap tasol i stop na stop olgeta, (1) Mendi taun rot sealing, (2) Gulf Sauten Hailans Haiwe, (3) Buildim Tari Jenerol Haus sik.

Olgeta dispela wok projek inap kamap long taim tasol PDM gavman i rausim pawa bilong Gavana Anderson Agiru olgeta wok projek plan bilong gavana Agiru i stop olgeta na mipela Sauten Hailans nau stap long tudak.

Mipela ol pipel bilong Westen na bilong Sauten Hailans olsem Komo Magarima, Tari, Porina, Koroba, Lake Kapiago nau mipela poinim pinga i go long Mista Tom Tomiape, Tari Pori open na Mista Herowa Agiwa Koroba Kapiago bikos tupela man ya tasol stap insait long PDM na blokim olgeta samting na mipela pipel kisim taim nogut tru.

Sapos Tom Tomiape na Herowa Agiwa i sori long Hela pipel tupela i no laik mekim sampela wok bilong Hela pipel. Nau yutupela stap long Gavman sait wai na yutupela i no harim krai bilong Hela pipel.

Lukaut PDM kendidet bilong 2002 hau bai yu kam insait long Sauten Hailans na Hela eria na holim spika na kempen.

Tupela bikman bilong PDM Tom Tomiape na Herowa Agiwa wanem toktok tru bai tupela tromoi long Hela pipel long taim bilong kempen?

Long Ogas lapun Somare bai kam bek na endosim wanpela Tari long Nesenel Alaiens Kolisen. Mi save pinis planti man bai resis wantaim yu na insait long ples tru bilong yu Mista Tom Tomiape Hoyobia Hongabo Pari four (4) Kendidet bai sanap. So Tom Tomiape yu putim blok vot bilong yu we wanem hap tru.

Long sait bilong Koroba Lake Kapiago Open Mista Heowa Agiwa yu yet save pinis yu no win long stretpela wei long 1997 iieksen. Yu yu kisim nating so 2002 sapos yu man tru bai yu winim bek sia bilong yu.

Mi laik tok kilia olsem Hela pipel Tari Pori Komo Magarima Koroba Lake Kapiago mipela stap klostu tru long Sepik na Somare bilong mipela. Sir Michael mipela welkamim yu long Hela eria na sanapim wanem man yu laik sanapim yu kam tasol.

**Hela Nehambu
Tari, Sauten Hailans provins.**

Asua bilong pipel yet

Dia Edita

Mi bilong Lae tasol nau mi stap long Mt Hagen. Mi laik tromoi sampela Tokpisin i go olsem.

Planti manmeri long provins i save komplem long ol memba bilong ol. Mi laik tok olsem asua i stap long yumi ol pipel long provins, bikos yumi tingting long kaikai

bik moni bilong ol. Dispela samting em i bilong nau tasol na yumi no tingting long bihaintaim. Olsem na long 2002 iieksen, skelim ol kendidet gut na makim ol.

**Vanggoes Albert JJ
Mt Hagen, Isten
Hailans provins.**

Ol yangpela i laikim nem bilong ol i stap insait long niuspepa long painim, pen pren i mas prininim tupela nem wantaim adres, na wanem samting yupela i save laikim long mekim (hobbie).

Wantok Painim Wantok

dispela pes em bilong yupela ol
man na meri husat i laik salim
tok save i go long ol:-

**BUBU KANDERE BRATA SUSA
MISIS PREN PIKININI NA HUSAT
MOA YU GAT LAIK LONG SALIM
TOK HAMAMAS TOK SORI O TOK PILAI.**

Toktok nating i go long lewa. Wanpela samting tasol toktok i kam long dispela Wantok painim Wantok em i mas sotpela ino inap longpela olsem tel bilong kapul dispela toktok nogat pei long en tasol sapos igo antap long tripela lain olsem →

Brata pls kam long Port
Moresby long dispela wik
wantaim tambu lewa bilong yu

en nau bai i gat pei olsem foapela Kina (K4.00)

long wanpela hap olsem →

Brata pls kam long Port
Moresby long dispela wik
wantaim tambu lewa bilong
yu na pikinini wantaim dog.

Salim dispela toktok i kam long mipela long Wantok Nius na hamamasim husat yu laik long hamamasim. Tingim dispela ino Kanage stori. Makim skin pas olsem -

**Wantok Painim Wantok,
PO Box 1982,
Boroko, NCD**

Ol Spot Dro

PORT MORESBY SOCCER ASSOCIATION

Saturday July 14, 2001

BISINI ONE		
08:00	Y2	Sunset vs Gordons Secondary
09:20	W2	Telikom/SP vs Amotts Ela Utd
10:30	W1	WMI vs Tarangau
11:45	D2	Nomads vs WMI
12:50	W1	Sobou vs ANZ University
14:00	D1	Kurti Andra vs Cyclone
16:00	Prem	Guria vs Telikom/SP

BISINI TWO		
08:00	Y1	Rapatona vs Kula
09:20	W2	Kula vs Tawala
10:30	Y1	Cosmos vs BFW PS Utd
11:45	W2	Madgauns vs BFW PS Utd
12:50	W1	Guria v s LBC Defence
14:00	D1	Naniu vs Tawala
16:00	PreM	LBC Defence vs YM2

Sunday July 15, 2001

BISINI ONE		
08:00	Y2	HLB Pom Utd vs Manambu
09:20	Y1	LBC Defence vs YM2
10:30	W2	Murat vs Cyclone
11:45	D2	Bavaroko vs Pangtel
12:50	W1	Telikom vs Bavaroko
14:00	D1	HLB Pom Utd vs Blue Kumuls
16:00	Prem	Cosmos vs BFW PS United

BISINI TWO		
08:00	D2	Haku (Mungkas) vs Dokos
09:20	W2	Rapatona vs Falcon
10:30	D1	Tarangau vs Dobo
11:45	W1	Orogen vs Cosmos
12:50	D1	Sobou vs Murat
14:00	Prem	Babaka vs ANZ University
16:00	Prem	Rapatona vs Kula
Bye: Bavaroko Y2 and Muma D3		

POM RUGBY FOOTBALL UNION

Saturday July 14, 2001

COLTS/U19		
8.00am	Harlequins vs Defence	Oval 2
9.00am	Telikom vs Wanderers	Oval 2
8.00am	University vs IRPIK	Oval 1
9.00am	Finpac vs Brothers	Oval 1
Bye Royals		

FIRST DIVISION		
B Grade Competition		
10.00am	Harlequins vs Defence	Oval 2
11.10am	Telikom vs Wanderers	Oval 2
10.00am	University vs IRPIR	Oval 1
11.10am	Finpac vs Brothers	Oval 1
Bye Royals		

A GRADE		
12.20pm	Harlequins vs Defence	Oval 2
1.40pm	Telikom vs Wanderers	Oval 2
12.20pm	University vs IRPIR	Oval 1
1.40pm	Finpac vs Brothers	Oval 1
Bye Royals		

PREMIER DIVISION		
3.00	Royals vs IRPIR	Oval 2
4.30	Defence vs Brothers	Oval 2
3.00	Wanderers vs Harlequins	Oval 1
4.30	University vs Telikom	Oval 1

PORT MORESBY NETBALL ASSOCIATION DRAW

Sunday, July 14, 2001

Week 8		
U10 A - 0800am		
C1	Holy Rosary vs Mermaids	
C2	TST Kempa vs Telstars	
C3	Chevron P. vs Rebels	
C4	Sacred Heart vs Ted Diro	
U10 B - 0800am		
C5	St Peters vs Holy Rosary	
C6	Gerehu com vs Kila Kila Com.	
C7	Pari vs Mae	
C8	Telstar vs Karai	
Bye Chevron P.		
U13 A - 0900am		
C1	TST Kempa vs Ted Diro	
C2	City Pham vs Chevron P.	
C3	Telstars vs June Valley	
C4	Mermaids vs BB Kings	

U13 B - 0900am		
C5	Pari Com vs St Theresa	
C6	CP Sparrows vs CP Rebels	
C7	LB Mermaids vs St Peters	
C8	TST Kempa vs Rakaone	
U13 C - 0900am		
C9	St Pauls vs Mase	
C10	Gerehu Prim vs Kila Kila Prim	
C11	Boreboa vs Waigani Com.	
C12	Holy Rosary vs Philip Aravure	

U13 D - 0900am		
C13	Poinimo vs St Pauls	
C14	Kaugere vs Sevese Morea	
C15	Telstars vs Karai	
C16	St Peters vs Sacred Heart	
C16	Butuka vs Holy Rosary	

U15 A - 1000am		
C1	Ted Diro vs TST Kempa	
C2	Telstars vs Rebels	
C3	Chevron P. vs Mase	
C4	LB Mermaids vs June Valley	

U15 B - 1000am		
C5	Kila Kila Pri vs TST Kempa	
C6	St Pauls vs June Valley	
C7	St Rebels vs St Theresa	
C8	Sparrows vs Wardstrip	

U15 C - 1000am		
C9	Sevese Morea vs St Peters	
C10	Sacred Heart vs Pari	
C11	Boreboa vs Kila Kila Prim	
C12	Holy Rosary vs Rakaone	

U15 D - 1000am		
C13	Gerehu Com. vs Boreboa	
C14	Sacred Heart vs Philip Aravure	
C15	Hohola Youth vs Kaugere	
C16	Holy Rosary vs St Theresa	

U15 E - 1100am		
C13	Holy Rosary vs Butuka	
C14	Hagara vs Waigani Prim	
C15	Kila Kila Sec. vs Karai	

U17 A - 1100am		
C1	Kila Kila Sec. vs Telstars	
C3	Mermaids vs Paramana	
C4	Kila Kila Pri vs Badihagwa	
C5	Luvoui vs Rebels	

U17 B - 1100am		
C6	Badihagwa vs Hohola Youth	
C7	Sacred Heart vs Ted Diro	
C8	Sparrows vs June Valley	
C9	Rakaone vs Kempa	

U17 C - 1100am		
C10	Hagara vs Sevese Morea	
C11	Philip Aravure vs Poinimo	
C12	Holy Rosary vs Waigani Com.	
C13	Gerehu Com. vs St Peters	

U21 - 1200pm		
C1	Hohola Youth vs P. Rebels	
C3	Karai vs Mermaids	
C4	Sogeri vs Mase	
C5	Telstars vs Luvoui	
Bye Chevron Paramana		

Seniors Division Week Five

Saturday, July 14, 2001

Division One - Court Two		
11.00am	Mermaids vs BB Kings	
12.30pm	Sparrows vs TST Kempa	
2.00pm	Telstars vs CP. Rebels	
3.30pm	Chevron P. vs Rakaone	
Division Two - Court Three		
1.00pm	CP Rebels vs LB Mermaids	
2.00pm	CP Sparrows vs TST Kempa	
3.00pm	PNGBC Kirovs vs Angels	
4.00pm	Chevron P. vs Imuty Lele	

Division Three - Court Four		
1.00pm	Luvoui vs TST Kempa	
2.00pm	Warumana vs Pelagai	
3.00pm	Kawaimini vs Telstars	
4.00pm	BB Kings vs Mase	

Division Four - Court Five		
1.00pm	Poinimo vs Chevron P.	
2.00pm	Nabuau vs Kerelua	
3.00pm	Aroma Coast vs PNGBC Kirovs	
4.00pm	Gavuone vs Mase	

Division One - Court Two		
11.00pm	Sparrows vs Telstars	
12.30pm	LB Mermaids vs Rebels	
2.00pm	Rakaone vs TST Kempa	
3.30pm	Chevron P. vs BB Kings	

Division Two - Court Three		
1.00pm	PNGBC Kirovs vs Rakaone	
2.00pm	Rebels vs Imuty Lele	
3.00pm	CP Sparrows vs LB Mermaids	
4.00pm	TST Kempa vs Angels	

Division Three - Court Four		
1.00pm	Luvoui vs Mase	
2.00pm	Kawaimini vs TST Kempa	
3.00pm	Warumana vs BB Kings	

Division Four - Court Five		
1.00pm	Aroma Coast vs Gavuone	
2.00pm	Nabuau vs Mase	
3.00pm	Poinimo vs Kerelua	
4.00pm	Paramana vs PNGBC Kirovs	

Division Five - Court Six		
0100pm	Waigani Tyres vs Luvoui	
0200pm	Angels vs Aroma Coast	
0300pm	Hall Sound vs Rakaone	
0400pm	Poinimo vs Rural Bank	

Division Six - Court Seven		
12.00pm	Waramana vs Hisiu	
1.00pm	Coke Warriors vs Asore. W	
2.00pm	Sea Gulls vs Waigani Tyres	
3.00pm	Sogeri vs Toba Souths	
4.00pm	Aroma Coast vs Imuty Lele	

Division Five - Court Six		
1.00pm	Waigani Tyres vs Aroma Coast	
2.00pm	Angels vs Poinimo	
3.00pm	Hall Sound vs Rural Bank	
4.00pm	Rakaone vs Luvoni	

Division Six - Court Seven		
1200pm	Seagulls vs Hisiu	
1.00pm	Sogeri vs Waigani Tyres	
2.00pm	Toba Souths vs Imuty Lele	
3.00pm	Warumana vs Coke Warriors	
4.00pm	Aroma Coast vs Abore Warriors	

New Britain Palm Oil Limited Soccer Association

Sunday, July 15, 2001

Mosa Field # 1		
Womens	Admin Vs Medics	
Mens	Ebere vs Dami	
Mens	Mosa Mill Vs Kernel Mill	
Mens	Transport Vs Smallholders	

Mosa Field # 2		
Womens	Transport Vs Dami	
Womens	Smallholders Vs Mosa Mill	
Mens	Kumbango Ptn1 Vs Admin	
Mens	Medics Vs Construction	

Kumbango Field		
Womens	Ebere vs Kumbango Mill	
Mens	Kumbango Ptn2 Vs Golf	
Mens	Crusher Vs Stores	
Mens	Togulo Vs Kumbango Mill	

RESULTS - 08/07/01		
Mosa Field # 1		
Womens	Mosa Mill 5 - Medics 0	
Mens	Admin Fortlet Togulo	
Mens	Dami 1 - Stores 0	
Mens	Medics 4 - Kumbango Mill 0	

Mosa Field # 2		
Womens	Admin 6 - Kumbango Mill 0	
Womens	Smallholders 0 - Dami 0	
Mens	Transport 4 - Golf 0	
Mens	Kernel Mill Fortlet Crusher	

Kumbango Field		
Womens	Ebere 1 - Transport 1	
Mens	Kumbango Ptn1 0 - Mosa Mill 3	
Mens	Kumbango Ptn2 0 - Ebere 2	
Mens	Construction 0 - Smallholders 1	

PORT MORESBY SCHOOLS SOCCER ASSOCIATION

Saturday July 14, 2001

Week 14		
Under 15A Boys - Oval 6		
8.00-9.00	St Johns-Tokarara vs Korobosea IEA	
9.00-10.00	Boroko Primary vs Sevese Morea	
10.00-11.00	Bavaroko vs Sacred Heart	
11.00-12.00	Wardstrip vs Bambi	

Under 15B Boys - Oval 6		
12.00-1.00	Coronation vs POMIS	
1.00-2.00	Wardstrip vs Waigani Primary	
2.00-3.00	St Francis vs Gordon IEA	
3.00-4.00	Moitaka Wild Life vs Holy Rosary	

Under 15 Girls - Oval 7		
12.00-1.00	Wardstrip vs Philip Aravure	
1.00-2.00	Waigani Prim A vs Gordon IEA	
2.00-3.00	Korobosea IEA vs St Pauls	
3.00-4.00	Sch of Excell-U15 vs Waigani Prim B	

Under 16A Boys - Oval 2		
8.00-9.00	PNG Christianity Acad vs Boreboa	
9.00-10.00	Dela Salle vs Gerehu High	
10.00-11.00	Gordons Sec. vs Kila Kila Sec.	
11.00-12.00	Bavaroko (U16B) vs Wardstrip (U16B)	
Bye Badihagwa A		

Under 16B - Boys		
12.00-1.00	Badihagwa B vs Waigani Primary	
1.00-2.00	St Francis vs Philip Aravure	
2.00-3.00	Holy Rosary vs Don Bosco	

Under 17B Girls - Oval 1		
8.00-9.00	Coronation vs Sacred Heart	
9.00-10.00	Pom Grammer vs Hohola	
10.00-11.00	Badihagwa B vs St Pauls	
11.00-12.00	POMIS vs Gerehu Prim	
Bye Waigani Prim		

Under 17A Boys - Oval 1 - Round 12		
12.00-1.00	Badihagwa A vs St Pauls	
1.00-2.00	Dela Salle vs POMIS	
2.00-3.00	Kila Kila Sec. vs Coronation	
3.00-4.00	Gordons vs Gerehu High	

Sunday, July 15, 2001

Under 17A Girls - Oval 1		
8.00-9.00	Bavaroko vs Badihagwa A	
9.00-10.00	Sevese Morea vs Gordons Sec.	
10.00-11.00	Gerehu Primary v Iarowari High	
11.00-12.00	Kila Kila Sec. vs Boreboa	

Under 17A Boys - Oval 1		
12.00-1.00	Dela Salle vs Gordons Sec.	
1.00-2.00	Kila Kila Sec. vs POMIS	
2.00-3.00	Badihagwa A vs Gerehu High	
3.00-4.00	St Pauls vs Coronation	

PARI RUGBY LEAGUE ASSOCIATION

1st Game	Laimatana vs Baystorms
2nd Game	Warriors vs Raiders
Bye City Boggers	

Result	
Under 15	Raiders def Baystorms (15-6)
	City def Laimatana (18-0)
Under 17	Raiders def Baystorms (30-0)
	City def Laimatana (20-10)
A Reserve	Baystorms def Raiders (20-4)
	City drew Laimatana (14-14)
A Grade	Baystorms def Raiders (16-10)
	City def Laimatana (40-20)

PORT MORESBY RUGBY LEAGUE

Round 15 - Lloyd Robson Oval

Saturday, July 14, 2001.			
Game 1	11.00	Premier	Royals vs Tarangau
Game 2	1.00	Premier	Dobo Warriors vs Kone
Tigers			
Game 3	3.00	Premier	Post Puma vs Souths

Sunday, May 6, 2001.			
Game 1	11.00	Premier	Magani vs Brothers
Game 2	01.00	Premier	Defence vs Waliya
Game 3	03.00	SP Cup	Pom Vipers vs Lae Bombers

Kone Tigers Oval

Saturday, July 14, 2001			
Game 1	10.00	U17	Defence vs Waliya
Game 2	11.00	U17	Magani vs Brothers
Game 3	12.00	U17	Post Puma vs Souths
Game 4	1.00	U17	Royals vs Tarangau
Game 5	2.00	U17	Dobo Warriors vs Kone
Tigers			
Game 6	3.00	1st D	Bomana Eagles vs Cowboys



Sunday, July 15, 2001			
Game 1	9.00	U19	Dobo Warriors vs Kone
Tigers			
Game 2	10.00	U19	Royals vs Tarangau
Game 3	11.00	U19	Post Puma vs Souths
Game 4	12.00	U19	Magani vs Brothers
Game 5	1.00	1stD	7 Mile Jets vs Paga Panthers
Game 6	2.00	1stD	9 Mile Crushers vs T/Dolphins

PRL Oval 3

Saturday, July 14, 2001			
Game 1	12.00	U19	Defence vs Waliya

Toksave

Salim



• (Antap lephan) Dispela pilaia bilong Fincorp i kaikai tang stret egensim ol boi Yunivesiti long ragbi union resis las wiken long Pot Mosbi ragbi union gem. • (Antap raithan) Pilaia bilong Blu Kumul Brian Tani (raithan) i laik blokim birua bilong em long Tarangau long Fes Divisen gem long Pot Mosbi soka. Blu Kumuls i wilwilim wanskwat bilong ol 3-0. (Lephan) Fowat bilong Mendi Muruks i kisim taim stret long takol bilong Pot Mosbi Vipers. Ol mangi Mosbi i traim tasol na win 10-7. (Aninit lephan) Ol susa bilong Airlines of PNG i kisim poto bipo long gem bilong ol. Hamamas bilong ol i lus nating long wanem BAT winim ol 18-15. (Aninit raithan) Kain volibal eksen i save kukim stret Taurama Leisure Senta long Pot Mosbi. Hia yu ken lukim Hoppers i salensim PTC las wiken.

ol poto:
JOE
IVAHARIA



Wikila sponsarim Tarangau

BIKNEM stua kampani bilong ol grasrut, Wikila Enterprise, i givim nupela yunifom long Tarangau ragbi lig. Mak bilong mani em inap long K4000 olgeta.

Dispela mani em bilong baim yunifom, soks na trausis. Tarangau tim bai yusim nupela yunifom taim ol i bungim Royals klab long dispela wiken.

Presiden bilong Tarangau RFLC Simon Sobaim i tok olsem yunifom i kam long rait taim we klab ya i winim

namba 5 ples long poin lata na laik go insait long fainel.

Sobaim i tok olsem dispela helpim mani ya i kirapim tru skin bilong olgeta sapota na pilai long klab.

Em i tok tenk yu long Wikila husat i bin givim sapot long klab stat long 1979. Nau yet kampani i tromoi klostu long K80,000 olgeta long Tarangau klab.

Wikila kampani tu i bin baim K5,000 bilong afiliesen na tu rejistresen bilong ol pilai ya.



• Kila, (sanap namba tu long lephan) bosmeri bilong Wikila Enterprise i givim nupela yunifom long ol Tarangau pilai na opisel.

Tigers wilwilim Brothers

KONE Tigers i kamapim gutpela pilai tru wantaim strongpela ran long winim Enertic Brothers 34-18 long Pot Mosbi ragbi resis las wiken.

Tupela tim wantaim i gat wankain stail long pilai tasol Tigers i strong moa na winim dispela gem ya.

Brothers i skorim tupela trai. Ol trai i kam yet long Thomas Mena na Richard Sinamoi. Tasol Tigers i no surik, ol i strong na skorim narapela trai i kam long fulbek Vincent Kambuou na David Koi.

Ol i kikim konvesen na skoa i stap 16-8. Insait long 34 minit, Tigers i kisim narapela poin gen taim hapbek Heni Tonia i painim tas 10 minit insait long eria bilong Brothers. Na taim ol pilai, ol i setim Ben-Tobia husat i trikim

tupela difenda bilong Tigers na skorim trai.

Konvesen i gutpela na Tigers i go pas long skoa 22-8.

Brothers i tingting long kamapim gutpela gem tasol nau i wok long traim ketsim Tigers ya.

Wanpela gutpela sans bilong Brothers em taim Richard Sinamoi i kisim bal na laik putim trai tasol ol Tigers i kam blokim olgeta sans bilong ol. Dispela i no stapim Brothers.

Ol i yusim save long tromoi bal antap. Ol i mekim kain pilai olsem setim Gideon Wani i go putim wanpela trai bilong Brothers. Skoa nau i sanap 14-22.

John Yama bilong Brothers i traim tasol difens Tigers i strong na banisim em stret na em i no putim trai.

Taim Yama i karim bal na Tigers i takolim em, dispela i kirapim skin bilong ol arapela wan pilai bilong em. Olsem na David Mapa na Moses Kuman i kisim bal na ran i go na Yama i putim trai. Dispela nau i surikim skoa bilong Brothers i kam klostu 18-22.

Tigers i tingting planti nau. Fowat bilong Tigers James Yali i brukim difens bilong Brothers nau na go putim trai long surikim skoa i go long 28-18. Tigers nau i blokim olgeta sans bilong Brothers.

Na Brothers i stat long putim strongpela difens long salim Leo Chris long skorim las trai bilong ol. Hapbek bilong Tigers Langer Peter i putim trai nau na skoa i sanap long 34-18.

Admin bai skelim strong bilong Medics

SOKA RIPOT

HENRY MORABANG i raitim

SOKA long Nu Briten Palm Oil Limited (NBPOL) Soka Asosiesen i wok long paia stret long olgeta wiken long Mosa na Kumango soka fil.

Noken ting ol Wes Nu Briten i save long fiaf oisem bilak bokis long ketsim bal long aussie ruls tasol nogat, ol tu i ken kamapim soka stail olsem pele na maradona, tupela biknem long soka.

Wanpela gutpela pilai bilong ol meri i kamapim namel long Admin na Medics. Medics em wanpela top tim insait long NBPOL soka kompetisen tasol ol Mosa Oil Mill i rausim sket bilong ol. Ol i wilwilim ol stret wantaim 5-pela

gol na ol susa long Medics i guria stret na i no bekim wanpela.

Admin em ol yangpela skul meri. Noken ting ol studen nating. Ol i mas glasim gut stail bilong ol arapela tim na save mekim save long ol.

Admin i gat ol yangpela meri olsem Patronilla Nale, Albina Tagu, Louis Peni na Anna Daniel long brukim difens bilong Medics.

Ol susa long Medics i belhat na stap ya. Sapos ol Admin i no was gut, ol Medics bai wilwilim ol stret ya.

Medics em tim bilong ol dokta na nes. Tasol NBPOL soka asosiesen em plentesin ya na ol tu i gat dokta na nes bilong palm oil. Medics ya bai kisim strong i kam long Mary Sauli, Agnes Graham na Grace Kura wantaim utiliti pilai Hokulyan Epe.

Ol dispela foapela meri i wok long strongim Medics na sapos Admin i laik win, ol i mas was gut long midfil na tu straike bilong ol.

Admin bai givim gutpela salens. Ol soka sapota long NBPOL i mas gat planti tingting nau na ol yet i ken skelim.. husat bai win - ol yangpela i gat kik na pait ya, ating Admin bai win.

Sapos Admin i ken nilim stret Kumbango Mill 6-0, ating ol i ken kamapim gutpela salens tru long Medics.

Na long resis bilong mani, Kernel Mill i mas winim Mosa Mill. Dispela i nogat sans moa ya.

Dami bai winim Bebere na ol papa long Smallholders bai redi tasol long mekim save long Trensport. Ol Trensport ating olgeta fowil na spit bilong ol i mas pinis na bai kisim taim ya.

Lae redi long holim 2001 taitel

OGENAISING komiti bilong Nesenel Volibal Sempionsip i askim olgeta memba asosiesen long bihainim lo long kamap na pilai long sempionsip. Dispela sempionsip bai kamap long Independens wiken


(Septemba 14-17) Siaman Male Nalau i askim ol asosiesen i mas afiliet long stap insait long dispela sempionsip.

Nalau i askim wanem asosiesen i gat tingting long stap insait long resis em i mas rejista bipo long Ogas

17. Siaman i tok olsem nogat wanpela asosiesen bai resis sapos em i no memba. Olgeta asosiesen i mas memba. Wanwan tim bai i no inap stap long sempionsip long wanem ol i mas makim wanpela asosiesen husat i memba.

Em i tok wanem ol asosiesen i salim tim o rejistresen fom, ol bai sekim wantaim PNG Volibal Federesen long givim tok orait. Wanem asosiesen i kisim tok orait i mas salim nem bilong ol opisel, tim menesa, kosa na tu kontek namba bilong ol long tonamen dairekta.

WINIM K100 PAINIM BAL RESIS NAMBA 6




RUL BILONG PILAI:

1. Makim X long boks long potu yu ting bal i stap
2. Makim X long pen tasol
3. Katim potu long sisos na salim long: PAINIM BAL RESIS NAMBA 5, Wantok Nuspepa, P.O. Box 1982, Boroko, NCD.
4. Nambawan entri i makim stretpela hap bal i stap, em bai win.
5. Las de bilong kisim ol entri em Fonde 26 Julai, 2001.
6. Long Wantok bilong Fonde Ogas 2, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim wina mani i go antap long nupela resis.
10. Ol meri pikinini o famili bilong ol wokman meri bilong Wantok i no inap stap insait long dispela resis.

9. Raitim nem na adres bilong yu: **Nem**..... **Address**.....
 **Krismas**.....

10. Yu ken salim moa long wanpela entri, tasol no ken yusim potu kopi.

11. Ol famili o pikinini bilong ol wokman meri bilong Wantok i no inap stap insait long dispela resis.



• Tupela long bun mer! Kalru Laho (GS) bilong Post Courier na Shirley Karingal bilong Coca Cola long Praivet Kampani netbal resis.

Goroka i no amamas long PNGRFL

RAGBI LIG RIPO

PRESIDEN bilong Goroka Ragbi Lig Pat Siwi i paia long PNG Ragbi Futbal Lig long pasin em i save ranim SP Cup long olgeta wiken.

Mista Siwi i autim dispela tok-tok long wanem PNGRFL i save senisim ples bilong pilai olgeta taim na i no bihainim dro.

Siwi husat i gat nem long mekim sampela strongpela disisen i tok em i no amamas tru long nesanel lig long muvim SP Cup i go long laik bilong em. Dispela i no gutpela long promotim gem long hailens eria.

Presiden i mekim dispela bihainim pasin PNGRFL i save mekim long senisim dro long olgeta wiken. Taim ol i mekim, ol i save givim hatpela taim tru long ol tim menesa long senisim wok-

about bilong ol.

Planti tim i wok long kism taim long kain pasin olsem. Na sapos kain pasin i go het, ating ol sapota bai i no inap kamap moa long sapotim ragbi lig (SP Cup) taim ol i kamap long asples bilong ol.

Em i tok long dispela wiken, Lahanis bai bungim Rabaul Guria long Rabaul na Lahanis bai go pilai long Pot Mosbi long Raun 13.

Lahanis i go long bot long pilai wantaim Guria long Kimbe, orait nau Rabaul Guria i mas kam pilai long asples long Goroka. Dispela i no fea long disisen bilong PNGRFL long larim Lahanis i raun tumas.

Lahanis i bin go daun long Pot Mosbi na winim Vipers. Na PNG mas bihainim dro na bringim gem i kam long Goroka.

Nau yet Jeneral Menesa bilong PNGRFL Kevin Murphy i tokaut

olsem em i no amamas long mani ol i mekim las wiken taim Goroka ragbi lig i holim tupela SP Cup gem.

Mani K7,000 i kamap i no gutpela na i daunbilo tru long mani Lahanis na Vipers i mekim taim ol i pilai long Pot Mosbi. Na long dispela risen, PNGRFL na SP Cup Komiti i surikim gem long Raun 13 namel long Pot Mosbi Vipers na Lahanis i go long Pot Mosbi.

Mista Siwi i toktok strong olsem PNGRFL i gat wok long promotim SP Cup kompetisen na i noken tingting long mekim mani tasol. Na pasin bilong senisim ol ples pilai i go i kam inap bagarapim sans long bringim moa pipel na sapota i kam long lukim gem.

Goroka i gat lokal kompetisen bilong em na em i no laik sapotim wok bilong PNGRFL long mekim wok.

Tumbe bomim Lae Bombers

OL boi Waghi Tumbe i bagarapim tru sindaun bilong Lae Bombers 16-11 long SP Cup resis i kamap las wiken.

Dispela win bilong Tumbe i putim ol lain Bombers aut long fainel faiv. Sapos Bombers i laik win ol i mas traun na winim ol las gam.

Tumbe i winim wanpela taim tasol long Ron Albert Oval. Ol i autim tiket bilong Lae Bombers long namba wan gem long dispela via. Dispela win nau i

surikim ol boi bilong Joe Katsir i go long namba faiv ples.

Pot Mosbi Vipers i winim namba tu gem taim nupela kosa Richard Wagambie i kism ol. Na dispela wiken ol bai bungim Lae Bombers.

Bombers i gat gutpela rekot long pilai long asples tasol tupela lus i no helpim tumas tim bilong Morobe.

Tumbe husat i reko-tim dispela win i amamas tru long wanem nupela sponsa, Global Construction i givim dispela mani long ol. Nau ol i redi tasol long salensim Mendi Muruks long Mendi.

Na bihain long Mendi Muruks, Tumbe bai salensim Pot Mosbi Vipers long Minj. Na dispela em asples na ol i lukluk long winim dispela gem.

Long ol gem i kamap las wik, Vipers i autim Mendi Muruks 10-7 na Lahanis i nekim stret Kundiawa Warriors 32-20.

Dispela gem ya, ol biknem pilaia bilong Goroka Lahanis olsem Mack Siwi i skorim tripela trai, Lawrence Goive i putim tupela trai na Nime Kapo i putim wanpela trai.

Long sait bilong Warriors, Grain Sine putim tupela, Martin Thomas i putim wanpela na Main Pagau i putim wanpela.

Na bikpela gem tru las wiken i stap namel long Enga Mioks na Rabaul Guria. Ol boi Tolai i kam bihain na winim Mioks long wanpela fil gol 25-24. Lapun yet na olupela fulbek bilong Kumul Normyle Eremas i kikim dispela fil gol.

Eremas yet i putim 13 poin olgeta. Em i kikim tripela penalti, tripela konvesen na dispela fil gol i mekim ol i win.

Mioks i skorim 4-pela trai na Guria i skorim tripela trai. Tasol kik bilong Eremas i winim poin bilong Guria.

Walter Vagaia, Chris Purkikil na Lucas Solbat i skorim trai bilong Guria na Albert Paka, Nathan Anzo, Willie Amean na Raymond Karl i skorim poin bilong Enga Mioks tasol konvesen bilong ol i no gutpela tumas.

Mioks i go pas long skoa 16-10 long hap-taim. Tasol ol i no pinis gut wok long wanem Eremas i wok long kamapim gutpela gem long kambek na winim ol boi Enga.

Pirates i strong sait long Goroka yunion

YUNION RIPO

GONIX Pirates i strongim posisen bilong ol wantaim 12-5 in egensim Unggai Wanderers long Nesanel Spots Institut (NSI) las Sande.

Kodineta bilong Goroka Ragbi Yunion Moses Iko i tok olsem Pirates em tim i gat planti ol pilaia insait long provinsel tim, Kilitua, na wanpela strongpela sevens tim insait long kantri.

Kilitua i gat ol pilaia olsem Morris Andy (skram hap), Moore Koreng (seken faiv), Reynolds Kopa, Jimmy Mema na Alan Gideon husat i kamapim strongpela pilai tru las wiken.

Insait long narapela gem, klab bilong Iko yet Sainly Sharks i wilwilim stret Barbarians 22-5.

Tete yet i go pas long skoa list wantaim Steven, na Moses Ikos i kamap bihain wantaim 5-pela trai na utility pilaia Alan Gideon i skorim 4-pela trai tasol. Steven Iko husat i putim No 8 yunifom i go pas long dispela win wantaim Tete.

Poin lata nau i sanap olsem Pirates 12, Sharks 11, Guava Doggies 10, Barbarians 8, Unggai Wanderers 2 na Brothers 2.

Iko i tok olsem gem las wiken em i namba wan gem bilong pes raun. Olgeta klab i malolo las wiken long stretim ol klab afiliesen na rejistresen bilong ol.

"Mipela i wok long stretim wok administresen na mipela bai makim ol eksekutiv long pinis bilong dispela ya.

"Wanpela hevi long Goroka em planti ol klab i nogat ol gutpela kosa ya. Na dispela tasol i mekim kompetisen i no strong tumas," em i tok

ANSA BILONG PAINIM BAL RESIS NAMBA 5



Resis namba 5 wina: LILIAN DAVID C/- DAVID WENGA, TABLEBIRDS, LAE MOROBE PROVINS

Goroka kirapim Gems Riviu Komiti

GOROKA Ragbi Lig i setim rekot insait long kantri long sanapim wanpela komiti long lukautim gems. Nem bilong komiti em Gems Riviu Komiti long lukluk long ol hevi i kamap long taim bilong pilai.

Dispela komiti i gat teknikel memba bilong olgeta wanwan memba klab na presiden bilong referi, siaman na Presiden Pat Siwi (Goroka Lig) i fomim dispela komiti.

Mista Siwi i tok dispela em wanpela upela samiting na ol bai traun long kism toksave pastaim long PNGRFL na ol arapela senta i ken fomim komiti bilong ol.

Goroka Lig bai holim miting bilong ol wanwan mun, dispela GRC bai holim miting bilong em long olgeta Mande bihain long Sarere na Sande. Miting ya bai kamap long NSI long skelim hevi na wari i kamap long wiken.

"Yupela i gat pawa na strong long lukluk na skelim hevi," Mista Siwi i mekim dispela toktok long pawa bilong dispela komiti.

Mista Siwi i tok sampela hevi olsem tok pret long referi, komplem bilong ol pilaia na opisel, tok rabis na baksait long referi na pasin bilong ol pilaia tu bai kam aninit long lukaut bilong referi ya.

Arnotts pretim ol primia tim long Lahi

SOKA RIPOT

PAULUS TALI i raitim

WANPELA nupela tim long primia divisen, Arnotts, i wok long kamapim bikpela pret tru insait long primia kik resis bilong Lahi Soka Asosiesen.

Las wik, ol i pretim stret biknem Sobou tasol ol boi Bougainvil na Solomon Ailan i laki tru long winim dispela gem long tupela gol na Arnotts em i bekim wanpela gol tasol.

Arnotts em i nupela klab tasol ol i winim Fes Divisen olsem na ol i surik i go antap long Primia Divisen long dispela yia.

Planti ol pilaia bilong Arnotts em ol boi Yarus insait long Markham Veli we i save slip long Busu kompaun.

Ol boi Markham i kamapim gutpela pilai tru we ol i bek lokim gut tru Sobou. Tim menesa bilong Arnotts Darius Loth i tok olsem tim i nupela tasol ol i ken salensim ol biknem tim olsem

Sobou, Guria na University.

Tupela tim wantaim i kamapim gutpela presas futbol. Tasol ol boi Sobou i yusim eksperiens bilong olsem lapun primia tim long paulim ol yangpela long Yarus na winim ol.

Long namba wan hap, nogat wanpela gol i bin kamap. Tasol long namba tu hap, ol Sobou i pilai strong na yangpela midfilda bilong ol Peterson Pitu i pairapim umben bilong Arnotts we golkipa Amos Kipu i paul na bal i go insait.

Pilai i wok long kamapim papa nau na straika bilong Arnotts Kaining Sam i mekim gutpela ran i go insait long eria bilong Sobou na buletim stret bal na go insait long levelim skoa.

Gem ya inap long swit moa olsem suga tasol namel long fil ya i bagarap stret long wanem ren i pundaun. Ol boi Arnotts na Sobou i gat planti gutpela sans long skorim gol tasol ol i abrus.

Tasol 10 minit insait long seken hap, intanesenol pilaia bilong Sobou Alu Kamake ran

pulim bal insait long eria bilong Arnotts na skorim namba tu gol. Skoa nau Sobou tu na Arnotts wan gol.

Planti ol sapota i laikim tru long Arnotts i mas winim gem tasol taim i sot na Sobou i win.

Kosa bilong Sobou Ronald Dei i amams long tim bilong em i pilai. Em i amamas tru long lukim ol yangpela bilong Arnotts i givim gutpela na strongpela salens long tim bilong em.

Em i tok olsem dispela kain pilai long nupela tim long primia divisen i soim tru olsem standad bilong soka i gutpela ya.

Tim menesa Loth i amamas long wanem tim em i nogat nem. Tasol ol boi i soim tru olsem Arnotts i ken kamapim gutpela gem egensim ol biknem tim long Lahi soka kompetisen.

Ol boi i pilai gut long Sobou em Alu Kamake, Richard Daniel, Peterson Pitu, Ismael Alulao na John Baulo. Na long sait bilong Arnotts em golkipa yet Amos Kipu, Karing Sam, Timothy Kipu na Giding Tai.

Madang redi long holim Momase kap sempionsip


MADANG taun bai paia gen long neks wiken (Julai 20-23) we bikpela pilai bilong Moamse Coca Cola Amatil Volibal sempionsip bai kamap. Olgeta wok bilong redim dispela sempionsip i wok long kamap gut na ples i redi long pilai i kamap.

Siaman bilong Moamse Volibal Federesen. Mi Steven Kadam i tokim Wantok long Madang olsem olgeta samting bilong holim dispela sempionsip i redi pinis. Ol tims insait long Momase husat i redi pinis long brukim bun insait long dispela resis em Lae, Huon Galp, Nazab, Kaiapit, Madang 1, 2 na 3, Sumkar, Bogia, Saut Ambenoh, Wewak 1, 2 na 1. Aitape na i no ples Vanimo na boda lain ol Wutung.

Mi askim gen sapos yu husat tim i laik pilai, plis ya mas salim nem na fi

(100) bilong yu i kam hariap o dipositim i go long akaun bilong asosiesen 623 5195 PNGBC, Madang. Sapos yu husat ausait senta i laikim ples bilong slip, plis ringim o salim fax i kam long Federesen long pon/fax: 852 2789 o Presiden bilong Mava long pon 852 2633 na fax 857 3137 hariap tru.

Coca cola i meja sponsa bilong dispel sempionsip. Sempion tim we i holim dispel Coca Cola Sil em Axil (man tim bilong Nazab) na Huon Galp (meri tim). Tupela wantaim i bilong Lae na mas lukaut bikos ol Madang na Vanimo i redim pinis olgeta teknik bilong ol pinis na win bilong tupela bikpela senta em Lae, Nazab na Huon. Ol Morobe i mas tingting gut na kam long dispela taitel.



• Sempion tim bilong Praivet Kampani netbal kompetisen, Post Courier, husat winim Coca Cola Amatil long gren fainel long Pot Mosbi las Sande 29-22. Foto: JOE IVAHARIA.



• Tupela pilaia i resis long hetim bal insait long soka resis long Pot Mosbi las wiken. Foto: JOE IVAHARIA.

Volibal long Morobe i paul long husat bai makim ol

VOLIBAL IPOT

PLANTI sempion tim insait long Morobe i paul nau long wanem tim tru bai makim ol long Momase Rijonel Volibal sempionsip we bai kamap long Madang. Sempionsip ya bai kamap long Julai 20-23.

Wanpela biknem volibal pilaia Nathan Keputong i tokaut olsem nau yet i gat planti hevi namel long ol volibal insait long wanwan distrik. Em i tok olsem ol i no save wok bung wantaim rijonel volibal bodi long rijen.

Keputong i tok olsem sempionsip bai kamap long dispela mun na

planti tim insait long Morobe provins i no givim nem yet. Em i bilip olsem ol bikpela asosiesen insait long Morobe i no wok bung wantaim ol asosiesen long distrik level.

Lae representativ pilaia i tok olsem nau yet em i save olsem Lae Urban, Exil (Nadzab), Huon Galp na Morobe Country.

Exil bilong Nadzab Asosiesen i winim dispela 2000 sempionsip. Tasol nau em i was gut long Madang long wanem ol Madang i laikim tru dispela taitel i mas gobek long asples bilong em.

Mista Keputong i tok olsem ol tim opisel i no save bung o soim pes long miting. Ol i save wet inap las minit na ol i

Raiders mekim Hawks i wari long Kimbe

GEM bilong Kimbe Ragbi Lig i wok long paia stret ya. Olsem na KCP Raiders i mekim ol boi Daron Hawks i wari wantaim 15-14 win las wik.

Raiders i wok long soim stret olsem ol bai kamap wanpela strongpela tim long taim bilong fainel. Ol i no westim taim na long 5 minit tasol ol i brukim kiau wantaim wanpela fil gol.

Lukas Kondi i go pas long dispela kik. Na i no longtaim outsait senta Nick Touve i salim Witchi Kila long putim wanpela trai bilong ol. Bihain liklik ol i mas kikim wanpela penalti kik na skoa nau sanap 6-9.

Hawks tu i gat namba na ol i kamapim wanpela

trai na skoa i sanap 9-6.

Na long namba tu hap, kosa bilong Raiders i mekim sampela strongpela toktok na kepten yet Steven Tule i ran olsem weljik bilong maunten Waguri na brukim banis bilong Hawks na setim Kevin Namira long ran 20 mita na putim senta trai.

Trai bilong Namira i surkim skoa i go long 15-6. Tasol ol Hawks i pilai strong na skorim turpela trai long bringim skoa i go long 15-14. Ol i pilai strong tasol taim i sot na Raiders i win.

Ol pilaia bilong Raiders olsem Tule, David Suai, Moses Mangope, Peter Roman na Beni Tarovi i pasim tok na blokim tru Hawks.

Brothers i win isi tru

RAGBI LIG RIPOT

BHP Brothers i kamapim gutpela pilai stret na blokim olgeta sans bilong Magani long win. Ol i strong i go na autim Magani 9-3 las wiken long Lae Ragbi Lig kompetisen.

Insait long namba wan hap, tupela tim wantaim i kamapim strongpela gem we ol i no inap tru long skoa.

Na long 28 minit, kepten bilong Brothers, Brown Wilby i setim kepten Naps More long skorim trai long kona.

Hapbek bilong Brothers Peter Wabu i no kikim gut konvesen na skoa bilong ol i sanap 4-0.

Insait long 35 minit, bikpela fowat bilong Brothers Amos Jimmy i kisim bal na siksti i go na setim wing bilong em Francis Onafis long skoa. Wabu i abrusim konvesen na skoa bilong Brothers i stap long 8-0.

Long namba tu hap, Magani i kamapim wanpela strongpela pilai tru. Ol i no laik givim gem isi long

Brothers. Ol i pilai na Justin Puy i skorim namba wan trai. Iru Thoa i kikim konvesen na skoa nau i stap 6-8.

Magani i kamapim gutpela gem stret tasol bikpela hevi i bagarapim sans bilong ol em referi Nick i no lukautim gut gem. I bin gat sampela asua we Magani inap kisim penalti long skoa tasol nogat.

Long lukluk bilong gem, sapos referi i lukautim ating Magani inap mekim save long Brothers.

Pilai i wok long strong na hapbek Wabu i kikim wanpela fil gol ong bringim skoa bilong Brothers i go 9-6. Ol lain i pilai strong long Brothers em Brown Wilby, Peter Wabu, Amos Jimmy na Naps More.

Na long sait bilong Magani, Jack Wala, Justin Puy na Iru Thoa i pilai strong tasol i no kisim gutpela sapot.

Insait long arapela gem, MCD Royals mekim save long Tarangau 22-14. Nogat gem i bin kamap long Sarere bikos long bikpela ren stret.

WANTOK SPOTS

Alotau redi long holim dats tonamen

HENRY MORABANG | raitim

WOK redi i wok long go het long holim namba tu Papua Rijonel Dats Federesen sempionsip long Alotau long Milen Be provins. Dispela sempionsip bai kamap long Independens wiken.

Sekretari Jenerel bilong PRDF Mojeh Selsel i tokaut olsem wok long stretim tupela pies blong pilai i kamap gut na bai redi long mun Ogas.

Em i tok PRDF i nidim K30,000 long holim dispela dats sempionsip. Em i askim olgeta sponza husat i tokaut long sapot i mas glivim kwik helpim mani na ol i ken stretim samting.

Nau yet tripela senta i tokaut pinis long stap insait long sempionsip. Ol dispela senta em Alotau, Popondetta na Tabubil.

Presiden bilong PRDF Jerry Kansan husat i blong Popondetta i baim pinis aflilesen na bilong ol taim em i sekap long wok redi long Alotau las wik. Na Tabubil tu i salim pinis mani long kwiksevis i go long Mista Selsel.

Samting olsem wanpela mun i stap, Mista Selsel i singaut long olgeta klub o senta husat i laik pilai i mas baim aflilesen na tim rejistresen bilong ol harlap. De bilong baim ol fi bai pas long July 30.

Selsel i tok dispela sempionsip bai gat opisel opering na klosing sere- moni. Dispela opening long Septemba 12.

• Na long arapela storl, eksekutiv miting bilong PRDF we bai kamap long Alotau las mun i set long kamap long Pot Mosbi.

Selsel i tok ol i surikim miting kam long Pot Mosbi long kos bilong balus. Em i askim olgeta wanwan asolsesen long baim K250 aflilesen, na tim rejistresen em K100 na wanwan pilala i mas baim K30 olsem rejistresen fi.

Em i tok olgeta mani i mas go long PRDF pasbuk long PNGBC Alotau. Namba bilong pasbuk em 317 006117019. Husat i laik kleim moa save i ken ringim em long 6410355.

Vipers redi long bomim Bombers

WANPELA gutpela gem long SP Cup long wiken bai stap namel long Pot Mosbi Vipers na Lae Bombers. Gem ya bai kamap long Lloyd Robson oval long Pot Mosbi.

Vipers i laik winim gem long strongim posisen long poin lata. Bombers husat i kisim taim long Tumbe i wok long surik i kam- daun nau na dispela em wanpela bikpela hevi ol boi Morobe i save.

Kosa Richard Wagambie i givim moa trening long ol pilaia long difend na tu muv hariap long takolim ol birua pilaia.

Las wik Mendi Muruks i stek long hot san bilong Mosbi na Vipers i laki. Sapos nogat, ol bai kisim bikpela pen stret ya.

Wagambie i gat ol boi olsem Philip Walia, Chris Lome, huka Lupari na Solomon Hui long mekim wok. Hui i kamapim wanpela gutpela gem las wik na i mas stap long namba wan tim.

Hui na Billy Eki husat i save daunim het na pamim difens bilong arapela tim long ol SP Cup gem.

Na long Bombers, kosa Joe Katsir bai strong long papagraun Cedric Belo, Eddie Mark, Ivan Mosoka na Peter Wabu long winim gem.

Katsir i no nupela long stail bilong Vipers na bai kamapim wanpela gutpela gem namel long dispela tupela tim ya.

Na long Rabaul, Goroka Lahanis bai bungim ol Rabaul

Guria. Dispela em bikpela train bilong Guria sapos ol i ken winim kompetisen lida, Lahanis.

Presiden bilong Goroka Ragbi Lig Pat Siwi i wok long kamapim bikpela toktok watpo na PNGRFL i wok long surikim ol gem bilong Goroka Lahanis i go long kankain hap na i no larim long Goroka yet.

Waghi Tumbe nau bai bungim Mendi Muruks long Mendi Tente oval. Ol boi Tumbe i paia nau bihain long ol i bomim Lae B52 las wik. Olsem na ol boi bilong Gabriel Kiluwa i amamas long win.


Muruks bai strong long Timon Mosebuya, Cedric Kengi, Petrus Thomas na kepten yet Ruben Ruing long winim Tumbe.

Ol boi Tumbe i gat ol nupela pilaia. Wanpela pilaia husat bai sain o kamap gut long dispela wiken em Michael Oconner. Em i joinim tim na ol i go pilai long Lae na autim Bombers.

Enga Mioks bai salensim Kundiawa Warriors long Wabag. Mioks i wok long lusim sans long holim gem long Wabag bikos planti man i kamap tasol nogat mani i save kamap long get ya.

Nau yet, Lahanis i go pas long poin lata na dispela bai kamap strongpela gem long ol arapela tim

Ripot long PNGRFL opis i soim olsem 6-pela gem i stap bipo long fainel bai kamap. Olsem na ol tim i mas was gut na pilai strong.



□ Fowat bilong Mendi Muruks Cedric Kengi i laik brukim takol bilong Kawage bilong Pot Mosbi Vipers long las wiken SP Cup resis. Vipers win 10-7

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.